

**STENOGRAM**  
**23. RADNE SJEDNICE SKUPŠTINE KANTONA SARAJEVO**  
**ODRŽANE 16.06.2025. GODINE**

## **Elvedin Okerić (predsjedavajući)**

Otvaram 23. Radnu sjednicu Skupštine Kantona Sarajevo. Himna Bosne i Hercegovine.

Pozivam sve prisutne da svako na svoj način odamo počast svima onima koji su dali svoje živote za odbranu Bosne i Hercegovine od agresije.

Pozdravljam uvažene kolegice i kolege zastupnike, članove Vlade i uvažene goste, kao i predstavnika medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 28 zastupnika, što je dovoljan broj za punovažan rad i odlučivanje. Izostanak sa ove sjednice opravdali su: Fatima Gavrankapetanović-Smailbegović, zastupnica Admela Hodžić i zastupnik Faruk Selmanović.

Na osnovu člana 74. Poslovnika Skupštine Kantona Sarajevo Kolegij Skupštine Kantona Sarajevo na sjednici održanoj 05.06.2025. godine utvrdio je Prijedlog dnevnog reda današnje, 23. Radne sjednice koji glasi:

1. Poslanička/zastupnička pitanja inicijative i odgovori;
2. Prijedlog Zakona o uvjetima koje treba ispunjavati Kantonalna bolnica;
3. Prijedlog Zakona o izmjenama i dopunama Zakona o rudarstvu;
4. Prijedlog Zakona o izmjeni i dopunama Zakona o koncesijama;
5. Nacrt Zakona o izmjenama i dopunama Zakona o turizmu;
6. Nacrt Zakona o izmjenama i dopunama Zakona o poticaju razvoja male privrede;
7. Prijedlog Odluke o davanju saglasnosti za zaključivanje Ugovora o zasnivanju prava služnosti;
8. Prijedlog Odluke o dopunama Odluke o preuzimanju prava osnivača Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“;
9. Prijedlog Odluke o stavljanju van snage Odluke o davanju saglasnosti Fondu Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida da vrši zaštitu, korišćenje i obnovu kapi kula Širokac i Ploča i bedema koji ih povezuje broj:01-05-6293/08 od 28.02.2008. godine;
10. Prijedlog Odluke o davanju saglasnosti na Program rada Zavoda zdravstvenog osiguranja Kantona Sarajevo za 2025. godinu;
11. Prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove Psihijatrijska bolnica Kantona Sarajevo;
12. Prijedlozi Odluka o davanju saglasnosti na Programe rada i finansijske planove Javnih ustanova iz oblasti zdravstva za 2025. godinu:
  - a) Prijedlog Odluke o davanju saglasnosti na Program rada i finansijski plan Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu za 2025. godinu;
  - b) Prijedlog Odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2025. godinu;
  - c) Prijedlog Odluke o davanju saglasnosti na Program rada i finansijski plan Javne ustanove „Apoteke Sarajevo“ za 2025. godinu;
  - d) Prijedlog Odluke o davanju saglasnosti na Plan i Program rada sa finansijskim planom Javne ustanove Zavod za zdravstvenu zaštitu žena i materinstva Kantona Sarajevo za 2025. godinu;
  - e) Prijedlog Odluke o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2025. godinu;

- f) Prijedlog Odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo Prim.dr. Silva Rizvanbegović za 2025. godinu sa procjenama za 2026. i 2027. godinu;
  - g) Prijedlog Odluke o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2025. godinu sa projekcijom plana za 2026. i 2027. godinu;
  - h) Prijedlog Odluke o davanju saglasnosti na Program rada i finansijski plan Javne ustanove Opća bolnica „Prim.dr. Abdulah Nakaš“ za 2025. godinu sa projekcijom za 2026. i 2027. godinu;
  - i) Prijedlog Odluke o davanju saglasnosti na Program rada i finansijski plan Kliničkog centra Univerziteta u Sarajevu za 2025. godinu sa procjenom za 2026. i 2027. godinu;
  - j) Prijedlog Odluke o davanju saglasnosti na Program rada sa finansijskim planom poslovanja Javne ustanove Zavod za bolesti ovisnosti Kantona Sarajevo za 2025. godinu sa procjenama za 2026. i 2027. godinu;
  - k) Prijedlog Odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2025. godinu sa projekcijom finansijskog poslovanja za 2026. i 2027. godinu;
  - l) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2025. godinu, sa projekcijom za 2026. i 2027. godinu;
  - m) Prijedlog Odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2025. godinu sa projekcijom finansijskog poslovanja za 2026. i 2027. godinu;
13. Izvještaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2022. godinu;
  14. Izvještaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2023. godinu;
  15. Izvještaj o poslovanju Kantonalnog javnog preduzeća „ZOI '84“ Olimpijski centar Sarajevo d.o.o. Sarajevo za 2023. godinu;
  16. Izvještaj o radu Javne ustanove „Centar za napredne tehnologije u Sarajevu“ za 2022. godinu i Izvještaj o finansijskom poslovanju Javne ustanove „Centar za napredne tehnologije u Sarajevu“ za period od 01.01.2022. do 31.12.2022. godine;
  17. Izvještaj o radu Javne ustanove „Centar za napredne tehnologije u Sarajevu“ za 2023. godinu i Izvještaj o finansijskom poslovanju Javne ustanove „Centar za napredne tehnologije u Sarajevu“ za period od 01.01. do 31.12.2023. godine;
  18. Izvještaj o radu Pravobranilaštva Kantona Sarajevo za 2023. godinu;
  19. Izvještaj o radu Pravobranilaštva Kantona Sarajevo za 2024. godinu;
  20. Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2023. godinu;
  21. Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu;
  22. Izvještaj o snabdjevenosti Kantona Sarajevo lijekovima i sanitetskim materijalom u 2023. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti;
  23. Izvještaj o snabdjevenosti Kantona Sarajevo lijekovima i sanitetskim materijalom u 2024. godini sa osvrtom na implementaciju Liste lijekova koji se propisuju i izdaju

- na teret sredstava obaveznog zdravstvenog osiguranja kroz funkcionisanje Mreže farmaceutске djelatnosti - apoteka, sa prijedlogom mjera i aktivnosti;
24. Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo za 2023. godinu;
  25. Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko - sanitetskih sprava i materijala za ratne vojne invalide sa područja Kantona Sarajevo u 2024. godini;
  26. Nacrt Strategije razvoja kulture u Kantonu Sarajevo za period 2022. - 2027. godina.

Molim zastupnike da se izjasne o predloženom dnevnom redu. Zaključujem glasanje. Za je glasalo 25 zastupnika, protiv 5, suzdržanih ništa.

Konstatujem da je Skupština za 23. Radnu sjednicu Skupštine Kantona Sarajevo usvojila dnevni red kako je i predložena.

Također, uz poziv za sjednicu, dostavljeni su vam sljedeći informativni materijali:

- Izvještaj o provođenju Zakona o državnoj službi u Kantonu Sarajevo („Službene novine Kantona Sarajevo“, broj: 31/16, 45/19 i 6/25) u organima uprave i službama Kantona Sarajevo za 2024. godinu;
- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za vremenski period juli-septembar 2024. godine;
- Izvještaj o radu Policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2024. godine.

Prije nego što prijeđemo na tačku 1. iskoristio bih priliku da podsjetim sve prisutne zastupnice, zastupnike i sve one koji su članove Vlade i naše građane koji nas gledaju da je u prethodnim danima su bile godišnjice od odlaska dvoje zastupnika u Skupštini Kantona Sarajevo Segmedine Srne Bajramović i Mirsada Pindže. U svom političkom djelovanju bili su prepoznatljivi borci za prava i interesa građana Kantona Sarajevo te pozivam sve prisutne da ih se prisjetimo učenjem Fatihe ili minutom šutnje, svako na svoj način, onako kako želimo.

Zahvaljujem se zastupnicima.

Prelazimo na prvu tačku dnevnog reda, sada je tačno 10 i 30.

**AD – 1.**

## **POSLANIČKA/ZASTUPNIČKA PITANJA, INICIJATIVE I ODGOVORI**

Zastupnik Muamer Bandić se prvi javio za riječ. Izvolite.

### **Muamer Bandić (zastupnik)**

Selamim i pozdravljam sve prisutne i one koji nas protiv putem malih ekrana.

Imam jednu zastupničku inicijativu prema Ministarstvu zdravstva Kantona Sarajevo i Zavodu za javno zdravstvo Kantona Sarajevo za uspostavu besplatne SOS telefonske linije putem koje bi se pružala psihološka pomoć svim građanima koji se nađu u kriznim situacijama i nemaju kome da se obrate, a koji bi bila dostupna građanima 24 sata dnevno, 7 dana u sedmici, uključujući radne i neradne dane. Predmetnom inicijativom tražim da se uspostavi navedena SOS linija, i bude realiziran u što kraćem vremenskom periodu. Sve veći broj građana Kantona Sarajevo suočava se sa psihološkim krizama i potrebama za opću psihološku pomoć dok čekaju hospitalizaciju na Psihijatrijskoj klinici ili se nađu u kriznim situacijama kada se i sami ne znaju kome je se obratiti. Uvođenjem jedne ovakve linije moglo bi se spasiti desetine života i poslati jasna poruka građanima Kantona Sarajevo da nisu sami u trenucima kada prolazi kroz teške

psihološke epizode. Posebno naglašavam da na nivou Federacije Bosne i Hercegovine ne postoji jedinstvena SOS linija isključivo za opću psihološku podršku. Trenutno se trenutno su dostupne samo specijalizirane linije koje pružaju psihološku pomoć u kontekstu nasilja i kriznih situacija. Za potrebe opće psihološke podrške građani ne mogu se obratiti, mogu se obratiti centrima za mentalno zdravlje u svojim lokalnim zajednicama ili koristiti usluge poput plavog telefona u Banja Luci koji je namijenjen djeci i mlađima i dostupan je u radnim danima od 9 do 17 sati. Ova inicijativa je utemeljena na informacijama koje sam dobio od Udruženja za savjetovanje i podršku djeci, adolescentima, mladima i roditeljima „Iskra nade“. Molim se zastupnik i zastupnice da predloženu inicijativu podrže, a Ministarstvo da o njenoj realizaciji obavijesti Skupštinu.

Imam zastupničko pitanje prema Ministarstvu komunalne privrede i infrastrukture, prostornog uređenja i građenje, zaštite okoliša i Javnom komunalnom poduzeću Vodovod i kanalizacija. Molim vas da mi dostavite sljedeći informacije: kada je završen idejni projekat vodosnabdijevanja Mjesne zajednice Rakovica, naselje Zelena meraja i dio Kobiljače? Kada je idejni projekat dostavljen Javnom komunalnom poduzeću Vodovod i kanalizacija Sarajevo na ovjeru? Kada je Javno komunalno poduzeće ViK dostavio primjedbe na idejni projekat općini Ilidža? Koje su konkretne primjedbe dostavljen od strane KJKP ViK na navedeni idejni projekat? Kada je općina Ilidža prosljedila navedene primjedbe na projekt putem KJKP ViK na dalje postupanje? Da li je i kada projektom uvršteno navedena primjedba i idejni projekat, da li je i kada općina Ilidža dostavila revidirani idejni projekat ovom Javnom komunalnom poduzeću na usvajanje i ovjeru? I kada je planirano usvajanje i ovjera revidiranog idejnog projekta od strane KJKP ViK? Kada je predviđen početak i završetak izgradnje glavnog projekta vodovodne mreže i kada je planiran početak i završetak izrade glavnog projekta vođenih objekata pumpne stanice i rezervoara vodovodnog sistema. Molim da im se odgovor dostavi u pisanoj formi. Hvala lijepo.

### **Elvedin Okerić (predsjedavajući)**

Zahvaljujemo se zastupniku Bandiću. Za riječ se javila zastupnica Belma Kapo.

### **Belma Kapo (zastupnica)**

Hvala. Pozdravljam sve prisutne i naše drage građanke i građane. U ime Kluba SDP-a podnosimo inicijativu za izmjene i dopune Krivičnog zakona Federacije Bosne i Hercegovine na način da se napad na prosvjetne radnike tretira kao napad na službena lica. U članu 359. Krivičnog zakona Federacije Bosne i Hercegovine definisane su kaznene odredbe za počinioc napada na službena lica. Predlažemo da se doda član 359 koji bi predvidio da se počinioci napada na prosvjetne radnike u njihovom obavljanju posla i dužnosti odgoja i obrazovanja tretira na isti način. Također, u sklopu ove inicijative predlažemo da se doda član 359 b) koji bi tretirao na isti način napad na vozače javnog prijevoza, gdje bi se kazne za počinioc napada na vozače javnog prijevoza tretirali kao napad na službena lica. Već ranije delegatkinja u Domu naroda Jelena Pekić i ja smo podnijele inicijativu da se napad na zdravstvene radnike i socijalne radnike tretira na isti način. Obzirom da je danas Dom naroda Parlamenta Federacije Bosne i Hercegovine, istu ovu inicijativu ćemo predati i u Domu naroda i vjerujem da ćemo doći vrlo brzo do realizacije ove inicijative. Hvala.

### **Elvedin Okerić (predsjedavajući)**

Zahvaljujem se zastupnici Kapo. Za riječ se javio zastupnik Albin Zuhrić.

### **Albin Zuhrić (zastupnik)**

Hvala vam predsjedavajući.

Ja imam pitanje za premijera Kantona Nihada Uka, a koji se tiče zahtjeva fudbalskih klubova Sarajevo, Željezničar i Košarkaškog kluba Bosna za izdvajanje 0,5 % budžeta za ova tri kluba, što bi iznosilo nekih samo da građani imaju osjećaj 9 000 000 maraka, odnosno 7 novih, jer je 2 000 000 već planirano u budžetu za te svrhe ove godine. Da bi svima bilo jasno šta tzn. ne samo da bi značajno Sarajevu i Željezničaru, koji će igrati Europska takmičenja, to pomoglo ove godine u takmičenjima i pripremi za sezonu. To će vjerojatno biti ključna stvar za učestvovanje Košarkaškog kluba Bosna u narednoj sezoni najjače regionalne lige. Dakle, mi ovdje govorimo o vrhunskom sportu, gdje imamo samo u suštini 3 kluba u ovom gradu, a Bosni bi, ako bude igrala, o čemu ćete odlučiti vi u ovoj Vladi ABA 1 ligu, dolazio, recimo, u goste Partizan koji ima godišnji budžet 50 000 000 maraka. Dakle, mi govorimo o 9 000 000 maraka za sva 3 kluba koja se bave vrhunskim sportom u ovom gradu. Bude uvijek puno kritika kako to neki su klubovi poluprivatni, pa kako to da se financiraju i takvi klubovi? Kako to da se troše tolike plate na strance? Treba biti realan oko toga kako ta 3 kluba funkcionišu. Prvo, tu niko ne zarađuje novce, osim nekih ljudi koji tu rade i primaju platu, nema dobiti u tim klubovima i niko se na njima ne može obogatiti. Druga stvar, većina novca ide na plate, kada su to naši građani, plaćaju im se neki porezi i doprinosi, zdravstvena zaštita i slično. Kada su to stranci, situacija je još bolja za našu državu zato što se od ukupnog novca koji se isplati tim strancima, nekom Gulijašviliju ili Luteteu 40 i nešto posto vrati državi, a ti ljudi nikada neće kročiti u naš zdravstveni sistem niti primiti našu penziju. Dakle, potpuno se vraća taj novac u naše budžete. Ja sam vas viđao premijeru puno puta na utakmicama KK Bosne ove godine, i ministra sporta i kulture koji nije s nama ovdje danas, a volio bih da jeste, ne može se izdvojiti 1 000 000 maraka i doći uslikati na utakmicama i misliti da smo završili posao. Dakle, mi se trenutno nalazimo 300 % ispod nivoa koji nam je potreban da bi se uopšte mogli takmičiti sa klubovima u regiji. A kao napomenu, ako odete u Beograd ili Zagreb i pitate bilo koga, šta to znate vi iz Bosne i Hercegovine, u sportu i kulturi ljudi će vam odavde reći Željo, Sarajevo, Bosna, Sarajevo Film Festival. To su vam simboli sporta i kulture koje imamo. Ništa drugo u suštini ne postoji samo na to se možemo ponositi, samo se tu možemo takmičiti. I ja neću da nekako da ovo zvuči kao prozivka vas recimo činjenica da nemamo ozbiljnu salu već godinama nije vaša krivica, to je krivica svih prethodnih Vlada, ali ste vi sada tu i prvi korak koji se mora napraviti je da što prije sjednete i pokrenete rebalans budžeta. Moje se pitanje odnosi, evo, upravo na to kada namjeravate pokrenuti rebalans budžeta, kada to uradite, ako ćete udovoljiti klubovima i njihovom zahtjevu, imate ovdje zastupnike Demokratske fronte i koji će dići ruku za to. Hvala vam.

### **Elvedin Okerić (predsjedavajući)**

Zahvaljujemo se zastupniku Zuhriću. Zastupnica Vedrana Vujović se javila za riječ.

### **Vedrana Vujović (zastupnica)**

Zahvaljujem predsjedavajući. Dobro jutro i dobar dan svima, želim nam sretan i uspješan rad. Ja imam dva pitanja koja namjeravam postaviti danas. Prvo pitanje za Ministarstvo unutrašnjih poslova i ministra Katicu. Na osnovu koje je studije opravdanosti su na različitim proširenjima, autobuskim stajalištima u kantonu Sarajevo su postavljene kamere sa ciljem kažnjavanja vozača i kojima je zabranjeno zaustavljanje putničkim motornim vozilima, a posebno vozilima taksi prijevoza, ako znamo da je taksi služba dio javnog prijevoza? Zakon o osnovama bezbjednosti saobraćaja na putem u Bosni i Hercegovini definiše zaustavljanje vozila kao svaki prekid kretanja vozila na putu u trajanju do 5 minuta, osim prekida koji se obavlja da bi se postupilo po znaku ili pravilu kojim se reguliše saobraćaj. Član 69 istog Zakona propisuje da

vozač ne smije zaustaviti ili parkirati vozilo na mjestu na kojem bi ona ugrožavalo bezbjednost drugih učesnika u saobraćaju ili predstavljalo smjetnju za normalno odvijanje saobraćaja ili kretanje pješaka. Imajući u vidu sve navedeno, ovom paušalnom primjenom zakona prethodnih dana se direktno ugrožava sigurnost svih učesnika u saobraćaju. Od MUP-a Kantona Sarajevo očekujem detaljan pismeni odgovor na ovo pitanje sa pratećim dokumentima o ekspertnom timu koji je radio na projektu i na studiji. Moje drugo pitanje glasi koji je plan Vlade Kantona Sarajevo, odnosno šta namjerava uraditi sa Centrom Skenderija. Znajući da već duže vrijeme imamo različite informacije o tehničkom stanju ispravnosti objekata, kako sportskog dijela, tako i privrednog, a sve polovične i nezvanične informacije dovode u zabludu i javnost i korisnike prostora u Skenderiji, odgovor novo pitanje traži pismeno od Ministarstva privrede i uprave Centra Skenderija, a usmeno od premijera Uka i ministra Mijatovića s obzirom da su obojica u sali. Toliko. Hvala lijepo.

### **Elvedin Okerić (predsjedavajući)**

Zahvaljujemo se zastupnice Vujović. Za riječ se javila zastupnica Marijela Hašimbegović.

### **Marijela Hašimbegović (zastupnica)**

Zahvaljujem se predsjedavajući. Srdačno vas sve pozdravljam, posebno naše sugrađane koji prate rad ove sjednice. Ja ću imati jedno pitanje za ministra financija. Pitanje koje je na tragu pitanja mog kolege Zuhrića. Obzirom da smo sada u junu mjesecu ove godine, mene zanima kakvo je punjenje Budžeta, da li je sve po planu obzirom jel da ste usvojili rekordni budžet za Kanton za ovu godinu pa me zanima kakav je vaš stručni nalaz i presjek kao što sam rekla u punjenju Budžeta? Hvala lijepa.

### **Elvedin Okerić (predsjedavajući)**

Zahvaljujemo se zastupnici Hašimbegović. Za riječ se javila zastupnica Sebija Izetbegović.

### **Sebija Izetbegović (zastupnica)**

Zahvaljujem se. Moja pitanja bit će upućena ministru zdravstva Kantona Sarajevo dr Hasanoviću. Dakle prvo pitanje ministre, koliko danas su Kantonu Sarajevo imamo zaraženih građana Leptospirozom i zašto Leptospiroza epidemija nije proglašeno blagovremeno, nego sa mjesec dana zakašnjenja? Drugo pitanje ko kontrolira rad zdravstvenog osoblja koje radi istovremeno u javnim zdravstvenim ustanovama i u privatnim ustanovama? Ko i koliko često vrši provjere mogu li doktori i medicinsko osoblje koje radi u javnozdravstvenim ustanovama raditi privatno, dok su u javnim ustanovama na bolovanju? Ko kontrolira saglasnosti za nivo zdravstvene usluge, kao i kvalitet, odnosno ko evidentira komplikacije koje se dese pri radu u privatnim ustanovama a kasnije se završe u Kliničkom centru Univerziteta u Sarajevu? Da li postoji sukob interesa da direktor privatne ustanove bude isto vrijeme direktor javne zdravstvene ustanove? Vi ste dosta dugo bili direktor privatne ustanove Bonadei i Zavoda za zaštitu žena i materinstvo, to je direktni sukob interesa. U skladu sa ovim imam jednu inicijativu, dakle zahtijevam da nam dostavite eksplicite i decidno tačan podatak za 2024. i '25. godinu koliko uposlenika javnozdravstvenih ustanova na Kantonu Sarajevo ima dozvolu da radi privatno? Treba dostaviti tačan i precizan nalaz inspekcijских kontrola rada uposlenika javnozdravstvenih ustanova i kontrolirati koliko dugo rade privatno. Kao što znate, u Sloveniji je u potpunosti zabranjen rad u javnozdravstvenim ustanovama i u privatnim ustanovama jer to direktan put u korupciju i privilegovanje pacijenata koji im odlaze privatno, a u Hrvatskoj upravo stroga kontrola rada tih uposlenika koji rade u javnozdravstvenim ustanovama i koji rade privatno, kontroliraju se liste čekanja, kao što smo mi to nekad radili na Kliničkom centru, pa smo zbog toga odbili dati suglasnost. Trenutno na Klinci za radiologiju Kliničkog centra

Univerziteta u Sarajevu ima 5 specijalista više, 5 mladih doktora položili su specijalistički ispit otkad sam ja otišla, ali liste čekanja za magnetnu rezonancu sada su godinu dana, a tada nisu bile. Također, Klinički centar je u posjedu novog aparata 3 Tesla magnet, tako da zaista postoji nerazjašnjeno stanje zbog čega su liste sada godinu dana? Trebate nam dostaviti sve liste čekanja na usluge i opravdanost istih za sve javnozdravstvene ustanove. Dakle, i ljekari iz domova zdravlja, porodične medicine rade privatno, iz Opće bolnice i Zavoda za zaštitu žena i materinstva, iz Kliničkog centra i ostalih javnozdravstvenih ustanova.

**Elvedin Okerić (predsjedavajući)**

Vrijeme zastupnice Izetbegović.

**Sebija Izetbegović (zastupnica)**

Zahvaljujem se, završila sam.

**Elvedin Okerić (predsjedavajući)**

Zastupnik Faru Kapidžić, izvolite, imate riječ.

**Faruk Kapidžić (zastupnik)**

Zahvaljujem. Moje pitanje je novom ministru prostornog uređenja, odnosno komunalne infrastrukture, dakle, da li će išta poduzeti pod da zaustavi ovaj urbidic koji se dešava sada, nažalost, već i legalno? Jel bar koliko imaju informacije, obzirom da smo prije imali ilegalne izgradnje, sada imamo legalnu izgradnju gdje se bez izmjena regulacionih planova, odnosno izmjenama i dopunama, pogotovo u centralnom dijelu po ovim obodinskim dijelovima dešava nevjerovatan urbidic, čak i na klizištima, tako da se kuće koje su prizemlje i potkrovlje pretvaraju u zgrade od P+5 ili 6 spratova, kao što imamo slučaj na Soukbunaru. Dakle, slučaj koji je jeziv, ne znam da li kamera može vidjeti, od kuće koja je prizemlje i potkrovlje planira se izdavanje dozvole za P +5 ili s donje strane P +6 pratova, a to se već desilo u Kevrinom potoku, gdje imamo ogroman mastodont koji je iznikao sa P +9 sa donje strane, a P +4 sa gornje strane. Dakle, to su jezive stvari. Da li će ministar istražiti kako se došlo do toga obzirom da je Ministarstvo prostornog subjekta planiranja i odgovorno je ako ne djeluje, da se to zaustavlja, odgovorno je. Dakle, nije odgovoran ovaj ministar, ali može istražiti za ovo prethodno, a bit će odgovoran za sve što dolazi. Dakle, izmjene regulacionih planova, šta se izmijenilo i koje su sve građevinske dozvole date u proteklom periodu od 4 ili 5 godina. Hvala.

**Elvedin Okerić (predsjedavajući)**

Zahvaljujemo se zastupniku Kapidžiću. Za riječ se javio zastupnik Adi Kalem.

**Adi Kalem (zastupnik)**

Zahvaljujem predsjedavajući. Selamim i pozdravljam sve prisutne, selamim i pozdravljam sve gledaoce pored malih ekrana. Ja ću iskoristiti svoje zastupničko pravo, postaviti dva konkretna pitanja i moliti i pismeni i usmeni odgovor na ova dva pitanja. Obzirom da sam u svakodnevnoj komunikaciji sa građanima Kantona Sarajevo, dobio sam jednu informaciju, a tiče se stanja na deponiji Smiljevići. Stanje je uistinu alarmantno. Mašine za rasplaniravanje otpada ne rade, odnosno to su oni dozeri gore, odnosno buldožeri koji rasplaniravaju taj otpad gore. Reciklažni centar je van funkcije, mašina za separaciju i obradu reciklažnog materijala nije u funkciji, a radnici svakodnevno rade u uslovima koji direktno ugrožavaju njihovo zdravlje. Nažalost, ovo je posljedica višegodišnjih loših odluka i neodgovornog upravljanja od strane KJKP RAD i Vlade Kantona Sarajevo. Ovako neodrživo upravljanje s otpadom nas



dovodi pred prag ozbiljne ekološke katastrofe, i to u vremenu kada govorimo o zelenim politikama i održivom razvoju. Zato postavljam dva konkretna pitanja za Ministarstvo komunalne privrede, infrastrukture, prostornog uređenja, građenja, zaštite okoliša Kantona Sarajevo i upravi KJKP RAD d.o.o. Sarajevo, pardon. Zašto nije osigurano redovno servisiranje i rad mašina za obradu otpada i zašto je reciklažni centar potpuno zapostavljen? Pod 2, odnosno drugo pitanje Kantonalnoj upravi za inspeksijske poslove da li je u protekloj godini izvršen i jedan nadzor nad radnim uslovima zaposlenih i ekološkom ispravnnošću rada deponije? Ako jeste, koji su nalazi i mjere? Ja ovdje imam slike, stanje je uistinu katastrofalno. Molim vas da se pozabavite ovim problemom. Hvala.

### **Elvedin Okerić (predsjedavajući)**

Zahvaljujemo se zastupniku Kalemu. Za riječ se javio zastupnik Jasmin Šaljić.

### **Jasmin Šaljić (zastupnik)**

Hvala. Inicijativu upućujem na ruke premijera Vlade Nihada Uka, resornim ministarstvima za boračka pitanja i Ministarstvu za rad i socijalnu zaštitu. Na osnovi informacija sa terena utvrđen je neravnopravan tretman ratnih vojnih invalida sa različitim kategorijama invaliditeta, a prilikom ostvarivanja prava na dječjih dodatak. Članom 55. Zakona o dopunskim pravima boraca propisano je da pravo na mjesečna novčana primanja imaju djeca ratnih i vojnih invalida sa utvrđenim invaliditetom od 20 do 80 %, a članom 136. Zakona o socijalnoj zaštiti, zaštiti civilnih žrtava rata i zaštiti porodica sa djecom propisano je pravo da dodatak na djecu, bez obzira na prihode, pripadaju djetetu bez jednog roditelja ili oba roditelja te porodici u kojoj je jedan od roditelja ili dijete imaju utvrđen invaliditet od najmanje 90 %. U praksi to izgleda ovako; djeca čiji roditelji imaju invaliditet ostvaruju pravo na dječji dodatak u iznosu od 127, 80 KM, to djeca do 80 % i koji je za 44 Marke veći od djece roditelja koji imaju utvrđeni invaliditet od 90 do 100 %, a to su znamo amputirci i osobe u kolicima, čiji dječji dodatak iznosi 84 marke. Na osnovu gore navedenog očigledno je da postoji neujednačenost, nelogičnost kod ostvarivanja istog prava u zagradi dječji dodatak. Stoga predlažem unificiranje prava, bilo kod Ministarstva za rad i socijalnu zaštitu ili kod Ministarstva za boračka pitanja te da se o ovoj inicijativi opredijeli Vlada Kantona Sarajevo, uz učešće i dogovor navedenih ministarstava. Pošto se radi o vojnim kategorijama, logično bi bilo da se izmjenom i dopunom Zakona o dopunskim pravima boraca propiše da pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 100 %, djeca bez jednog ili oba roditelja u porodicama šehida, porodicama poginulih, umrlih, nestalih branioca bez obzira na imovinski cenzus. Korisnici koji ostvare gore navedeno pravo ne mogu isto ostvariti po Zakonu o socijalnoj zaštiti, zaštiti civilnih žrtava, rata, zaštite porodice sa djecom. U izradi ove inicijative više puta sam bio u kabinetu oba ministarstva, lično sam razgovarao sa ministricom Endom i Velidom iz boračkih pitanja. Ljudi su svjesni da se ova greška, il se potkrali ili nije. Napravili smo jednu nepravdu i već dugo godina smo oštetili ovu kategoriju. Ja bih zamolio premijera Nihada Uka da kao primjer posreduje između ova dva ministarstva da iznađemo što prije rješenja da ispravimo ovu očiglednu nepravdu sa kojom su saglasni i navedeni kabineti iz oba resora. I imao bih jedno pitanje za ministra Pandurevića, obećao sam građanima. Moje pitanje glasi ministre, mogu li zaposlenici u institucijama kojima Kanton duguje novac zbog kršenja kolektivnog ugovora, otići u sud, napraviti dobar posao, dogovoriti sa Općinskim sudom, da vam blokiramo račune i privatne i Kantonalne, da vam uzmemo vozila, sredstva za rad, sredstva se iz kancelarije kako bi naplatili štetu iz kolektivnog ugovora koja je 50 000 000 maraka. Ako smo isti pred zakonom, jer vi ste to rekli, da da ćete ići tim prinudnim naplatama, kako će ovi naplatiti? Mogu li istim putem da urade zaposleni u institucijama? Evo, ja bih vas zamolio da odgovorite.

### **Elvedin Okerić (predsjedavajući)**

Zahvaljujemo se zastupniku Šaljiću. Za riječ se javio zastupnik Mahir Dević.

### **Mahir Dević (zastupnik)**

Hvala. Prije skoro 7 godina u jednoj pompeznoj najavi i sa medijskim člancima objavljena je izgradnja Prve transverzale u Kantonu Sarajevo. Tadašnji premijer gospodin Forto je uveo mašine i odlučio u ime vlasti tadašnje šestorke da gradi Prvu transverzalu. Skoro 7 godina nakon toga postavljam pitanje premijeru Kantona Sarajevo, ministru saobraćaja ili već nekome ko predstavlja Vladu ovdje, na način na koji se ona predstavlja, da mi odgovore u kojoj fazi je danas izgradnja Prve transverzale u Kantonu Sarajevo. Napominjem da je prošlo skoro 7 godina i sa koliko novca je taj projekat budžetiran u Budžetu Kantona Sarajevo za 2025. godinu, uzimajući u obzir projekciju kada će se to ustvari završiti taj jedan kapitalni infrastrukturni projekt. To je prvo pitanje. Drugo pitanje je, vidim da ste odreagovali da ste na dnevni red postavili tačke vezano za Sarajevo šume i za to za 2 godine izvještaj '22 i '23. gdje je izvještaj o radu Studentskog centra za posljednje tri, četiri godine? Znači, imali smo hapšenje ministricice visokog obrazovanja pod optužbom za posredovanje prilikom imenovanja navodno nezakonitog imenovanja direktora Studentskog centra. Pitanje znači za ministricu visokog obrazovanja ili evo, premijera ako nje već nema, ne znam ko je onaj mijenja ili zahtjev, bolje rečeno, da se ta tačka uvrsti, odnosno te tačke za više godina, na prvu narednu radnu sjednicu Skupštine Kantona Sarajevo. I pokrećem inicijativu prema Ministarstvu financija Kantona Sarajevo da prema zastupnicima Kantona Sarajevo, Skupštine Kantona Sarajevo uputi decidnu informaciju o punjenju budžeta, ovo što je i kolegica Marijela pitala. Naravno, mi imamo izvještaj punjenju budžeta koji će ovdje doći otprilike nekad u septembru, oktobru mjesecu, je li. Znači da se pripremi detaljna informacija o prihodima u Budžetu Kantona Sarajevo jer mi, koliko vidimo iz opozicije, vi već kasnite sa određenim isplatama i oko plaća i oko regresa i oko drugih davanja. Žale se i ljudi da im se redovno uplaćuju sredstva. Prema tome, mi smo uskraćeni, odnosno, bolje rečeno, vi prolongirate tu informaciju za nekoliko mjeseci. Mi kada uđemo u jesen, nama je priča oko usvajanja realnog budžeta propala, jer mi smo najavili da vi budžet koji ste predložili ustvari je već i za 200, 300 000 000 u odnosu na realno stanje. Znači inicijativa prema Ministarstvu financija da dostavi detaljnu informaciju za narednu sjednicu Skupštine Kantona Sarajevo svim zastupnicima o punjenju Budžeta Kantona Sarajevo za prvih 6 mjeseci 2025. godine. Hvala. Naravno, ova pitanja, prva dva koja sam postavio želim usmene odgovore, a inicijativa naravno u pismenom. Hvala.

### **Elvedin Okerić (predsjedavajući)**

Zastupnik Samir Avdić se javio za riječ.

### **Samir Avdić (zastupnik)**

Zahvaljujem predsjedavajući, pozdravljam sve prisutne i ljude koji prate naš rad putem medija. Ja ću se također obratiti ministru Pandureviću. Prije toga zaista imam potrebu da podržim diskusiju kolege Kapidžića i izjavim da mi je jako drago zbog katarze koju je doživio, jer podsjetit ću ga da sam prije dvije godine ga pitao zašto on kao ministar nije poništio petnaestak dozvola u vodozaštitnoj zoni, onih vila koje sam nabrajao itd. On je tada odgovorio da je razlog neposluh i nedovoljan angažman radnika u ministarstvu. Podržavam ovu inicijativu i molim ministra Pandurevića da vrši svoju obavezu i da zaista provjeri sve građevinske dozvole u Kantonu Sarajeva, bez obzira u kojoj opštini se one izdaju, a moje pitanje prema njemu je sljedeće s obzirom da smo mi iz kluba SDP-A i prilikom podrške koju smo mu dali pri izboru ovu Vladu, a i prilikom podrške izboru Vlade i prvi put između ostalih zahtjeva ima zahtjev za usvajanje u ovom mandatu. Dva veoma važna zakona Zakon o formiranju komunalne policije

i Zakon o upravljanju zajedničkim dijelovima zgrada te molim ministra da mi u pisanoj formi, a ne danas, usmeno odgovori u kojoj fazi pripreme se nalaze ova dva Zakona. Zahvaljujem.

**Elvedin Okerić (predsjedavajući)**

Zahvaljujem se zastupniku Avdiću. Za riječ se jala zastupnica Smiljana Viteškić.

**Smiljana Viteškić (zastupnik)**

Zahvaljujem se. Ja imam jedno pitanje. Nedavno sam postavila pitanje, odnosno inicijativu u Ministarstvu za visoko obrazovanje i nauku Kantona Sarajevo za produženje roka studenata, postdiplomaca i doktoranata po predbolonjskom sistemu studiranja. Rok za rješavanje ove inicijative ističe oko 30.09. a oko 1400 studenata je u toj kategoriji i čekaju rješavanje ovog pitanja. Molim odgovor kada će biti riješeno, s obzirom da su najvjerojatnije potrebne izmjene Zakona o visokom obrazovanju Kantona Sarajevo. Zahvaljujem.

**Elvedin Okerić (predsjedavajući)**

Zahvaljujemo se zastupnici na postavljenim pitanjima.

Sada bi zamolio ministre u Vladi Kantona Sarajevo i premijera da ponude odgovore na postavljena pitanja. U skladu sa Poslovníkom, ukoliko ne budete mogli dati usmene odgovore možete dostaviti pismenim putem. Idemo prijavljenim redoslíjedom. Premijer ni Hajduk. Izvolite, imate riječ.

**Nihad Uk (premijer)**

Hvala puno, uvaženi predsjedavajući. Lijep pozdrav vama i kolegama u sali, kao i gledaocima pored malih ekrana. Dva pitanja sam planirao odgovoriti, ostala da će biti u pismenom dijelu dostavljena. Prvo je pitanje uvaženog zastupnika Zuhrića, a tiče se inicijative tri sportska kolektiva FK Željezničara, Sarajeva i KK Bosne, koja je publikovana u medijima prošle sedmice, a koja je došla na Vladu u petak prošli, dakle prije par dana. Dakle, meni je pravo drago i ponosan sam što smo došli u ovu fazu, da sada govorimo o klubovima, našim najuspješnijim, sarajevskim, da mogu igrati Europu nakon više godina neigranja ili da budu u prilici da igraju prvenstvo regionalne lige, dakle ABA 1 liga. Opređeljenje ove Vlade je bilo upravo to, dakle, da imamo klubove koji će biti konkurencija drugim regionalnim klubovima i mi smo se našli u toj situaciji. U sezoni 21/22 Kanton Sarajevo je finansirao dva sportska kluba FK Željezničar i FK Sarajevo sa ukupno 600 000 konvertibilnih maraka. Protekla Vlada, dakle, govorimo o periodu '23./ 24. je po klubu 1 600 000, odnosno 1 450 000 za drugi sarajevski klub. Ista situacija je još bolja je u pitanju Košarkaškog kluba Bosna 1 700 000 konvertibilnih maraka je financirano u protekle dvije, odnosno u sezoni 2 godine, odnosno sezona, kako se gleda 23. /24. godina. Imali smo sastanak sa rukovodstvom kakav Bosne i dogovorili smo da ćemo učiniti sve što je do nas da pronađemo dodatna sredstva kako bi klub KK Bosna odlučio ili ne odlučio da li će igra regionalnu ligu. A opređeljenje i dalje i poslije ove inicijative koja je došla od sva 3 kluba, jeste da se ulaže u sportske klubove u skladu sa mogućnostima same Vlade Kantona Sarajevo. Mi smo ponosni na ovo što smo danas učinili zajedno sa rukovodstvom sva 3 kluba i sigurno će Vlada Kantona i Kanton Sarajevo biti najozbiljniji partneri ova 3 kluba, kao i ostalih sportskih kolektiva u Kantonu Sarajevo. Što se tiče drugog pitanja uvaženog zastupnika Mahira Devića, tiče se Prve transverzale, dakle, u ovom trenutku zaista nisam zadovoljan po pitanju iste te transverzale, ali malo toga je u rukama Kantona Sarajevo. Dakle, radi se o imovinskim odnosima koje drugi trebaju da rade i koji rade. Dakle, jako je završena procedura i Prva transverzala, evo i za gospodina Devića i za građane, nije isključivo onaj potez koji ide od Američke ambasade i pa do Penny plusa, već Prva transverzala je puno duža. Na prvoj transverzali mogu da kažem ponosno da smo prvi tunel prokopali, dakle

prvi tunel koji je Kanton Sarajevo radio u ovih 30 godina postojanja je prokopan i on će biti dovršen krajem ove godine i spojen sa Hotonjom, odnosno ovim dijelom prema Šipu sredinom iduće godine. Tako da ima ozbiljnih opstrukcija i isključivo su vezane za imovinsko rješavanje imovinsko pravnih odnosa, ali tamo gdje čisto, tamo se i radi. Što se tiče financija, dakle, budžet Kantona Sarajeva nikada nije radio transverzale i velike ozbiljne infrastrukturne projekte iz budžeta, dakle iz budžetskih sredstava, to su kreditna sredstva i bez obzira što ima stavka u ovom aktualnom budžetu, kao i proteklih godina, Prva transverzala, pa ne znam, tamo piše 100 000 ili 500 000, nevažno koliko, taj se novac radi iz kreditnih sredstava, tako da onog trenutka kada se završe imovinski odnosi, pokrenut će se kreditna sredstva da se nastavi daljnja izgradnja Prve transverzale. Hvala još jednom.

### **Elvedin Okerić (predsjedavajući)**

Zahvaljujemo se premijeru Nihadu Uku. Ministar Enis Hasanović. Izvolite, imate riječ.

### **Enis Hasanović (ministar)**

Zahvaljujem predsjedavajući. Pozdravljam vas, zamjenice, zastupnice i zastupnike i građane. Prvo je inicijativa zastupnika Bandića za SOS liniju za psihološku pomoć građanima za pomoć u kriznim situacijama za psihološku pomoć naslovljena je za Dom zdravlja i Zavod za javno zdravstvo. Apsolutno opravdano i apsolutno ćemo podržati. Nisam siguran ko će ovo uraditi, kako ćemo uspostaviti za cijeli Kanton jedan broj, ali ćemo raditi na tome. Zahvaljujem se na inicijativi i pismeno i radit ćemo na tome možemo i zajedno raditi sa svim akterima. Zastupnica Izetbegović. Pitanje koliko ima zaraženih građana i zašto nije na vrijeme proglašena epidemija. Sa današnjim danom, znači od Leptospiroze ima prijavljeno ukupno 92. Nema novoprijavljenih jučer i danas. Laboratorijski je potvrđen 35 slučajeva, broj vjerojatnih slučajeva po definiciji Svjetske zdravstvene organizacije po simptomima je 57. Nema preminulih i ako je bilo tih priča i nema više hospitaliziranih u bolnici, na Kliničkom centru, znači nema pacijenata koji leže u bolnici. Epidemija je u padu. Zašto nije na vrijeme proglašena epidemije epidemija. Zahtjev, prijedlog za proglašenje epidemije, više puta smo javno objasnili, evo sada ponovo, prijedlog je došao u petak, tada oko 10 sati u Ministarstvo zdravstva. Procedura nalaže da mi tražimo prethodnu saglasnost direktora Federalnog zavoda za javno zdravstvo i federalnog ministra i mi ne možemo proglasiti epidemiju dok ne dobijemo odobrenje od njih. Mi smo čekali to odobrenje, recimo za morbile nekih 7 dana, za petus nekih 5 dana, u ovom slučaju mi smo do popodne dobili pozivima oba odobrenja. U 16,30 su nas pozvali i rekli da imamo odobrenja, da će nam poslati mailom. U 17,30 proglašena je epidemija. Ne da nije na vrijeme, nego u rekordnom roku je proglašeno. Znači, nije to ništa se zakasnilo. Ko kontroliše rad zdravstvenih radnika i privatnih ustanove koji radi u javnim ustanovama. I sad još jedno pitanje ili tvrdnja da sam dugo bio direktor privatnog Centra Bonadea i Zavoda za zaštitu žene i materinstva u Skerlićevoj. Prva sjednica Skupštine kada sam bio, bilo je to pitanje, objašnjeno je. Znači, apsolutno nije tačno. Onog dana kada sam imenovan za direktora za vd. Direktora Zavoda za zaštitu žena i materinstva Kantona Sarajevo, istog dana sam podnio ostavku, znači istog dana, a tamo je imenovan kao direktor, upravo onaj koji je prije toga bio direktor Zavoda za zaštitu žena i materinstva. Tako, tada je taj isti direktor nije se to desilo ni dan. E sada, ako se to ponavlja više puta, neka neistina, to možda u Alhemičaru ili negdje postane istina, ali ne može postati istina i ni Pinokio ni Alhemičar ne mogu pomoći jer nisam bio ni jednog dana. Ko kontroliše rad zdravstvenih ustanova i privatnih ustanova koji rade i doktori koji rade u javnim zdravstvenim ustanovama i privatnim? Naravno nadležni organi inspekcija po prijavama i redovne kontrole rade. Ovdje je pitanje znači to ćemo pismeno odgovoriti zato što ne znam koliko zaposlenika radi u javnim ustanovama i privatnim ustanovama, registar ima evidenciju u Ministarstvu zdravstva, zato što proces nalaže da se traži saglasnost od poslodavca, od

Ljekarske komore i na kraju Ministarstvo daje saglasnost na to. Potpisuje se trojni ugovor između direktora matične javne zdravstvene ustanove, uposlenika koji će raditi i direktora privatne javne zdravstvene ustanove. Ovdje je naglašeno da je u Sloveniji zabranjeno. Jeste po drugi put, prvi put je palo na Ustavnom sudu Slovenije i Sudu za ljudska prava u Strasbourgu, ponovno su uloženi žalbe. Vjerojatno će i ovaj zakon pasti u Sloveniji, u svim drugim zemljama je dozvoljeno, mi nemamo. Ovi isti doktori su radili isti ili slični ili veći broj njih su radili svo vrijeme, jedina razlika što nisu imali dozvole ranije, nisu radili legalno, sada rade u skladu sa zakonskim i podzakonskim aktima, dobivaju sve dozvole, ne radi niko, ako radi, inspekcija će naložiti zatvaranje te ustanove ako radi nelegalno. Mislim da mi nemamo dovoljno doktora u cijeloj Europi, ne samo ovdje i kada bi još zabranili, osim što bi narušili i ljudska i prava na rad koja su Ustavom zagarantovana za sve druge kategorije, mi bi narušili zdravstveni sistem zato što ljudi koji rade popodne, veliki dio građana ostvari pravo na zdravstvenu uslugu, operaciju ili pregled ili nešto, tako da bi mi ne možemo imati veći broj doktora nego ovaj broj doktora može pružiti veći ili manji broj usluga. Ne smije se dozvoliti to je do menadžera zdravstvenih ustanova da išli oni popodne na bazen, išli u park ili išli raditi negdje ne smije se dozvoliti da u svoje redovno radno vrijeme ne obavljaju svoje obaveze, tako da to nije s tim povezano. U suštini, većina doktora koji rade u svojim matičnim ustanovama više njih, oni su i traženi privatno. Oni najveći dio pregleda obave ili operacija tako da odrade popodne. Mi ne mislimo ići u tom pravcu, mislim da bi uništili zdravstveni sistem. Koliko god da smo povećali plate, a jesmo negdje oko 10, 7 odsto u septembru i sada prije neki dan s premijerom smo potpisali nove kolektivne ugovore za 10 %, 3 ili 4 puta privatne ustanove nude tim najboljim, najpoznatijim doktorima veće plate i kada bi im uskratili mogućnost da rade dodatno privatno, većina ili svi oni bi napustili i uništi bi javni zdravstveni sektor. Mislim da se to ne treba raditi, to si i ne radi po Europi. Vjerojatno će ovaj zakon u Sloveniji pasti. Na Radiologiji ima 5 doktora, meni su rekli da je 3, ima radiologija više i da je za 26 % povećan broj pregleda, usluga, da je Klinički centar otvoren i da rade na tome da smanje, radit ćemo na primanja radiologa. Kao što znate, raspisali smo oko 400 specijalizacija i subspecijalizacija, radimo na povećanju broja kadra i na opremanju zdravstvenih ustanova. Bit će investicija iz Ministarstva zdravstva, iz budžeta, iz federalnog budžeta, iz ustanove, da se kupi dodatni broj aparata i da se prerasporede doktori da smanjimo liste čekanja i radimo na tome i na regulaciji i načinu upućivanja da nema prekomjernog nepotrebnog upućivanja na sve te najsofisticiranije pretrage da ne bi dolazilo do začepljenja sistema. Mislim da je to to bilo. Hvala.

### **Elvedin Okerić (predsjedavajući)**

Zahvaljujemo se ministru Hasanoviću. A sada dajemo riječ ministru Zlatku Mijatoviću.

### **Zlatko Mijatović (ministar)**

Hvala, predsjedavajući. Dobar dan sve vas srdačno pozdravljam. I ja sam imao jedno pitanje, odnosno premijer Uk smo imali jedno pitanja vezano za status Skenderije od strane uvažene zastupnice Vedrane Vujović. Kad kažemo kad pričamo o statusu Skenderije, trenutnoj problematici Privrednog grada, odnosno trgovki, ja se jednostavno ne bih složio da su to neke poluinformacije koje kruže javnim prostorom. Mislim da smo bili više nego jasni, transparentni, otvoreni, iskreni, poštenu u svom nastojanju i objašnjenju zbog čega i kako trenutna situacija. Evo, ja ću poredati hronologiju nekih stvari, da, evo, nadam se, bude svima jasno. Da bih pokrenuo hronologiju, da bi krenuo u tu hronologiju moramo se vratiti dvije godine unazad, toliko traje aktivna borba protiv ajmo, pod navodnicima protiv trgovke, odnosno odnosno nelegalnih objekata, privremeno izgrađenih objekata, to je ovaj desni dio ovih par objekata konstrukcija koji je izgrađen, odnosno dobio dozvolu '90-te godine i trebao '93. godine da se sruši, toliko im je dugo trajala ta privremena građevinska dozvola, tako da

nazovem. Međutim tek '23. godine mi smo krenuli u jednu aktivnu borbu da se riješi to stanje, a u uzrok tome su bili elaborati razni Instituta za metale i konstrukcije. To je zvanični Institut Građevinskog fakulteta koji nas je kontinuirano upozoravao na narušavanje statike čitave te konstrukcije znači koja je pritisnuta tim bespravno izgrađenim objektima, odnosno nelegalnim sada objektima i narušava se čitava stabilnost objekta, odnosno Privrednog grada ispod tih trgovki. Mi smo tada krenuli zajedno u borbu sa Općinskom inspekcijom Općine Centar, donesena su rješenja, pojedinačna rješenja o rušenju tih objekata što je bilo zakonito jedino ispravno da se uradi u tom periodu. Uslijedile su žalbe, drugostepeni organ po tim žalbama je Ministarstvo komunalne privrede je odbilo te žalbe i pokrenuti su upravni sporovi i upravni ti sporovi ne odlažu izvršenje, doneseni su i zaključci o izvršenju, znači formalno pravno, moglo se ići u rušenje tih objekata i rješavanje ove situacije. Međutim ja mislim da je nekih četrdesetak, 45, 46 objekata u pitanju. Sve žalbe su, znači, odbijene. Pokrenuti su u većini slučajeva upravni sporovi od tih vlasnika ili tzv vlasnika, međutim u jednom slučaju je donesena upravna mjera, u jednom slučaju donesena upravna mjera što nas što nas u ovom momentu sprječava u izvršenju, u izvršenju tih rješenja u smislu rušenja, kao, evo, ja sam tako obaviješten od građevinaca građevinske struke da je nemoguće jednostavno taj objekat izolirano ostaviti na licu mjesta, a sve ostale srušiti jer je takva konstrukcija krovna konstrukcija itd. Ali, evo, razmišljamo i o nekim drugim opcijama sa ministrom Pandurivećem sam imao neki dan jedan iscrpan sastanak povodom tog pitanja, da vidimo da li to ipak možemo da riješimo. Kao što sam rekao, upravna mjera je zaustavila rušenje tih objekata. I to stoji tako od '24. godine na sudu. '25. godine u martu ili aprilu ove godine dobili smo novi elaborat istog tog Instituta koji je još jednom apelovao na nas da se radi o daljem narušavanju ugrožavanja sigurnosti i imovine. I onda je uprava Skenderije zajedno u konsultaciji sa Ministarstvom, a i sa Vladom, konkretno, a u cilju zaštite života i imovine korisnika prostora ispod dole u Privrednom gradu donijela Odluku da se u skladu sa zaključenim ugovorom o zakupu, isti raskinu iz isključivog razloga da se zaštite ljudski životi i imovina. Da nam ne bi desilo se nešto što se desilo prošle godine u Republici Srbiji, vi znate sve šta se desilo, to ne želimo da imamo takvu situaciju. Međutim, taj isti elaborat je naveo sljedeće: da je neophodna hitna rekonstrukcija platoa, međutim ta rekonstrukcija platoa je nemoguće uraditi bez rušenja ovih trgovki, znači mi moramo prvo srušiti te trgovke da bi to moglo uraditi, da bi ta stabilnost bila na mjestu. Kao što sam rekao, znači, Skenderija je raskinula te ugovore u skladu sa zakonom, u skladu sa obligacionim odnosnom, u skladu sa ugovorom o zakupu koji oni imaju i oni će imati vidljive osjetljive finansijske posljedice povodom tog raskidanja, to je nekih, mislim da je nekih oko 30 zakupoprimaca. Ministarstvo privrede je posredovalo u smislu da smo stavili na raspolaganje određenu imovinu kojim upravlja Kanton Sarajevo, odnosno Ministarstvo privrede i za određeni broj korisnika tih prostora smo našli adekvatan smještaj, za neke nismo ovaj, ali tu smo gdje smo. Što se tiče drugog postupka, koji je ponovo ove godine i nakon ovog, znači elaborata, pokrenut opet od Općinske inspekcije, doneseni su rješenja, odnosno doneseno je jedno rješenje o zabrani rada tih objekata trgovki A, tako ih mi zovemo. Ta rješenja su sada osporavana. Stvar je ja mislim na drugostepenom organu u Ministarstvu komunalne privrede i to bi se trebalo uskoro rješavati po tom pitanju, ali to rješava znači samo zatvaranje i zabranu rada u tom kontekstu. Međutim, glavna nam je ova situacija što imamo tu jednu upravnu mjeru na Općinskom sudu u Kantonu Sarajevu. Mi smo, evo, pisali i urgenciju da se taj predmet riješi jer radi se o jednom hitnom od javnog značaja predmetu koji treba uzeti hitno u razmatranje i rješavanje. Prema tome, evo, ja ne znam da evo jesam li razriješio sve potencijalne dileme. Uglavnom, ja smatram da smo postupili odgovorno, profesionalno, onako kako se od nas očekuje, ne samo mi u Vladi, nego i direktori i uprava i Nadzorni odbor Skenderije. Imali smo povodom toga i jednu Press konferenciju koja je bila više nego transparentna, objasnili sve, ne samo javnost, već i korisnicima tog prostora. Ta mjera, upravna mjera, odnosno mjera inspektorata, je bila hitna mjera. Prepoznali su značaj, prepoznali su opasnost koja je navedena

u tom elaboratu i nije se moglo, jednostavno ne želi niko da preuzme, na kraju krajeva, taj rizik da sada produžava taj rok. Ne želi to Nadzorni odbor, ne želi to direktor, ne želim to iskreno da vam kažem, ni ja. Ne znamo, ne znamo, odnosno znamo kakvo je stanje, da je alarmantno stanje. I ne želi niko da produžava takav jedan rizik i preuzima tu odgovornost na sebe. Hvala vam puno.

### **Elvedin Okerić (predsjedavajući)**

Zahvaljujemo se ministru Mijatoviću. Za riječ se javio ministar Admir Katica.

### **Admir Katica (ministar)**

Hvala lijepa predsjedavajući. Lijep pozdrav vama, lijep pozdrav zastupnicama i zastupnicima Skupštine Kantona Sarajevo, posebno lijepo zdrav građankama i građanima Kantona Sarajevo. Bilo je, zahtjev bio i za pismenim dostavljanjem odgovora i ono će biti dostavljeno, naravno, od strane Uprave policije MUP-a Kantona Sarajevo. Tiče se, dakle, pitanja vezanog za instaliranje 27 kamera koje bilježe zaustavljanje i parkiranje vozila na mjestima za koja su predviđena za zaustavljanje vozila javnog prijevoza prevashodno, autobusa i trolejbusa. I ovdje u tom pitanju na neki način pomalo teškim riječima okarakterisana ova aktivnost MUP-a Kantona Sarajevo, koja ima za cilj, ima misiju da uvede red u jednom dijelu ove oblasti, oblasti sigurnosti saobraćaja, a sve naše, sve naše aktivnosti su usmjerena ka tome da se borimo za svaki ljudski život, dakle za spašavanje ljudskih života. I ovo je samo jedan segment takvog takve aktivnosti. Moram reći da je ova mjera, koja se odnosi posebno na taxi vozila i koja je na neki način izazvala pažnju je također i od meni, od mene kao ministra unutrašnjih poslova, opažena na sličan način, tražio sam od Uprave policije da se analizira dato pitanje i mogu reći da sam dobio odgovor da evo, vi kažete uvažena zastupnice, da ako se zna da je taxi dio autoprijevoza, kako ste mogli to uraditi. A prema svim zakonskim propisima u državi Bosni i Hercegovini počev od Zakon o osnovama sigurnosti saobraćaja na cestama u Bosni i Hercegovini, Zakon o cestovnom prijevozu Federacije Bosne i Hercegovini, Zakon o taxi prijevozu u Kantonu Sarajevo, niti u jednom od tih propisa nema mogućnosti da se nešto takvo omogući, odnosno postoji čak izričita naredba zabrana zaustavljanja vozila. Evo, ja vam mogu citirati. Zakon o osnovama sigurnosti saobraćaja u članu 9. stav (1) tačke 68. propisano da je stajalište dio površine puta namijenjeno za zaustavljanje autobusa, trolejbus ili tramvaja radi ulaska i izlaska putnika. I to je funkcija. U član 73. stav (1) tačke 10 istog zakona propisano je da je naročito zabranjeno zaustavljanje i parkiranje vozila na dijelu kolovoza, koje kao stajalište za vozila javnog saobraćaja obilježen saobraćajnim znakom i oznakama na kolovozu. Da ne čitam dalje. Isto Zakonom o cestovnom prijevozu, isto Zakonom o taksi prijevozu čak Kantona Sarajevo, koji mora biti usklađen i mora korespondirati sa Zakonom o osnovama sigurnosti saobraćaja na cestama, s obzirom da je to bazni sistemski zakon kada je u pitanju sigurnost saobraćaja na području cijele Bosne i Hercegovini, dakle, ono što se zna i što je neka ustaljena praksa nije ono što je zakonom dozvoljeno ponašanje. Iz tog razloga sam ja i kao ministar obavio razgovore i sa ministrom saobraćaja tih dana kada smo to razmatrali pitanja. Na koncu sam podržao inicijativu uvaženog zastupnika Aljoše Čampare da se obratimo Ministarstvu prometa i komunikacija Bosne i Hercegovine, odnosno tom nivou koji donosi izmjenu ovoga Zakona o osnovama sigurnosti saobraćaja i da se razmotri ovo pitanje i da se to pitanje na adekvatan način riješi. Također, moram reći da potpuno odbijam mogućnost da se radi o bilo kakvoj paušalnoj aktivnosti MUP-a Kantona Sarajevo i Uprave policije. Radi se o jednoj planiranoj racionalnoj aktivnosti koja je bazirana na činjenicama, zakonskim propisima i na onome što mi radimo, već u niz naših aktivnosti, a to je, dakle, misija spašavanja ljudskih života. Nama je ovo dio jedna karika u lancu mjera koje mi poduzimamo radi poboljšanja sigurnosti u saobraćaju. Podsjetit ću vas da smo promijenili metodologiju rada policije po

ovome pitanju, posebno kontrolu na ne sterilnim mjestima. Uveli smo testiranje na droge s obzirom da je droge jedan od važnih etioloških faktora u nastanku tijeških saobraćajnih nezgoda. Uveli smo table ako ste vidjeli, značili svako mjesto gdje je moguće mjeriti brzinu. U toku je nabavka 28 radarskih sistema, koje ćemo postaviti na ovoj saobraćajnici Ilidža - Bašaršija. Nabavili smo presretače, imamo i četiri, dva najmodernija od ta četiri vozila, imamo bodi kamere, provodimo kampanje i ono što je još važno reći, danas smo objavili da uvodimo još 45, do kraja godine ćemo ih imati 100 negdje tzv. kamera iz programa Sparta. Taj program Sparta dodatno ojačava operativno Upravu policije, u heorističkom smislu, otkrivačkom smislu. Pojačali smo kapacitete da se može vrlo brzo riješiti krivično djelo, identifikovati pojedini osumnjičeni i privesti pravdi, što je svakako osnovni naš cilj. I u ovome svemu, u toj našoj emisiji spašavanje ljudskih života i preduzimanje svih ovih mjera mi i dalje tražimo i od nivoa Federacije Bosne i Hercegovine, a posebno nivoa Bosne i Hercegovine i nadam se da će se uskoro to desiti da se izmijene zakonski propisi, da se propišu odgovarajuće sankcije za pojedina ponašanja koja naročito ugrožavaju učesnike u saobraćaju, posebno pješake. Ja se nadam da kad to se učini, onda da će policija biti još efikasnija, odnosno bit će naše aktivnosti kojih ima pregršt će dobiti na svojoj efikasnosti, maksimalizirati će se efekat i mi ćemo biti, siguran sam, efikasni u svom radu. Svakako ćete dobiti, evo i pismeni odgovor na ova vaša pitanja. Ja vam se zahvaljujem.

### **Elvedin Okerić (predsjedavajući)**

Zahvaljujem se ministru Katici, za riječ se javio ministar Mladen Pandurević.

### **Mladen Pandurević (ministar)**

Zahvaljujem. Od, čini mi se, 5 ili 6 pitanja koja su mi postavljena velika većina se odnosi na period prije nego što sam ja imenovan za ministra ili se odnosi na komunalna preduzeća. Tako da mogu ovaj put da odgovorim samo na jedno pitanje, usmeno, a na ostale će poslanici da dobiju odgovore u pismenoj formi. Naime, kada govorimo o postavljenom pitanju koji se tiče Zakona o komunalnoj policiji, Zakona o upravljanju zajedničkim dijelovima zgrade, mogu reći da, evo, još nema 2 mjeseca kako sam ja imenovan već jedan zakon se nalazi u proceduri, na tri zakona se radi. Jedan od ta tri zakona je Zakon o komunalnoj policiji. Nadam se do 1. 9., ne nadam se, nego vjerujem da do 1. 9. ću imati prve tekstove ta tri zakona, a uz ovaj zakon radi se Zakon o legalizaciji objekata i radi se Zakon o izmjenama i dopunama Zakona o prostornom planiranju. Mislim da već znate da je Zakon o komunalnoj policiji već rađeno na njemu, da je bio u proceduri i da je dobio negativno mišljenje od nekoliko institucija koje su morale da daju to mišljenje. Problem je u tome što treba naći pravni osnov, da komunalni policajci imaju ovlaštenje da bi mogli da izriču kazne u postupku. To nije tako jednostavno pravno odraditi i morali smo ponovno da krenemo ispočetka da bi to riješili, da bi riješili to pitanje. Dalje, uočili smo da se želi, bar u onome što je meni prezentirano, želi se da komunalna policija dobije jedan dio ovlaštenja koje u ovom trenutku ima, kako bih rekao, regularna policija, recimo uklanjanje nepropisno parkiranih vozila, kućni red i mir i tako još neke stvari. Da bi se to uradilo, mora se uskladiti, taj zakon se mora uskladiti sa drugim zakonima i inače uz ovaj zakon morat će doći usvajanjem ovog zakona, morat će doći do promjena 7 drugih zakona jer se radi o jednoj vrlo kompleksnoj, multidisciplinarnoj oblasti. Također smo naišli na taj problem da pojedine stvari koje se žele regulisati ovim zakonom, recimo kontrola javnog prijevoza, korištenje javnog prijevoza bez karte nije prekršaj, znači, a policija ne može naplaćivati ne znam dodatne kazne za privatna ili javna preduzeća koja vrše javni prijevoz. Znači, morat ćemo i to pitanje da regulišemo. Također je vrlo važno regulisati i pitanje koje sve prekršaje možemo, da li federalne, Kantonalne, opštine imaju pravo da donose svoje odluke o prekršajima i mislim da vidite koliko je kompleksno pitanje i zašto smo morali da krenemo u izradu ovog zakona od



početka. Drugi zakon teško, on nije u Programu rada Vlade u ovoj godini, iako je na njemu već nešto rađeno, a ja ću učiniti napor da negdje na samom kraju godine formiram stručni tim i da se počne raditi na tom materijalu, ali bit će predloženo da on bude u planu o programu rada Vlade za narednu godinu. Moram vam reći da ćemo na jesen morati razmatrati i pitanje izmjena Zakona o komunalnoj čistoći, tako da se nadam da shvatate da 5 zakona za 7 mjeseci je nešto što ja mislim, prevazilazi kapacitete i jednog ministarstva i da ne govorim dalje. Hvala vam.

### **Elvedin Okerić (predsjedavajući)**

Zahvaljujemo se ministru Pandureviću. S ovim smo završili tačku jedan Poslanička/zastupnička pitanja i odgovori.

Prelazimo na tačku dva.

Nemate poslovničku mogućnost nezadovoljstvo odgovorom, nemate, pročitajte Poslovnik, vidjet ćete da nemate, da ima, ja bih vam dao, ali nemate mogućnost nezadovoljstva odgovorom.

Poslovnička intervencija zastupnika Dević. Izvolite, imate riječ.

### **Mahir Dević (zastupnik)**

Hvala. Vi ste predsjedavajući ovu sjednicu, naravno, zakazali za danas, jer u tom momentu mi u tom terminu nismo imali dogovorenu ovu sjednicu Doma naroda, međutim došlo je do pomijeranja same sjednice Doma naroda, a iz ove Skupštine, čini mi se, 13 ljudi učestvuje u radu Doma naroda koji treba da počine u 12 sati. E sada, šta je sada ovdje plan? Hoćemo li mi ostati bez kvoruma? Hoćete li vi ovo prekidati? Hoćemo li mi nastaviti raditi normalno, kao da se to ništa nije desilo? Imate li neki taj plan? Nakon što to odgovorite, onda ću vidjeti da eventualno zatražim pauzu ispred Kluba. Molio bih da nam odgovorite. Razumijem da niste vi u startu napravili tu vrstu greške, ali evo, okolnosti su takve da se to desilo.

### **Elvedin Okerić (predsjedavajući)**

Kao što ste i kazali, i svi zastupnici su upoznati da nam je naknadno, nakon što je Kolegij zakazao sjednicu Skupštine Kantona Sarajevo, došla obavijest da je zakazana sjednica Doma naroda i.

### **Mahir Dević (zastupnik)**

...Nije, oni su nju odgodili. Odgodili, ovo je.

### **Elvedin Okerić (predsjedavajući)**

Ali su zakazali za 16., za danas i jedan dio zastupnica i zastupnika iz Skupštine Kantona Sarajevo će morati otići na tu sjednicu 12 sati na Dom naroda, mi ćemo nastaviti dalje sa radom sjednice Skupštine Kantona Sarajevo. Nakon što završe sjednicu Doma naroda, neka zastupnici dođu ovdje i nastavljamo dalje i mi ćemo ići sa poslovničkom mogućnosti da ćemo raspravljati o tačkama dnevnog reda. Svi klubovi imaju sasvim dovoljno zastupnika u Skupštini Kantona Sarajevo da mogu da raspravljaju o temama koje su pred nama, tako da mi nastavljamo dalje sa radom sjednice Skupštine Kantona Sarajevo.

Zastupnik Dević, poslovnička.

### **Mahir Dević (zastupnik)**

Ozbiljno je ovo pitanje, ne mislim da mu pristupate neozbiljno. Znači kompletan Klub Naše stranke je po pravilu onda u Domu naroda jer dosta Ostalih itd. Mi iz opozicije vam nećemo,

bar ja govorim u ime Kluba SDA, nećemo vam kvorum držati zbog ove situacije, to vam mora biti jasno. Prema tome, ako ste vi odlučili da ćete to nastaviti dalje, da radite, dajete nam prije početka ove sljedeće tačke pauzu ispred Kluba, za pripremu ove tačke.

### **Elvedin Okerić (predsjedavajući)**

Mi planiramo da nastavimo dalje. Vaše je pravo dal'ćete vi ostati na sjednici ili ne, to je vaše pravo, a mi i dalje nastavljamo sa radom. Zastupnik, možete li se samo ugasiti ako nemate više. Tačka.

Pauza 15 minuta u ime Kluba SDA.

### **NASTAVAK NAKON PAUZE**

### **Elvedin Okerić (predsjedavajući)**

Evo ministra Mijatovića da se pripremi, a kolegu Kapidžića da ga ne ometa u pripremama.

Nastavljamo sa sjednicom Skupštine Kantona Sarajevo.

Tačka dva.

### **AD-2.**

### **Prijedlog Zakona o uvjetima koje treba ispunjavati Kantonalna bolnica**

Ministar Hasanović se javio za riječ.

Evo samo kolega Bandiću da, izvolite, imate riječ kolega Bandiću, izvolite, imate riječ.

### **Muamer Bandić (zastupnik)**

Uvaženi kolega Okeriću zaista uz dužno poštovanje, pročitati ću vam član 21. Ustava. „Propisi se smatraju donesenim ako sjednici prisustvuje najmanje 51 % poslanika, i ako je za predloženi propis glasala većina od ukupnog broja izabranih poslanika“. Dakle kolega Okeriću, ovdje se sjednica ne odvaja po segmentima. Prilikom usvajanja dnevnog reda utvrđivanja, već se sjednica posmatra kao jedan kontinuitet u radu ovog tijela. Ja skrećem pažnju da po Ustavu mi nemamo većinu za odlučivanje. Nemam zaista namjeru da opstruiram, ne kažem da ste vi krivi, splet okolnosti je takav da je zakazan, pa Dom naroda Federalnog parlamenta i u tom kontekstu vas molim da prekinemo sjednicu dok ne budemo imali kvorum. Okolnost, dakle, kolega Okeriću da se radi o donošenju zakona, nemojte da sjednice budu formalne, gdje je prisutno 3, 5 ili 15 zastupnika. Ovi zakoni se moraju pretresti valjano i donijeti na jedan ustavan i zakonit način. Hvala.

### **Elvedin Okerić (predsjedavajući)**

Popunu uvažavajući vašu poslovničku intervenciju, međutim, ovaj smo ovu dilemu riješili u prethodnim sjednicama više puta da nam za raspravu nije potrebno ovo što vi govorite, tako da to u Poslovniku nigdje decidno ne govori, a nama je Poslovnik najveći akt s kojim se Skupština Kantona Sarajevo rukovodi u svom radu, tako da mi nastavljamo dalje sa raspravom, sa raspravom, a svakako, svakako ćemo izjašnjenje po ovim zakonima imati nakon što završimo sve tačke dnevnog reda. Tako da bi zaista vas zamolio da zauzmete svoja mjesta, sjednete kako bi mogli dalje nastaviti. Ukoliko neko od zastupnika mora ići u Dom naroda, neka ode, zato što je poziv došao nakon zakazivanja sjednice Skupštine Kantona Sarajevo. Ali mi zaista ne možemo propuštati vrijeme i na neki način svi ostali zastupnici koji su ovdje sada trenutno prisutni, planirali su danas da budu da rade i ne možemo sada zbog toga prekidati sjednicu Skupštine Kantona Sarajevo, niti imamo za to osnov, tako da nastavljamo dalje sa

radom Skupštine Kantona Sarajevo kada je u pitanju rasprava po ovim tačkama. Poslovnička zastupnik Mahir Dević.

**Mahir Dević (zastupnik)**

Znači kolega Bandić pošto je on nešto imao prije.

**Elvedin Okerić (predsjedavajući)**

Kolega Bandić, izvolite.

**Muamer Bandić (zastupnik)**

Hoćete me samo uključiti? E hvala. Kolega Okeriću, najviši pravni akt po kojem mi postupamo je Ustav, ja sam pročitao odredbu Ustava, nije Poslovnik, kako ste vi rekli, a ja bih volio da mi vi pročitate tu odredbu Poslovnika koja vama kaže da je potrebno samo imati kvorum prilikom glasanja ili na neki drugi način. Evo ja ću vam pročitati i tu odredbu na koju ste se vi pozvali. To je član 75. „Kvorum svih sjednica“, ovdje se dakle sjednice ne odvajaju po segmentima, kako ih vi želite odvojiti na diskusiju i raspravu i glasanje, „svih sjednica Skupštine čini natpolovična većina izabраниh poslanika/zastupnika u Skupštini. Na temelju utvrđene evidencije od strane službe Skupštine, predsjedavajući Skupštine konstatira da postoji kvorum i o tome obavještava poslanike/zastupnike. Svi akti Skupštine se donose natpolovičnom većinom od ukupnog broja izabраниh poslanika/zastupnika u Skupštini, ukoliko Ustavom ili zakonom nije drugačije propisano“. Dakle, kolega Okeriću piše „kvorum svih sjednica“, dakle kada govorimo o sjednicama dakle, to je kontinuitet rada jednog tijela koji se ne može u segmentima dijeliti. Ako vi imate odredbu koja kaže kako ste rekli da je potrebno kvorum samo dakle za početak rada, evo, vi mi je pročitate, ja sam vama pročitao eksplicitnu odredbu koja vam kaže, dakle za sjednicu, a sjednica je, dakle, od početka, dakle od prve tačke dnevnog reda utvrđivanja pa do kraja. Nigdje se, dakle, to ne odjava. To što je po Poslovniku kasnije dats mogućnost za naknadno glasanje, što je urađeno, dakle ranije, nikako nije prednost da bi se anulirala ova prethodna odredba ovog Poslovnika. A prije toga, kolega Okeriću, sam vam jasno pročitao odredbu Ustava koja ima prednost na svim ostalim odredbama koje ste vi unijeli u Poslovnik. Hvala. I zato vas molim, zaista ne krivim vas ovdje, ja sam ostao, ja nisam ni znao čak za ovu sjednicu nisam u Domu naroda, ja sam se pripremio danas da radim, ali zaista neću da sudjelujem u radu onog tijela dakle, gdje Ustavom nije dozvoljeno da se može raditi bez kvoruma.

**Elvedin Okerić (predsjedavajući)**

Kolega Dević se javio. Poslovnička.

**Mahir Dević (zastupnik)**

Ja sam, naravno u maloprije pitao vas zbog ove novonastale situacije upravo ovo što je kazao kolega Bandić. Predsjedavajući, mi ne možemo raditi bez kvoruma. Znači, ja ću sada tražiti da se utvrdi kvorum i mi imamo problem. Ne želim ja, što se tiče Kluba SDA, mi smo potpuno spremni da radimo. Znači, ovdje se ne radi uopće o bilo kakvoj vrsti opstrukcije, da mi ne želimo, ne bi došli na sjednicu itd. Međutim, 13 naših kolega je otišlo na Dom naroda. E sada mi imamo jednu situaciju koja nije bila planirana, najveći dio tih ljudi je otišao, vjerojatno će otići, jer i tamo se nalaze na dnevnom redu ozbiljni zakoni i potrebno je da dođu i da raspravljaju o tim zakonima. Imamo i mi ozbiljnih zakona danas ovdje o kojem trebamo raspravljati i nemam ništa protiv, apsolutno je kolege u pravu, Ustav, Izborni zakon, Poslovnik su stvari koje objašnjavaju sjednicu, sjednica je događaj, to je formalno pravni događaja, znači on se ne može posmatrati sa aspekta segmenata. Unutar tog događaja, pravnog događaja, kada

će se glasati za određenu tačku, to je stvar koja se može interno urediti. U ovoj stvari koje jasno traži da se utvrdi kvorum. Znači, sada kada ja tražim ima li kvoruma, sekretar Skupštine je dužan da utvrdi kvorum, da se to konstatuje zapisnički, da se može obrazložiti da li je tačka ovaj razmatrana u skladu sa Poslovnikom, zakonom itd. Moj je prijedlog sljedeći da bi prevazišli u ovu situaciju. Znači, vi ćete svakako praviti pauzu. Možda ste je planirali napraviti u 1, u 2 pa do 3, pomaknite tu pauzu sada ili da napravimo neku vrstu dogovora. Mi nećemo, ja barem govorim sada u svoje lično ime, kao zastupnik neću sudjelovati u radu nezakonite sjednice, hoću sudjelovati u radu zakonite sjednice. Znači, evo, nudimo rješenje neko kompromisno. Napravite sada pauzu, možda do 2 ili ne znam već kako ste planirali od 2 do 3, pola 4, da te kolege odu tamo izdiskutovati taj jedan, dva zakona, da se vrate i da nastavimo raditi.

**Elvedin Okerić (predsjedavajući)**

Sve jasno. Moram vas prekinuti, evo i poslovnički prešli ste vrijeme izlaganja.

**Mahir Dević (zastupnik)**

Nisam prešao, ne postoji vrijeme izlaganja...

**Elvedin Okerić (predsjedavajući)**

Postoji, pa kolega vi ne čitate Poslovnik.

**Mahir Dević (zastupnik)**

Nemoj improvizovati, ba, ne postoji vrijeme izlaganja za poslovničku intervenciju. Gdje postoji to?

**Elvedin Okerić (predsjedavajući)**

Član. 91 da vas poučim.

**Mahir Dević (zastupnik)**

Ajde, pouči me.

**Elvedin Okerić (predsjedavajući)**

Javno. „U slučaju da se poslanik udalji od poslovničke intervencije, predsjedavajući odmah oduzima riječ“. Sačekajte samo momenat, samo... Član 91. „Izlaganje po prigovoru ne može trajati duže od 2 minute“. Kolega Deviću, kolega Deviću, još ću jednom ponoviti i ne želim više da trošim na vas vrijeme. Mi trenutno kolega Deviću imamo kvorum. I ako želite i to da i taj da kvorum osporite, ima nas preko 18 u sali. S druge strane, kvorum se utvrđuje usvajanjem dnevnog reda, mi danas želimo da raspravljamo o tačkama dnevnog reda. Ukoliko vi, kolega Deviću ili neko drugi iz opozicije ne možete da sjedite danas s nam ovdje da radite, ako vas privlači i sunce ljetne bašće, vi slobodno izađite, pustite nas da radimo, ali nećete nas opstruirati, onemogućavati da radimo sjednicu Skupštine Kantona Sarajevo. Tako da prekidam po ovome bilo više kakvu raspravu.

Dajem riječ ministru Hasanoviću. Izvolite, javili ste se po tački dnevnog reda Prijedlog Zakona o uvjetima koje treba ispunjavati kantonalna bolnica. Izvolite, imate riječ. Nastavite kolega Hasanoviću jer već sam im dao dvije, tri prilike i ne možemo se više vraćati na to. Izvolite, imate riječ, slobodno pričajte.

### **Enis Hasanović (ministar)**

Zahvaljujem predsjedavajući. U konsultaciji sa direktorom Opće bolnice iz tehničkih razloga povlačimo ovu tačku dnevnog reda.

### **Elvedin Okerić (predsjedavajući)**

OK . Tačka dva se povlači iz tehničkih razloga.

Prelazimo na tačku tri.

### **AD-3.**

### **Prijedlog Zakona o izmjenama i dopunama Zakona o rudarstvu**

Materijal ste dobili uz poziv. Zamolio bih predstavnika predlagача da podnesu uvodne napomene, ministar Mijatović, ministar privrede. Izvolite, imate riječ.

### **Zlatko Mijatović (ministar)**

Hvala predsjedavajući. Još jednom, sve vas srdačno pozdravljam uvažene kolegice i kolege, zastupnice i zastupnici. Posebno pozdravljam i gledaoce TVSA koji nas prate putem malih televizora. Ovako danas imamo bogat dnevni red što se tiče zakona iz nadležnost Ministarstva privrede, četiri zakona izmjene i dopune zakona, što dokazuje i pokazuje da Ministarstvo privrede aktivno radi na legislativnom okviru uređenja, ispravljanja, usklađivanja, otklanjanja nekih nedostataka. Jednostavno da ti propisi budu provodivi, afirmativni, pozitivni, a i na zadovoljstvo naših korisnika, odnosno građana Kantona Sarajevo. Prvi takav zakon jeste Prijedlog Zakona o izmjenama i dopunama Zakona o rudarstvu. Evo, vi ste imali priliku da se detaljno upoznate sa istim. Ovo je zakon malo stariji. Međutim, razlog za donošenje su ti da je Ministarstvo privrede na osnovu obuhvata analize odnosnih elemenata, parametara, aspekata i procjena, odnosno procesa primjena Zakona o rudarstvu u proteklom periodu konstatovao da postoje greške tehničke prirode, tehničke i druge prirode, neprecizni pojmovi i formulacije u određenim odredbama ovog zakona, neusklađenost određenih odredaba ovog zakona sa odnosnim odredbama Federalnog Zakona o rudarstvu, pravne prepreke i manjkavosti u postojećim pravnim rješenjima za određena pitanja u ovom zakonu, da nedostaju određena pravna rješenja za određena pitanja koja trebaju biti tretirana ovim zakonom, kao i da postoje druge povezane manjkavosti, što u izvjesnoj mjeri otežava primjenu ovog zakona, odnosno materiju koja čini predmet ovog zakona. Onako kada čitate ovaj zakon, izgleda vam nomotehnički, tehničke prirode, međutim, te tehničke prirode znaju često da zakomplikuju stvar u smislu njene primjene, provođenja, implementacije, naročito tokom provođenja upravnih inspekcija, odnosno inspeksijskog nadzora i provođenja upravnih mjera ili upravnih postupaka. Kao što sam rekao, ovo je zakon malo starijih. Krajem '22. godine Nacrt ovaj utvrđen od ove Skupštine, dato je na javnu raspravu, javna rasprava je trajala 60 dana, ona je provedena. Međutim, komisija je tek krajem prošle godine završila svoj dio, svoj dio obaveza i posla po ovom zakonu i dostavila tačnije 4. 11. 24 godine, Prijedlog Zakona o izmjenama i dopunama Zakona o rudarstvu, i izvještaj sa javne rasprave o Nacrtu ovog zakona koji su usuglašen od strane Komisije, kao izvještaj o radu Komisije sa zapisnicima sa sastanka Komisije. Nakon provedene javne rasprave o nacrtu Zakona o izmjenama i dopunama Zakona o rudarstvu, u odnosu na ovaj Nacrt izvršene su sljedeće izmjene i dopune: u članu 2. Nacrta zakona stav (1) je izmijenjen i sada glasi: „Upravljanje mineralnim sirovinama obuhvata sve postupke i radnje potrebne za optimalnu eksploataciju, korištenje mineralnih sirovina koje će vršiti Kantonalna vlast uz osiguranje njihovog racionalnog korištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti“. Dalje, u članu 27. Nacrta zakona dopunjen je stav (8) novim tačkama r) i s) koji glase, pod r): „Ako

obavljaju poslove periodičnih pregleda oruđa za rad i uređaja, ispitivanje fizičkih i hemijskih, biološki utjecaj, izdavanje odgovarajućih isprava o rudarstvu, a ne ispunjavaju propisane uslove.“; pod s): „Koje provjeri izradu tehničke dokumentacije ili reviziju projekata privrednom društvu ili drugom pravnom licu koji ne ispunjava uslove ili koje provjere vršenje periodičnih pregleda sredstava rada i sredstava i opreme lične zaštite pri radu, periodične preglede, ispitivanje fizičkih, hemijskih, bioloških štetnosti, mikroklima u radnim pomoćnim prostorijama, izdavanje odgovarajućih isprava u rudarskom privrednom društvu ili drugom pravnom licu koji ne ispunjava uslove ili povjeri izvođenje rudarskih radova privrednom društvu ili drugom pravnom licu koji ne ispunjava uslove iz člana 11.“ S obzirom na navedene izmjene i dopune u član 27. Nacrta zakona, stav (9) je izmijenjen i sada glasi: “Dosadašnja tačka p) postaje tačka t). Mišljenja naravno su sva pribavljena, ona su pozitivna, mišljenja od Ureda za zakonodavstvo, Pravobranilaštva, Kantonalnog ministarstva financija, Kantonalnog ministarstva pravde i uprave. Struktura pravnih rješenja. Što se tiče strukture pravnih rješenja u ovom zakonu, potrebno je navesti da se ovim zakonom u osnovi odredbama u odnosnim članovima pravno uređuje sljedeće: potpunije i preciznije definiše se značenje pojedinih izraza i pojmova korištenja u Zakonu o rudarstvu. Zakon, naime, Zakon o rudarstvu Kantona Sarajevo je donesen 2012. godine, ispravljaju se greške tehničke i druge prirode, propisuje se detaljnu nadležnost Ministarstva privrede kada je prethodnim zakonskim rješenjima pitanje nadležnosti bilo nedorečeno. Preciznije, propisuje obaveze privrednog društva koje vrši eksploataciju mineralnih sirovina, te obaveze projektanta, vrši se usklađivanje sa Zakonom o rudarstvu, federalnim zakonom koje je 2010. donesen i pravno uređuju druga pitanja. A s tim u vezi potrebno je posebno istaći sljedeće izmjene i dopune: u članu 8. propisano je da se pravo iz stava (1) ovog člana može prenijeti na drugo pravno lice uz suglasnost Ministarstva privrede, čime je propisano da je prijenos odobrenja za eksploataciju nadležnosti ovog ministarstva, s obzirom da je odobrenje za eksploataciju mineralnih sirovina do stupanja na snagu Zakona o rudarstvu Kantonalnog zakona izdavalo Federalno ministarstvo, a nakon toga ministarstvo privrede. Znači, trebalo se detaljno utvrditi sada ovim zakonom. Izmjenom u članu 29. propisano je da privredno društvo, odnosno izvođač radova pri građenju drugih objekata mora osigurati izvođenje radova prema propisima koji važe i za građenje tih objekata. U član 35. iza stava (1) dodat je novi stav (2) koji glasi: „Dozvolu za produženje dozvola za eksploataciju izdaje Ministarstvo privrede i Kantona Sarajevo, a u slučaju kada se eksploataciono polje prostire na području dva ili više Kantona za produženje dozvola za eksploataciju, odnosno dozvola za eksploataciju izdaje Federalno ministarstvo. U članu 51. izmjenom stava (3) propisan je rok kojim se mora prijaviti ponovni početak radova nakon privremene obustave radova koja je iznenada nastupila i nakon privremene planirane obustave radova, a izmjenom u stavu (4) propisana je obaveza privrednog društva ili izvođača rudarskih radova da je u slučaju privremene obustave rudarskih radova koji je (nerazumljivo) izvrši obavezu iz stava 4 ovog člana. Dalje, u članu 71. dodati su stavovi 9 i 10, pri čemu su stavovi 9. propisane obaveze izrade i rok za dostavu, odnosno geodetskog elaborata Ministarstvu privrede radi kontinuirane kontrole količine mineralne sirovine eksploatisane sa eksploatacionog polja, a stavom 10 je propisano da je situacioni nacrt karte, planovi, projekti, geodetski elaborati iz ovog člana moraju biti priključeni na državnu geodetsku osnovu. U član 77. pored ostalog, dodat je stav (3) kojim su propisani uslovi za obavljanje poslova rudarskog inspektora. U članu 83. pored ostalog, propisani su dodatne upravne mjere koje nadležni inspektor može naložiti u slučaju kad izvođač rudarskih radova ne postupi ili nepotpuno postupi prema propisanim obavezama. I na kraju u članu 94., pored ostalog u stavu (1) u tački a) precizira se prekršaj za privredno društvo i drugo pravno lice ako vrši eksploataciju mineralnih sirovina bez odobrenja propisanih članom 31. stav (1). U tački b. precizira se prekršaj ako se izvodi rudarski radovi bez dozvole iz člana 37. Zakona i u tački e), precizira se prekršaj za nesprovođenje članova 12, 17, 44, 45, 46, 47, 48, 49, 50. Također, u ovom članu propisan su, odnosno dodati su novi prekršaji i to na

način da se u stavu (1) ovog član iza tački o) dodaju nove tačke p), r) i s) koje glasi pod „Ako Ministarstvo ne dostavi elaborat u propisanom roku“, pod r) „Ako obavljaju poslove periodičnih pregleda oruđa za rad i uređaje, ispitivanje fizičkih, hemijskih i biološki utjecaj, izdavanje odgovarajućih isprava u rudarstvu, a ne ispunjavaju propisane uslove. I pod s) koje provjeri izradu tehničke dokumentacije ili reviziju projekata privrednom društvu ili drugom pravnom licu koji ne ispunjava uslove ili koje povjeri vršenje periodičnih pregleda sredstava rada i sredstava i opreme lične zaštite pri radu, periodični pregledi, ispitivanje fizičkih hemijskih bioloških štetnosti i mikroklima u radnim i pomoćnim prostorijama i izdavanje odgovarajućih isprava u rudarstvu, privrednom društvu ili drugom pravnom licu koje ne ispunjava uslove ili povjeri izvođenje rudarskih radova Privrednom društvu ili drugom pravnom licu koji ne ispunjava uslove iz člana 11. Financijska sredstva nisu potrebna za provođenje ovog zakona te molim uvažene zastupnike nakon pretresa ovog prijedloga zakona, da isti je usvojen. Hvala vam puno.

**Elvedin Okerić (predsjedavajući)**

Zahvaljujemo se uvaženom ministru Mijatoviću. Poslovnička intervencija zastupnik Mahir Dević.

**Mahir Dević (zastupnik)**

Naravno, predsjedavajući radi stenograma i zakonitosti procedure usvajanja ovog zakona, molim vas da utvrdite da li je u sali postoji kvorum da bismo mogli punopravno i u skladu sa Ustavom i Poslovníkom raditi. Zamolit ću vas da po Poslovníku utvrdite kvorum na samoj sjednici Skupštine KS.

**Elvedin Okerić (predsjedavajući)**

Kolega Deviću, mi se ne izjašnjavamo o ovome zakonu već raspravljamo. Kada se budemo izjašnjavali, tako da odbijam taj vaš upit koji ste dali. Zastupnik Muamer Bandić jeste vi također poslovnička ili rasprava? Jel vi imate vi raspravu? Izvolite.

(zastupnik Mahir Dević govori bez uključenog mikrofona)

Kolega Deviću, ometate rad sjednice Skupštine Kantona Sarajevo, ukoliko imate nešto protiv, izađite u hodnik, izađite vani, ne morate biti prisutni, ali molim vas, nemojte nas ometati dok radimo. Kolega Bandić se javio za raspravu izvolite, imate riječ kolega Bandiću.

(zastupnik Mahir Dević govori bez uključenog mikrofona)

Kolega Bandić, hoćete li vi govoriti, nastavili govoriti? Imate riječ očitó odgovoriti? Ako ne budete htjeli govoriti, onda moram preći s obzirom da nema više prijavljenih, moram onda prijeći na dalji dio. Zastupnik Faruk Kapidžić se javio za riječ.

**Muamer Bandić (zastupnik)**

U ime Kluba ja govorim predsjedavajući, tražim pauzu.

**Elvedin Okerić (predsjedavajući)**

A vi tražite pauzu 15 minuta? Pauza 15 minuta na zahtjev Kluba Stranke za Bosnu i Hercegovinu.

NASTAVAK NAKON PAUZE

**Elvedin Okerić (predsjedavajući)**

Nastavljamo sa sjednicom Skupštine Kantona Sarajevo. Otvorena je rasprava. Za raspravu je prijavljen zastupnik Faruk Kapidžić. Izvolite imate riječ.

**Faruk Kapidžić (zastupnik)**

Evo ja, prvo, prvo mi treba informacija koliko ja imam vremena za raspravu?

**Elvedin Okerić (predsjedavajući)**

8 minuta imate kao zastupnik ako ne govorite u ime kluba.

**Faruk Kapidžić (zastupnik)**

Imam li ja garanciju od vas predsjedavajući da me nećete prekinuti prije nego je završi? Ovo sam.

**Elvedin Okerić (predsjedavajući)**

Ukoliko budete govorili o tački dnevnog reda i u skladu sa Poslovníkom, imate garanciju, ukoliko ne budete morat ću vas u skladu sa Poslovníkom opomenuti, a onda kasnije oduzeti riječ, tako da govorite samo o tački dnevnog reda. Tačka dnevnog reda, tačka dnevnog reda je Prijedlog Zakona o izmjenama i dopunama Zakona o rudarstvu. Izvolite, imate riječ.

**Faruk Kapidžić (zastupnik)**

I to znači da ćete me prekinuti obzirom da ovaj da ja ne znam kome da diskutujem, to je pod broj jedan, drugo nas ima trenutno 14 jel u sali, a u suštini u suštini vas nema više od 5. Prema tome, ako sam dobro shvatio kako vi tumačite ovaj Poslovník, ovdje je dovoljno za rad ove Skupštine dovoljno da vi kao predsjedavajući otvorite dnevni red, usvojite, onda mogu svi izaći, vi ćete završiti sve rasprave oko tačaka. Dakle ono kako vi tvrdite, kažete da ne mora niko biti u sali, ne mora niko biti od zamjenika, predsjedavajući, možete samo vi otvoriti, zatvoriti, otvoriti raspravu i tako završiti i onda doći usvojiti. To smo mi pričali već o Poslovníku, što niste definisali.

**Elvedin Okerić (predsjedavajući)**

To ste vi kazali. Zamolio bih vas da se vratite na tačku dnevnog reda Prijedlog Zakona o izmjenama i dopunama Zakona o rudarstvu. Ministar Mijatović je podnio uvodne napomene. Izvolite, imate riječ.

**Faruk Kapidžić (zastupnik)**

Dobro, ali ja ne želim da diskutujem se ministrom Mijatovićem jer to mogu u ministarstvu, ja želim sa poslanicima da diskutujem, ja želim da o ovome i raspravim sa Belmom Kapo.

**Elvedin Okerić (predsjedavajući)**

Vi trenutno...

**Faruk Kapidžić (zastupnik)**

Evo kako ja sada da raspravim sa Belmom Kapo kada ona nije...



**Elvedin Okerić (predsjedavajući)**

Žao mi je, moram vam oduzeti riječ nakon očigledne želje da opstruirate rad sjednice Skupštine Kantona Sarajevu, a ne da diskutujete. Zastupnik Mahir Dević, rasprava izvolite, imate riječ.

**Mahir Dević (zastupnik)**

Nije rasprava predsjedavajući, već je povreda člana 75. Poslovnika o radu Skupštine Kantona Sarajevo. Znači ja sam već nekoliko puta kazao, a ponovit ću još jednom red javnosti i naravno, radi stenograma, ovaj radi eventualnog upućivanja zahtjeva za ocjenu ustavnosti. Znači prvo tražim od vas da utvrdite da li postoji kvorum na sjednici Skupštine Kantona Sarajevo, u ovom momentu da bismo mi mogli punopravno raditi, odlučivati i raspravljati o ovom zakonu.

**Elvedin Okerić (predsjedavajući)**

Dobili ste odgovor. Kvorum je utvrđen prilikom usvajanja dnevnog reda i zamolio bih vas kolega Deviću da se držite tačke dnevnog reda. Ukoliko ne budete se držali, ukoliko budete zloupotrebljavali svoje javljanje, poslovničku intervenciju, bit ću prinuđen da vam oduzmem riječ u skladu sa Poslovníkom, član 91.

**Mahir Dević (zastupnik)**

Ja nisam otišao s teme, ja sam...

**Elvedin Okerić (predsjedavajući)**

U slučaju da se poslanik udalji od poslovničke intervencije, predsjedavajući mu odmah oduzima riječ.

**Mahir Dević (zastupnik)**

Nisam se uopće udaljio od poslovničke intervencije, vrlo sam precizno to kazao predsjedavajući, znači, vi ste mi odgovorili da je postojao kvorum na početku sjednice? Ja vas pitam da li u ovom momentu kada mi treba da raspravljamo o ovoj tački dnevnog reda, postoji kvorum?

**Elvedin Okerić (predsjedavajući)**

Kolega Deviću zamolio bih da se vratite...

**Mahir Dević (zastupnik)**

Dajte mi odgovor prvo pa da onda

**Elvedin Okerić (predsjedavajući)**

...da se vratite na raspravu... ukoliko..

**Mahir Dević (zastupnik)**

...pa da onda pređem na raspravu...

**Elvedin Okerić (predsjedavajući)**

ukoliko budete i dalje zloupotrebljavali morat ću biti prinuđen da vam oduzmem riječ.

**Mahir Dević (zastupnik)**

Dajte mi odgovor predsjedavajući.

**Elvedin Okerić (predsjedavajući)**

Evo već drugi put vas upozoravam.

**Mahir Dević (zastupnik)**

Dajte mi odgovor, ne mogu raspravljati bez odgovora.

**Elvedin Okerić (predsjedavajući)**

Dobili ste odgovor.

**Mahir Dević (zastupnik)**

Da je bilo na početku sjednice.

**Elvedin Okerić (predsjedavajući)**

Kolega Deviću, vi ste dobili odgovor, međutim zloupotrebljavate...

**Mahir Dević (zastupnik)**

Dobro. Konstatujem, evo u prisustvu svih ovdje zastupnika koji su prisutni.

**Elvedin Okerić (predsjedavajući)**

Samo navedite tačno šta je povreda Poslovnika.

**Mahir Dević (zastupnik)**

Povreda Poslovnika član 75. U ovom momentu za punopravan rad ove sjednice mi nemamo potrebni kvorum jer je u sali trenutno prisutno 14 zastupnika ili 13 od potrebnih 18. Prema tome, mi ne možemo raditi.

**Elvedin Okerić (predsjedavajući)**

S obzirom da je predviđeno objašnjenje predsjedavajućeg kada zastupnik ima poslovničku intervenciju, pa čak ovdje član 75 kaže i „svi akti skupštine donose se natpolovično“. Mi ne donosimo kolega Deviću, ne glasamo, već raspravljamo, tako, dobili ste odgovor i zamolio bih vas da, ako ne želite, da diskutujete, da kolegi Muameru Bandiću date riječ s obzirom da se javio za diskusiju.

Kolega Bandić, rasprava izvolite, imate riječ.

**Mahir Dević (zastupnik)**

Nisam završio.

**Elvedin Okerić (predsjedavajući)**

Oduzeo zato što zloupotrebljavate mikrofon i Poslovnik. Oduzimam vam riječ zato što zloupotrebljavate Poslovnik. Kolega Bandiću, izvolite, imate riječ.

**Muamer Bandić (zastupnik)**

Evo ja bih se, samo mi osigurajte, ne možemo svi zajedno govoriti u glas.

**Elvedin Okerić (predsjedavajući)**

Pa šta ću ja sad? Kolega Bandiću imate riječ. Ukoliko ne budete govorili, onda ćemo morati. Kolega Dević se ne čuje, vi se čujete i slobodno vi govorite.

**Muamer Bandić (zastupnik)**

Ometa mi se koncentracija. Ometa mi se koncentracija.

**Elvedin Okerić (predsjedavajući)**

Slažem se, slažem se, ali džabe, to je...

**Muamer Bandić (zastupnik)**

I vratite mi vrijeme, predsjedavajući, još vam teče za Mahira, čini mi se.

**Elvedin Okerić (predsjedavajući)**

Ne, ne, ovo je vaše vrijeme.

**Muamer Bandić (zastupnik)**

Nemoguće, ne piše . Kolega Okeriću, sam Zakon ovaj nije uvršten u Program rada i dakle, to je jedan princip narušavanja pravne sigurnosti, izvjesnosti dokumenata, odnosno akata koje ova Skupština treba da donese, pod broj jedan. Ja želim da naglasim da uđe u zapisnik gdje je trenutno prisutno 9 zastupnika pozicije koji treba da izglasaju ovaj Zakon, dakle, ne radi se o nekom zakonu sa izmjenama 2 člana ili 3 člana po hitnom postupku, radi se o vrlo ozbiljnom zakonu, da bi on bio donesen, trebalo bi najmanje 18 onih koji glasaju za njega da budu prisutni ovdje. Vi ovdje imate trenutno kolega Okeriću 10 zastupnika pozicije, koliko ja vidim, možda čak i 9. Dakle, želim to da konstatujem, zbog čega zaista nemam više namjeru da se raspravljam sa vama ili sa bilo kim drugim da li ustvari za rad je potreban kvorum. Dakle, vi ste sada dobili eksplicitan zakon, eksplicitan član Poslovnika koji kaže, koji raspravlja o kvorumu, član 75, a vi nas onda prebacujete na član 83. koji organizuje tok sjednice, koji uopšte nema nikakve veze sa članom 73., na koji sam se ja pozvao. Također želim da vam skrenem pažnju, da je ovo potpuno suprotno Ustavu i članu 21. Ustava Kantona Sarajevo.

A sad ću raspravljati o Zakonu koji vi, kolega Okeriću predlažete. Dakle dozvolite mi. Sam ovaj Nacrt Zakona o rudarstvu se naslanja na federalni zakon i ministar u svom zakonu kaže ustvari da želi da se uskladi sa federalnim propisom. Taj federalni propis je donese 2010. godine. Dakle, to predstavlja jedan zaista degutantna osnov da, nakon, evo, 15 godina se usklađuje kantonalni propis sa federalnim propisom. Dakle praktično jedne čitave deceniju i pol smo postupali po zakonu ustvari koji nije bio usklađen sa federalnim propisom, odnosno propisom više pravnih snage. Nacrt izmjene i dopune ovog Zakona o rudarstvu je usvojen od strane Skupštine Kantona Sarajevo, 31.10.2022 godine na 54. Radnoj sjednici. Zaključkom o usvajanju Nacrta predmetnog zakona utvrđen je rok od 60 dana za javnu raspravu, a Nacrt zakona je poslat na razmatranje svim Kantonalnim organima i jedinicama lokalne, odnosno onima kojima je bio potreban. Za izradu Prijedloga Zakona o izmjenama i dopunama Zakona o rudarstvu, ministarstvo je, dakle, 30. 11. 2021 godine imenovalo komisiju za izradu ovog zakona. Shodno zaključku javne rasprave provedena je sačinjen je izvještaj u junu 2023. godine. Komisija je, dakle, izvršila svoj zadatak i 4. 11. 2024. godine Ministarstvu dostavila Prijedlog Zakona o izmjenama i dopunama Zakona o rudarstvu. Iako javna rasprava formalno jeste provedena, dakle 3 godine kasni ovaj zakon, kolega Okeriću i ja postavljam sada jedno pravno pitanje; koliko je uopće ova javna rasprava bila validna u roku od 60 dana i koliko su u

realnom vremenu predloženi prijedlozi iz te javne rasprave provodivi i koliko su pravno obavezujući? Po mom mišljenju, dakle, trebala se ponovo provesti javna rasprava i u predviđenom roku i u predviđenom roku, nakon 60 dana najviše 6 mjeseci nakon usvajanja izvještaja sa javne rasprave Prijedlog zakona je trebalo da zaživi. Praktično mi imamo jednu pauzu 3 godine, dakle, to je zaista nešto što je degutantno i na taj način smo povrijedili čak i Poslovnik Skupštine Kantona Sarajevo, odnosno zaključak koji je Skupština donijela te 2022. godine. Iz svih ovih razloga, dakle, koje sam vam pobrojao, prije svega smatram da ne postoji kvorum za današnju, za rad ove sjednice, neću sjednicu dijeliti kao što je vi dijelite na određene segmente za rad, ne postoji kvorum, također, je ovaj zakon donesen bez toga da je uvršten u Program rada ove Skupštine koji ste vi usvojili. Također ću reći da sam, dakle, zakon nije ispoštovao javnu raspravu i da se donosi u nerealnom vremenu u odnosu na raspravu javnu, koja je provedena prije neke 3 godine. Iz tih razloga, dakle, ja neću glasati za ovaj zakon i ja neću dalje prisustvovati radu ove sjednice i Klub stranke za Bosnu i Hercegovinu, poštujući svoju državu, svoj Kanton, poštujući njene zakone i Ustav, mi ćemo tražiti svoja prava na nekim instancama koje trebaju jednom i konačno da daju mišljenje da li u stvari ovakva vrsta povrede Ustava može biti osnov za donošenje ovakve vrste zakona. Imamo, dakle, trenutno 10 zastupnika iz pozicije koji trebaju da donesu Zakon, a treba ih 18. I na kraju, ovaj će se zakon vjerojatno usvojiti bez participacije zastupnika, pozicije koji trebaju da daju svoju diskusiju i svoj doprinos u donošenju jednog ovakvog zakona. Zahvaljujem se.

### **Elvedin Okerić (predsjedavajući)**

Zastupnik Mahir Dević. Diskusiju izvolite, imate riječ.

### **Mahir Dević (zastupnik)**

Hvala. Naravno, pošto niste htjeli da mi odgovorite na moju poslovničku intervenciju što ste bili dužni da utvrdite kvorum nakon moje intervencije, da bi sjednica mogla punopravno da radi, ja nemam, ja vas fizički ne mogu natjerati da vi to učinite i da tu svoju, vašu, ne znam kako da to nazovem više, jedno nedolično ponašanje vaše, da takvo kažem, da ispoštujete poslovničku odredbu u kojoj ćete utvrditi kvorum, da li možemo mi raditi na ovoj sjednici. A radi zapisnika i stenograma kojeg ćemo mi, naravno, koristiti u ovom cijelom procesu zahtjeva za ocjenu ustavnosti, mogu da kažem radi zapisnika, evo imaju ovdje i svjedoci koje ćemo mi u našoj prijavi pobrojati, a ima, naravno, i ovaj audio snimak, u ovom momentu u sali nema dovoljan broj zastupnika da bi sjednica mogla punopravno i sa aspekta Ustava, zakona i Poslovnika da se dešava. Meni je žao, niste htjeli da napravite neku vrstu pauze, da obezbijedimo 18 zastupnika. Mi nećemo učestvovati u ovakvoj vrsti lakrdije u kojoj ste vi ovdje uveli predsjedavajući pravilo da je dovoljno da otvorite sjednicu ujutro u 10:00 sati...

### **Elvedin Okerić (predsjedavajući)**

Kolega Deviću zaista bih vas zamolio da nam ne držite predavanja i pridike, imali ste to priliku tokom svojih javljanja kada ste imali poslovničku intervenciju. Zamolio bih vas da se vratite na tačku dnevnog reda Prijedlog Zakona o izmjenama i dopunama Zakona o rudarstvu. Izvolite, imate riječ. Zamolio bih vas još jednom da se držite tačke dnevnog reda.

### **Mahir Dević (zastupnik)**

Brzo ću ja predsjedavajući završiti tako da ta vaša bahatost nemate potrebe za njom. Dvije, tri rečenice samo da kažem. Znači čisto radi stenograma ne može se raditi bez kvoruma na sjednici. Mi..

**Elvedin Okerić (predsjedavajući)**

Kolega Deviću, to ste već kazali nekoliko puta, zamolio bih vas da se vratite na tačku dnevnog reda. Ukoliko se ne vratite, bit ću prinuđen da vam oduzmem riječ u skladu sa Poslovníkom.

**Mahir Dević (zastupnik)**

Nemate potrebe oduzimati riječ, ja završavam predsjedavajući. Radi stenograma sve ovo se govorim ne radi vas, vama je nemoguće ništa objasniti, jer vi to ne shvatate, morate, razumjeti, a vi to ne možete, jel. Znači, ako je za vas normalna situacija, da o sjednici koja je pravni događaj, predsjedavajući,...

**Elvedin Okerić (predsjedavajući)**

Zamolio bih vas da se držite teme.

**Mahir Dević (zastupnik)**

Ma završavam, evo jednostavnije, ja ću završiti za jedne, dvije rečenice, nemate potrebe da oduzimate riječ.

**Elvedin Okerić (predsjedavajući)**

Onda vam moramo oduzeti riječ ukoliko neće da govorite o tački dnevnog reda, Prijedlog zakona o izmjenama i dopuna Zakona o rudarstvu.

**Mahir Dević (zastupnik)**

Hoću naravno. Naravno, nemate kvoruma i mi nećemo sudjelovati u daljem radu.

**Elvedin Okerić (predsjedavajući)**

Oduzimam vam riječ kolega Deviću. Zastupnik Faruk Kapidžić, druga diskusija.

**Faruk Kapidžić (zastupnik)**

Hvala. Da iskoristim obadvije diskusije vezano za ovaj zakon, što ste me isključili?

**Elvedin Okerić (predsjedavajući)**

Nemate drugu diskusiju, kolega Deviću, kolega Kapidžić samo jednu imate.

**Faruk Kapidžić (zastupnik)**

Onda replika.

**Elvedin Okerić (predsjedavajući)**

Replika, kome replicirate?

**Faruk Kapidžić (zastupnik)**

Kolegi Bandiću. On je pričao o zakonu.

**Elvedin Okerić (predsjedavajući)**

Tako je, Izvolite, imate riječ.

### **Faruk Kapidžić (zastupnik)**

Hvala. Evo, znači, nemamo ni drugu diskusiju, nemamo kvoruma itd. Ja bih samo da se za ovaj Zakon obratim građanima Kantona Sarajevo, obzirom da je ovdje niz zakona koji se, o kojima se treba raspravljati i donijet, da građani Kantona nastave da prate ovu sjednicu, obzirom da smo mi legalisti, mi ćemo izaći iz ovoga jer će iz ovoga jer će biti ovo predmet na Ustavnom sudu, a u svakom slučaju nek prate raspravu, dalju 10 zastupnika skupštinskih zastupnika, a građani su glasali za 20, odnosno tu većinu. Tako neka nastave i neka TVSA snima krupnim kadrom tu raspravu koja će se odvijati do dugo u noć. Hvala.

### **Elvedin Okerić (predsjedavajući)**

Ovako to kolega Kapidžić poziva građane da gledaju sjednicu Skupštine Kantona Sarajeva, a oni koji su plaćeni i primaju velika primanja za svoj rad u sjednici Skupštine Kantona Sarajevo, koje su građani birali, oni odlaze da piju kafe u ljetnim baštama našeg lijepog grada Sarajeva. Mi ostajemo ovdje i radimo, razmatramo, ne usvajam. Već razmatramo prijedlog Zakona o izmjenama i dopunama Zakona o rudarstvu, dok naše kolege ne dođu sa sjednice Doma naroda, a naravno, svačije je pravo da ostane ili da ode.

Za raspravu se javio zastupnik Elvis Vreto, izvolite, imate riječ.

### **Elvis Vreto (zastupnik)**

Hvala predsjedavajući. Koristim priliku da pozdravim sve prisutne, kao i građane koji nas prati prije svega želim da se zahvalim ministru Mijatoviću i Ministarstvu privrede koji su pripremili ovaj Prijedlog izmjena i dopuna Zakona o rudarstvu. Ono što je ključna stvar da je u uvodnim napomenama to i naglašeno da se radi o gramatičkim, ispravci gramatičkih grešaka u dosta članova, kao i preciznije definisanje određenih pojmova kako ne bi došlo do problema po pitanju primjene samog zakonskog rješenja. I naravno, osnovna stvar je usklađivanje sa zakonom na nivou Federacije Bosne i Hercegovine. Zaista u ovom segmentu, evo koliko vidim, nijedna politička stranka nije uložila ni jedan amandman na ovaj zakon, što govori da je ovo zakonsko rješenje pripremljeno zaista na kvalitetan način i poštujući sve propise i pravila. Prošlo je javnu raspravu i žao mi je zaista što kolege koje se pozivaju o tome kako treba raspravljati u meritumu zakona nisu konkretno kroz svoje diskusije, pogotovo kolege iz opozicije, dali niti jednu suštinsku primjedbu na ovu zakonsko rješenje. Mislim da je ovo to suština i evo još jednom ponavljam mislim da je ovo zakonsko rješenje, ono kako je navedeno u uvodnim napomena ministra će poboljšati primjenu samog zakona na teritoriji Kantona Sarajevo. Eto, toliko hvala.

### **Elvedin Okerić (predsjedavajući)**

Nemam više prijavljenih, zaključujem raspravu.

Prelazimo na tačku četiri

### **AD-4.**

### **Prijedlog Zakona o izmjeni i dopunama Zakona o koncesijama**

Materijal ste dobili uz poziv. Zamolio bih predstavnika predlagača, uvaženog ministra Mijatovića, da podnese uvodne napomene.

### **Zlatko Mijatović (ministar)**

Hvala predsjedavajući. Sljedeća tačka dnevnog reda, Prijedlog zakona o izmjeni i dopunama Zakona o koncesijama po hitnom postupku. Razlozi za donošenje naime, u okviru analize

provođenja zakonskih obaveza koji su proistekli donošenjem Zakona o izmjenama i dopunama Zakona o koncesijama, koji je objavljen Službenim novinama Kantona Sarajevo '22. godine u januaru '22. godine, Ministarstvo privrede, pored ostalog, konstatovalo da su određeni subjekti iz člana 1. ovog Prijedloga zakona o izmjeni i dopuni Zakona o koncesiji vršili izgradnju i/ili korištenje postrojenja za pritvaranje energije Sunca u električnu energiju, iako nisu bili oslobođeni od zakonskih obaveza potpisivanja koncesionog ugovora, kao da postoji trend da određeni ovi subjekti nastave sa izgradnjom i/ili korištenjem postrojenja za pretvaranje energije sunca u električnu energiju. S obzirom na navedeno, a imajući u vidu da ovi subjekti plaćaju električnu energiju, plaćanje električne energije vrše sredstvima iz Budžeta Kantona Sarajevo, Grada Sarajevo ili općine u Kantonu Sarajevo, da se realizacijom ovih projekata ima za cilj podizanje uštede u ovim budžetima, te u cilju promocije korištenja električne energije iz obnovljivih izvora energije, ukazala se potreba za donošenjem ovakve izmjene i dopune Zakona o koncesijama kojim će se ovi subjekti izuzeti od obveze potpisivanja koncesionog ugovora, a čime bi se, u skladu sa svim važećim zakonskim propisima, nastavilo vršiti izgradnja ili korištenje ovih postrojenja od strane ovih subjekata sa konačnim ciljem postizanja uštede u odnosnim budžetima. Dalje u okviru analize provođenja Zakona o koncesijama, a po pitanju ugovaranja naknade, koncesionih naknada, Ministarstvo privrede zaključilo da se ovo pitanje treba detaljnije urediti, odnosno prepisati, te u tom smislu Prijedlog zakona o izmjeni i dopunama Zakona predložena je dopune člana 24, odnosno da se u istom doda nova zakonska odredba kojom se u osnovi propisuje da resorno ministarstvo uz saglasnost Vlade Kantona Sarajevo donosi pravilnik o naknadama za koncesiju za predmete koncesije iz svog resora. S obzirom na navedeno, Ministarstvo privrede je ocijenilo neophodnim da je potrebno bez ikakvog daljnjeg odlaganja donijeti Zakon o izmjeni i dopunama Zakona o koncesijama, odnosno donijeti ovaj zakon po hitnom postupku, za što su ispunjeni svi uslovi. Mišljenja, sva neophodna, pribavljena, ona su pozitivna. Evo da još jednom samo podertam. Znači, imamo 3 ukupno člana jedan član tretira to isključivanje obaveza za zaključivanje koncesionih ugovora za pravna lica pod navodnicima, jel na budžetu, to je koji se financiraju iz Budžeta Kantona, grada ili općina, a to su određene javne ustanove. Generalno, cilj i intencija je ovoga što želimo u narednom periodu da financiramo izgradnju solarnih elektrana, između ostalog solarnih elektrana na našim visokoškolskim ili srednjoškolskim ustanovama, da na krovovima, da dođe do uštede električne energije, odnosno budžetskih sredstava na taj način, pa smatramo za shodnim da se donese po hitnom postupku ovakva izmjena i dopuna zakona. Drugi član, po meni možda još bitniji od ovog, iako ne umanjujem prvi član, jeste da se propiše pravni osnov zakonski osnov za donošenje odluke pravnog akta, kako god želite, o naknadama. Meni je iskreno, žao mi je što imamo ovakvu situaciju trenutno u Skupštini jer ja smatram da je ovo jako, jako bitan zakon, jako bitna tema o kojoj ćemo sigurno u narednom periodu dodatno raspravljati, jer želim u Ministarstvu privrede da je ovo pitanje u detalje riješimo, da unaprijedimo ovaj zakon maksimalno koliko je to moguće, uzimajući u obzir okolnosti koje se odvijaju oko nas. Znači član 2. koji govori o potencijalnim naknadama. Mi trenutno imamo u Zakonu o koncesijama tu jednu da kažem prazninu, prazninu u kontekstu određivanja naknada za koncesije, tu imamo dva postupka dobivanja koncesije; jedan predviđa javni poziv koji nikada nije proveden u Kantonu Sarajevu, a drugi je samoinicijativne ponude, dostavljanja samoinicijativnih ponuda koja onda ide ispitivanje osnovanost javnog interesa, pa ukoliko postoji javni interes koji utvrđuje Vlada, ide se na pregovaranje. E u tom momentu pregovaranja potencijalni investitori ulaze bez ikakvog, bez ikakvog okvira, u smislu kolike bi te naknade mogle biti. U jednim od prethodnih sjednica ove Skupštine bila su određena pitanja i bile su dezinformacije, moram da kažem dezinformacije u smislu poređenja kako to u RS-u, u Republici Srpskoj su nekakva druga rješenja puno bolja nego kod nas. Apsolutno su ista rješenja kao i ovdje u Kantonu Sarajevo. Znači, imamo jednokratnu naknadu koja se plaća kao naknada za pravo u određenom vremenskom periodu, evo u našem slučaju maksimalno 30

godina u KS i imate drugu vrstu naknade, naknade za korištenje koja se isplaćuje kvartalno, godišnje, polugodišnje, zavisi kako se ugovara. Bit ovog drugog člana je sljedeća, znači, želimo da stvorimo taj okvir, želimo da napravimo te pravilnike koji će okvirno odrediti te naknade koje investitor kad ulaze u pregovore, znaju otprilike koliko se kreću te naknade. Još jednu stvar koju želim iako jeste Ministarstvo privrede nosilac izrade ovog zakona, Ministarstvo privrede nije jedino ministarstvo koje radi koncesije koje su predmet koncesije u njihovoj nadležnosti, tu ima i još četiri dodatna ministarstva, odnosno 5 sa Ministarstvom privrede, to je Ministarstvo komunalne privrede, saobraćaja, sport i kultura i zdravstvo. To je malo pogrešno mišljenje da je to samo u nadležnost Ministarstva privrede. Nije, imam ukupno, ja mislim 26, 27 predmeta koncesije i konkretno ovaj predmet koncesije korištenje, odnosno pretvaranje sunčeve energije u električnu energiju je uvedeno u zakonske okvire 2022. godine, evo rekao sam na početku, početkom 2022. godine. Evo, ovim potezom, ovim hitnom izmjenom, odnosno prijedlogom ove izmjene i dopune zakona, želimo da olabavimo to za korisnike, korisnike koji su, hajde da kažem opet tako, na budžetu i financiraju se iz budžeta da to jednostavno ne budu obveznici plaćanja električne energije s jedne strane, s druge strane moraju zaključiti opet koncesione ugovore i ovo je bitno što želim da napomenem da se to odnosi samo na te korisnike koji su u statusu prozumeru ili koriste električnu energiju u svoje vlastite potrebe, ne izvoze dalje u distributivnu mrežu i ne ostvaruju korist od toga u smislu komercijalizacije. Vi ste sigurno upoznati da, evo, prethodnih nekoliko dana kruže određene informacije po tom pitanju, da li se treba uopće ova koncesija isključiti kao predmet koncesije iz ovog zakona, Ministarstvo privrede će u narednom periodu zauzeti svoj stav, zvanični stav po tom pitanju, potrebne su još određene analize da se urade povodom istoga i dalje će biti upućeno Vladi na nadležno postupanja, a nakon toga, nadam se, ponovo u hitnom postupku i u Skupštini da se zauzme o tom stav. U kratkim crtama, evo, želio bih iskoristiti, ako mog predsjedavajući, čisto da vas upoznam sa tom tematikom. Korištenje Sunčeve energije, odnosno koncesioni, predmet koncesije korištenje Sunčeve energije je predmet koncesije u 5 od 10 Kantona u Federaciji, u Republici Srpskoj je to isključeno pod određenim uslovima i ovdje je sada stvar koncepta da li mi to želimo ili ne želimo na taj način pristupiti tom pitanju. Kao što sam rekao Ministarstvo privrede će analizirati, obaviti će dodatne razgovore sa relevantnim stakeholderima u čitavom tom procesu, tu prije svega mislim i na Elektroprivredu i na subjekte elektroenergetskog sistema, da se konsultujem po određenim detaljima i nakon toga ćemo zauzeti stav i vi ćete, naravno, biti informisani po tom pitanju. Dakle, ključni outputi rezultati ove današnjeg prijedloga je izmjena i dopuna zakona jeste da se u skladu sa važnim zakonskim propisima vrši ili nastavi vršiti izgradnja ili korištenje solarnih elektrana od strane subjekata iz člana 1. Prijedloga ovog zakona, da se realizacijom projekata solarne elektrane od strane subjekata iz člana 1. Prijedloga ostvari cilj postizanja ušteda u Budžetu Kantona Sarajeva i da se realizacijom projekata solarne elektrane od strane subjekata člana 1. Prijedloga ovog zakona ostvari cilj poboljšanja parametara u domenu zaštite okoliša na području Kantona Sarajevo, te cilj je, između ostalog, promocija korištenja električne energije iz obnovljivih izvora energije, tj. energija Sunca, a zadnji ključni output, odnosno rezultat, jeste da se detaljnije sistemski uredi, odnosno propiše, i to na način da svako resorno ministarstvo uz suglasnost Vlade donese odnosni pravilnik o naknadama za koncesije za predmet koncesije iz svog resora.

Eto, toliko od mene, predsjedavajući ja se zahvaljujem.

### **Elvedin Okerić (predsjedavajući)**

Zahvaljujemo se ministru Mijatoviću na iscrpnim uvodnim napomenama. Otvaram raspravu. Dopredsjedavajuća Danijela Kristić se javila za riječ.



## **Danijela Kristić (dopredsjedavajuća)**

Zahvaljujem predsjedavajući. Pozdravljam sve prisutne i gledaoce kraj malih ekrana. Trenutno zakonska rješenja predstavljaju prepreku za javne ustanove, uključujući škole, domove zdravlja i druge objekte u javnom vlasništvu koji žele na svojim krovovima postaviti solarne panele i time direktno doprinijeti smanjenju potrošnje energije i budžetskih troškova. U važećem Zakonu o koncesijama u članu 6. je definisano šta su predmeti koncesije i ko podliježi istim. Prema važećem zakonu, javne ustanove u Kantona Sarajevu podliježu obavezi pribavljanja koncesije čak i kada proizvode energiju isključivo za vlastite i potrebe. Obzirom da već imamo škole u Kantonu Sarajevo koji su stavile panele i prate trend energetske tranzicije i zelene političke, svjesni smo činjenice koliko je hitno i nužno da se ovaj zakon izmijeni. Ove zakonske izmjene nisu samo tehnička korekcija, već održavaju strateško opredjeljenje ka održivosti i rasterećenju javnog sektora u skladu sa savremenim potrebama. Kada govorimo o benefitima, prije svega doprinosi efikasnosti javnog sektora u smislu smanjenja troškova za električnu energiju, dugoročnoj budžetskoj održivosti ustanova i promociji odgovorne javne potrošnje. Na duže staze, ova ulaganja čine javni sektor otporniji na promjeni cijena električne energije. Ovim izmjenama zakona smanjit će se administrativna opterećenja i potaknut će Kanton i lokalne zajednice da ulažu u veći broj ovih projekata. Također, ovi projekti imaju i edukativno simboličku vrijednost jer će podizati svijest kod mladih generacija o važnosti očuvanja okoliša. Javne ustanove same postaju primjer dobre prakse. U dopuni člana 24. koji propisuje da će resorno ministarstvo uz saglasnost Vlade, u roku od 3 mjeseca donijeti pravilnik o koncesionim naknadama posebno je značajna odredba da se obavezno pribavlja mišljenje jedinica lokalne samouprave, čime se povećava transparentnost u donošenju podzakonskih akata, jača sama uloga lokalne zajednice u odlučivanju o upravljanju resursima, doprinosi boljem planiranju budžetskih prihoda na lokalnom nivou i osigurava veće povjerenje instituciji. Prema važećem zakonu, 60 % ukupne koncesionih naknadi ide u budžet općine na čijoj teritoriji se nalazi predmet koncesije, dok 40 % ide u Budžet Kantona Sarajevo. Obzirom da većina prihoda od koncesije ide lokalnim zajednicama, potpuno je opravdano da se lokalna zajednica uključi u donošenje pravilnika o koncesionim naknadama. Izmjene Zakona o koncesijama predstavljaju pozitivne mjere koje prate savremeni trendove u oblasti energetike, lokalnog razvoja i javne uprave. One doprinose stvaranju fleksibilnijeg i efikasnijeg sistema koji omogućava brže i odgovorniji donošenje odluka, uz aktivno uključivanje lokalnih zajednica i poticanje održivih izvora energije. Hvala.

## **Danijela Kristić (dopredsjedavajuća)**

Zastupnik Avdić.

## **Samir Avdić (zastupnik)**

Zahvaljujem dopredsjedavajuća. Mislim da je jako dobro da smo evo prvi put nakon '22. godine se pozabavili ovom temom, odnosno ministar nam je pripremio ove izmjene Zakona o koncesijama. Vrlo je važno da ponovo pokrećemo ovu priču i prilikom sopstvene pripreme za ovu diskusiju konsultovao sam i zapisnike sa nedavne sjednice u Opštini Ilidža, na kojoj su bili načelnici i predstavnici svih jedinica lokalne samouprave u Kantonu Sarajevo, to je predstavnici Elektroprivrede, a na tom sastanku mogle su se čuti zaista frapantne informacije i podaci koji nas trebaju zabrinuti. Naime, jedan od zaključaka sa kojim su se svi nakon prezentacije iz Elektroprivrede složili jeste da u bitci za proizvodnju što više električne energije putem vjetroelektrana i solarnih panela. Kanton Sarajevo je dobrano izgubio tu bitku. Nažalost, ta bitka je, da je tako nazovem, počela prije nekih i više od 10 godina i tada nije bilo sluha, kako na federalnom nivou, tako i od strane upravljačkih struktura u Kantonu Sarajevo, te nisu olakšavali procedure i nisu stimulisali kako prelazak na ovu vrstu proizvodnje energije, tako

kada su u pitanju javne ustanove, tako i stimulisanje privatnih kuća građana da barem istraže i ukoliko vide interes u tome i sami prelaze na ovaj vid proizvodnje energije. Na tom sastanku mogli smo čuti da više od 60 % dozvola koje se dobijaju, s obzirom da je potrebno dobiti dozvole i iz razloga eventualne, odnosno povremene opterećenost same mreže, a te podatke možete dobiti u Elektroprijenosu sa kojima sam također razgovarao, da se većina solarnih panela nalazi u području Istočne Hercegovine, u Republici Srpskoj, kada su u pitanju vjetroelektrane, dosta ih je u Zapadno Hercegovačkoj županiji, evo, trenutno je aktuelno tamo da imaju u planu postavljanje novih 28 stubova, od toga 18 u Duvnu, dok kod nas u Kantonu Sarajevo imamo samo ovu nedavno otvorenu u Tarčinu, koja je također naišla na neku vrstu otpora zbog toga što je investitor, jel privatnik, a ne sama Skupština. To su samo neki od razloga zbog kojih zaista trebamo raditi na ovoj temi i mijenjati, poboljšavati ovaj zakon. Prema podacima koje možemo dobiti u jedinicama lokalne samouprave, dosta građana ipak odlučuje ili barem razmišlja da prijeđe i na ovakvu na proizvodnju ovaj vid proizvodnje električne energije iz razloga što to smo svjedoci bili i prošle zime, mnogi i prelazi na grijanje putem korištenja električne energije i u tom smislu mislim da bi bilo dobro da Vlada razmisli u saradnji sa jedinicama lokalne samouprave, da se i u tom dijelu stimulišu, kako građani, tako i investitori u izgradnju ovih objekata kolektivnog stanovanja, od kojih bi trebalo na neki način zahtijevati da prilikom predavanja zahtjeva za izdavanje građevinskih dozvola uvrste, uvrste i taj dio, odnosno da ih na neki način obavežemo da jedan dio električne energije moraju proizvoditi putem ovaj upotrebe solarnih panela, odnosno ovaj na taj da kažem da polako prelazimo na taj tzv. zeleni način proizvodnje. U ovim izmjenama oslobađaju se oni koji imaju status prosumera, odnosno oni koji proizvode isključivo za vlastite potrebe, bez isporuke u distributivnu mrežu. I prema podacima koje smo mogli čuti na pripremnom sastanku u Ministarstvu, njih je između 60 i 70 i otprilike naknade koje im se naplaćuju prema trenutnom zakonu bi donijele u Budžet Kantona Sarajevo između 800 i 900 000 KM, što ukoliko Vlada, a čini mi se da takvo raspoloženje postoji i kod ministra i kod premijera smatra da to neće biti prevelika šteta po Budžet Kantona Sarajevo, ne bi bilo loše i da se ide i dalje u ovom smjeru i da se i ta pravna lica oslobode plaćanja naknada ukoliko proizvedenu energiju će upotrebljavati za sopstvene potrebe, a ne za prodaju. Vrlo je važno kada govorimo o ovoj temi, iako se ovo što ću sada spomenuti tiče materijalnih propisa na višem nivou, odnosno na federalnom nivou, da u cijelom ovom procesu, ukoliko nam uspije ova namjera da povećamo broj ljudi koji će proizvoditi električnu energiju putem solarnih panela se bude ekološki osviješteno i da se ta zakonska regulativa u vezi sa odlaganjem solarnih panela i baterija koja se koriste prilikom tog vida proizvodnje električne energije posveti posebna pažnja iz iskustva zemalja u regiji, prije svega iz iskustva Češke, koja je jedna od prvih počela ovaj vid proizvodnje električne energije, da, s obzirom da su se našli u tom ekološkom problemu odlaganja iskorištenih solarnih panela, da se o tome povede posebna pažnja. Klub SDP-a, barem na našem pripremnom sastanku smo se odgovorili, podržat će ove izmjene i podržavamo i ovu najavljenju intenciju Vlade da se izmjene, odnosno ove olakšice prošire i na druga pravna lica, a ne samo ona čiji smo mi osnivač. Kao jedan od primjera da bez obzira na tešku, da kažem možda prije komplikovanu proceduru, veliki broj dokumenata koje su morali pripremiti oni koji bi aplicirali za ove koncesije, ipak, određeni broj javnih ustanova je iskoristio da kažem ovaj potencijal i u tom smislu bih pohvalio Mašinski fakultet i dekana Harisa Lulića, koji je, evo, prošle godine bili smo svi na otvorenju, s obzirom da je to bila inicijativa Kluba zastupnika SDP-a da im se pomogne i finansijski i postavili su solarne panele i na taj način su već postigli određene uštede u potrošnji električne energije. Mi se nadamo i kao neko evo neki dan smo imali sastanak i u Opštini Ilidža u vezi sa modusima za pomoć, funkcionisanju Doma zdravlja na Ilidži, da ćemo zgradu koju smo uspjeli kao da kažem, evo ova upravljačka struktura već renovirati, postaviti fasadu koja je u skladu sa principom ekološke i energetske efikasnosti, da ćemo samom ovom izmjenom animirati kako upravu Domova zdravlja, tako i lokalnu zajednicu i ministarstvo, da

evo i to bude jedna od zgrada koju ćemo na ovaj način iskoristiti, a pomoći jednoj od budžetskih ustanova da uštede, da uštede sredstva koja inače troše za plaćanje potrošene električne energije. Eto, u svakom slučaju podrška ovim izmjenama i još jednom zahvaljujem ministru što je smogao snage i hrabrosti da se krene u ovaj proces, bez obzira na sve one spinove koje je on spomenuo, a koje smo mogli pročitati u medijima, zahvaljujem se.

### **Elvedin Okerić (predsjedavajući)**

Zahvaljujemo se zastupniku Avdiću, zastupnica Mersiha Mehmedagić se javila za riječ.

### **Mersiha Mehmedagić (zastupnica)**

Zahvaljujem predsjedavajući. Pozdravljam sve prisutne, kao i građane Kantona Sarajevo, koji prate današnje zasjedanje. Pokušat ću da ne ponavljam ono što su izrekli moji prethodni govornici i pokušat ću da nekako sublimiram one ključne benefite ovog zakona. Naime, izuzetno mi je drago što s ovim zakonom nastavljaju dobre prakse Vlade Kantona Sarajevo u pogledu energetske efikasnosti i na ovaj način zaokružujemo jedan proces energetskih politika gdje nakon utopljanja javnih objekata idemo sa ovim projektom da, a što mi je posebno drago, da na krovove javnih institucija postavljamo solarne panele, a ne na poljoprivredno zemljište. Na ovaj način mi ćemo, naravno, pored izuzetnih ušteta za budžet Kantona Sarajevo preko javnih institucija polako zagaziti u jednu novu eru zelene tranzicije koja nas svakako i čeka, pred nama je, ako uzmemo u obzir i našu europsku budućnost. Ono što je posebno važno kao benefit jeste a što će se posebno osjetiti izuzetno kod ovih institucija koje imaju, tako da kažem, stacionirane korisnike tipa institucija zdravstvene njege, Gerontološki centar, Centar za zbrinjavanje osoba sa invaliditetom, javne ustanove tipa predškolskog, osnovnog, srednjeg, visokog obrazovanja. To će biti nevjerovatne uštede, ne samo sa aspekta grijanja, nego također se ta energija može koristiti i za rashlađivanje tih prostorija, za toplu vodu, za pacijente, izuzetno će podići i nivo usluga u svim ovim institucijama, na stranu što će im priskrbiti i značajne uštede koje će, naravno, moći da koristi ta sredstva koja bi inače koristili za grijanje za plaćanje računa usmjerit će vjerovatno onaj bolji za neke druge projekte. Znači to je oportunitetni trošak i takvog ga treba i posmatrati, znači novac koji usmjeravamo na potrošnju energenata ćemo usmjeravati na neke druge potrebe koje korisnici ovih javnih ustanova itekako imaju. Ono što me posebno raduje je što je Ministarstvo privrede nastavilo sa ovim unapređenjem u oblasti Zakona o koncesijama, međutim s druge strane me malo žalosti što je Ministarstvo privrede jedino, kao što je ministar i naglasio u svom uvodnom obraćanju, jedini resor koji primjenjuje Zakon o koncesijama, a itekako imamo prostora i u drugim resorima koje je ministar naveo te se nadam da će i u ovim drugim resorima, gdje također možemo ostvariti izuzetne pogodnosti, onaj doći do primjene Zakona o koncesijama i time ćemo, naravno, i povećati prihode i za, kako za budžete lokalnih zajednica, tako i za Budžet Kantona Sarajevo. Iskrene čestitke Ministarstvu i timu koji je radio na ovom zakonu, ovo je jedan proaktivan pristup i nadam se da će i drugi resori se aktivnije uključiti u primjeni ovog zakona kako bismo svi na kraju imali više benefita. Hvala.

### **Elvedin Okerić (predsjedavajući)**

Zahvaljujemo se zastupnici Mehmedagić. Za riječ se javio zastupnik Rusmir Pobrić.

### **Rusmir Pobrić (zastupnik)**

Hvala predsjedavajući. E pa kraća diskusija ili doprinos diskusiji. Kolege su već rekle, čini mi se, najveći dio onoga što se je trebalo reći, ali naglasit ću, dakle, i još jedan korak u politici energetske efikasnosti Vlade Kantona Sarajevo. Evo nosilac ove aktivnosti je u ovom slučaju Ministarstvo privrede i zahvaljujemo se na ovoj vrsti doprinosa. Kolegica Mersiha je

spomenula prije toga Projekat utopljavanja. Ja ću naglasiti nekoliko brojeva. Dakle, riječ je o projektu čije su pripreme krenule od 2017. ali implementacija, rekao bih, od 2020. godine i '21. a to je utopljavanje 40 javnih objekata u Kantonu Sarajevo. Prema posljednjoj informaciji koju imam od premijera Uka, 32 ta projekta ili 80 % od planiranih su već završeni, u ovoj godini se planira utopljavanje još 4 do 5 objekata i vjerujem finalizacija u narednoj godini kompletnog projekta. Dakle, to je za pohvaliti. Evo, kolega Avdić je spominjao jedan od tih projekata, to je Dom zdravlja na Ilidži, drugi je, ne znam, Dom zdravlja na Vojničkom Polju. Ostale su institucije, uglavnom obrazovne institucije, pa imamo tu i Filozofski fakultet i Drugu gimnaziju, čini mi se, mnogo škola, vrtića. Ovo je sljedeći korak, rekao bih. Neki su već ušli u pilot projekte, kolega su i spominjale, dakle, ogroman potencijal, riječ je o stotinama institucija koji će moći imati svoje mini elektrane na Sunčevu energiju za vlastitu potrebu, to je važno reći. Ono što nismo rekli, a jeste da je već postojećim zakonom, već smo to prije nekoliko godina donijeli, učinjen taj prvi korak da se privatne kuće i stanovi oslobađaju od potpisivanja ugovora o koncesiji ako je proizvodnja tih solarnih panela koje su postavili do 23 kW. Dakle, već je učinjena olakšica da privatne kuće mogu bez ugovora o koncesiji postavljati solarne panele. I to je dobro. Evo drugi korak sada i javne ustanove je li, kako je navedeno, evo i u obrazloženju, u nekih 7 godina je i povrat investicije, dakle dugoročno će se praviti značajne budžetske uštede. Treća stvar koju želim reći time završiti jeste pitanje poticaja. Dakle, govorilo se i ministar je, spominjao u javnosti proteklih nekoliko dana šta sa privrednim subjektima. Mi već u okviru programa koji se baziraju na Zakonu o poticaju male privrede imamo poticaje za Privredne subjekte koji se odluče da instaliraju solarne panele i koriste ovaj vid energije. I ti poticaji idu čak do 50 000 maraka. Dakle, to je već nešto što se radi, ali evo, raduje me i ovaj sveobuhvatniji pristup da kažem za što zaista treba je li jedna analiza koje još privredne, koji se još privredni subjekti mogu obuhvatiti do kojeg je, da kažem, iznosa ili količine proizvodnje i da, evo, to bude neki sljedeći korak u fazi ove politike energetske efikasnosti u Kantonu Sarajevo. Hvala vam.

### **Elvedin Okerić (predsjedavajući)**

Zahvaljujemo se zastupniku Pobriću. Za riječ za javio zastupnik Vreto.

### **Elvis Vreto (zastupnik)**

Hvala predsjedavajući. Pa evo, moje kolege su dosta toga zaista rekli. Što se tiče pozitivnih efekata koji će dati ove izmjene Zakona o koncesijama, svakako da evo dosta toga smo čuli. Solarni paneli zaista su nešto što, evo, da ne ponavljam, ekološki prihvatljiv energent. Bitno je naglasiti nekoliko podataka koliko je važno da ovu oblast jačamo, stimuliramo što je više moguće. U 2024. godini Bosna i Hercegovina je po prvi put počelo uvoditi električnu energiju. I to je jedan alarm zašto ovakve i slične projekti i slična zakonska rješenja trebaju biti predmetom rasprave i donošenja. S druge strane, imamo činjenicu da od svakako da je to pohvalno, u pripremi samog ovog zakonskog rješenja i lokalne zajednice kojima pripada 60 % od koncesione naknade, su svjesne te činjenice i prihvatile su ovo zakonsko rješenje, svjesni da je ovo ispravan i najbolji mogući put. S druge strane, ono što je jako važno naglasiti, želim da se zahvalim. Mislim da je kolega Pobrić već to napomenuo, ja sam prije nekih godinu ili dvije podnio inicijativu upravo da se sufinansira i da podrška kako kolektivnim privrednim subjektima, kolektivnim zgradama, objektima javnim, tako i individualnim objektima, odnosno građanima prelazak ili korištenje električne energije na ovaj način. Naravno, ovo sve govorim za korištenje solarnih panela i električne energije koji se koja se dobiva za jel lične, odnosno potrebe tih korisnika. Proizvodnja, posebno proizvodnje električne energije po pitanju solarnih panela naravno, to je neki drugi segment i s te strane želim da dam podršku Ministarstvu privrede koji će u narednom periodu izvršiti jednu zaista kvalitetniju analizu i pripremiti sve

ono što je neophodno zajedno sa Vladom, kako bi određene stvari u ovoj oblasti još dodatno stimulisali i poboljšali. Želim da napomenem da znači ta inicijativa nekako koju sam pokrenuo, koja je dobila, evo, ima nekakav prolaz od 50 % trenutno realizacije, a trenutno Ministarstvo privrede putem programa modernizacije i nabavke opreme radi sufinansiranja i izgradnju, odnosno montaže solarnih panela za privredne subjekte. Svakako pozitivno zakonsko rješenje i naravno, ja bi zaista želio da kompletna Vlada, pogotovo Ministarstvo komunalne privrede i prostornog uređenja, koja je direktno nadležno za pitanje kvalitete zraka, ovu oblast zaista, pogotovo solarnih panela, shvati zaista na najozbiljniji mogući način i da se kroz programe sufinansiranja što više ljudi, odnosno građana stimuliše da jednostavno i dobiju podršku i od Kantona, pored podrške koju imaju određene lokalne zajednice, već to podržavaju. Naravno, postoji Fond za zaštitu okoliša na nivou Federacije, mislim da su to tri nivoa koja mogu dodatno olakšati ugradnju, a što je u konačnici opšti interes Kantona Sarajevo. Eto, toliko hvala predsjedavajući.

### **Elvedin Okerić (predsjedavajući)**

Zahvaljujemo se zastupniku Vreti, zastupnica Elza Gaković se javila za riječ.

### **Elza Gaković (zastupnica)**

Zahvaljujem predsjedavajući. Obzirom da je ovo moj današnje prvo javljanje sve vas srdačno pozdravljam i selamim, kao i građane koji prate naš današnji rad. Obzirom da je dosta prethodnika govorilo na temu zakona, odnosno izmjena, ovaj o dopunama Zakona o koncesijama, evo nekako, iskoristit ću svoju priliku da podržim prethodne diskusije svojih uvaženih kolegica i kolega, tako da neki svoj osvrt nam, kada je u pitanju, evo konkretno izmjene i dopuna ovog zakona i drago mi je da govorimo nekako u ovom periodu kada ne trpimo baš veliku opterećenost. Stepena zagađenja zraka u Kantonu Sarajevo, a svjedoci smo koliko će ovi solarni paneli itekako pomoći kvalitet zraka prema nekom pozitivnom trendu u budućnosti. Drago mi je da se nalazimo u periodu ovih nekih toplih mjeseci kada ćemo sigurno donijeti konkretne korake kako bi naš grad, odnosno Kanton Sarajevo, konačno, na osnovu dobrih zakonskih rješenja, imao priliku, odnosno građenje u Kantona Sarajevo. Da nekako ležernije, opuštenije i zdravije ovaj dišu. A evo, iskoristit ću svoju priliku da također ministru Mijatoviću čestitam i podržim na ovim svim potrebnim i neophodnim hitnim izmjenama. Kada je u pitanju ovo zakonsko rješenje. Ugradnja solarnih panela značajno će doprinijeti stepenu smanjenja zagađenosti zraka. Kanton Sarajevo, s kojima se nekako, čini mi se, historijski Kanton Sarajevo suočava, a ne, kako je to pogotovo intenzivirano u tim nekim zimskim mjesecima. Solarni paneli za naš Kanton svakako da će omogućiti elektrifikaciju grijanja, tj da će dostupnije biti korištenje toplotnih pumpi našim građanima, smanjenje potrošnje struje iz termoelektrana koje zapravo itekako ovaj nekako faktor koji, čini mi se, pospješuje taj stepen zagađenosti zraka, obzirom da znamo da nekako osnovni energent koji oni koriste je uglj koji ima zapravo taj najštetniji utjecaj po stepen zagađenosti zraka u Kantonu Sarajevo i svugdje. Smanjenje emisija cijelo 2, eso 2 i PM čestica i tu je zapravo ono što karakteriše stepen zagađenosti zraka i opasnost kada je u pitanju kvalitet zraka, evo u Kantonu, Sarajevo, a i šire. I nekako, ja sam koristila se uporednim parametrima, pa bih iznijela i neke zanimljive podatke, a naravno da govore o bitnosti ovakve vizije u budućnosti. Nekako proširenog dijapazona korisnika kada je u pitanju solarni panel, jer to je trend, to je budućnost. I evo nekih od podataka prosječna 1 kuća sa krovom PV elektranom od 5 kW godišnje proizvede oko 6000 kW električne energije i tim se izbjegne sagorijevanje oko 3 tone uglja godišnje. Znači, to je ogroman, ogroman benefit za naše građane i nekako ovdje ćemo i sistem zdravstva i sistem preventive zaista je multisektorski. Kada gledamo, ne možemo ni 1 resor isključiti, evo iz ovog zakona. Jer nekako su tako poredan i tako se i dodiruju. Ono što nam je zaista jako bitno jeste

da naši građani znaju da privatne kuće, one koji proizvode za svoje potrebe tu električnu energiju, mogu da pristupe postavljanju solarnih panela, a evo, meni je još draže da tu i ovim zakonskim rješenjem će biti omogućeno javnim ustanovama. Jer zaista krovovi tih javnih ustanova su i te kako veliki nakupi poprilično su neiskorišteni, a da ne bi zauzimali poljoprivredne površine, gdje možemo iskoristiti na drugačiji, možda i pametniji način, krovovi su idealno mjesto javnih ustanova, idealno mjesto za to i itekako ću podržati diskusije kolega prethodnika koji su kazali da nije Ministarstvo privrede jedino onog koji se treba baviti ovim. I predmet koncesije mogu biti svi prirodni resursi, infrastrukturni objekti, usluge od javnog interesa, a to je i javni prijevoz i upravljanje otpadom. Čini mi se da u Kantona Sarajevo sve češće imamo aktualnu temu Kvaliteta upravljanja otpadom i deponiju Smiljevići, gdje, čini mi se, itekako možemo iskoristiti dobra zakonska rješenja i u tom segmentu i nekako svi znamo da svugdje u svijetu smeće i otpad je resurs, osim kod nas. Ne kako to posmatramo sa sasvim drugačije strane. Energetski izvori to su elektrane i solarni paneli, o kojima danas najčešće i govorimo, i turistički lokaliteti. Sve u svemu, moju podršku. Svakako u momentu kada budemo glasali o izmjenama i dopunama ovog zakona, ovo zakonsko rješenje će imati, uz, naravno, molbu svim ostalim uvaženim članovima Vlade, resornim ministrima. Iz ostalih oblasti, da se nekako osvrnu na sve potencijale kada je u pitanju naš Kanton Sarajevo i eventualni eventualnu uključenost u ovaj zakon. Jer zaista, prostora je puno. Život građana Kantona Sarajevo bi se znatno unaprijedio svim tim rješenjima. I napokon građani u Kantona Sarajevo imali bi priliku da dišu itekako bolji i zdraviji zrak. Toliko od mene.

### **Elvedin Okerić (predsjedavajući)**

Zahvaljujem se zastupnici Gaković, za riječ se javio zastupnik da Davor Čičić..

### **Davor Čičić (zastupnik)**

Hvala. Pošto se prvi put javljam, pozdravljam sve građane ispred malih ekrana. Prije svega, zahvalio bi se ministru Zlatku Mijatoviću, ovoj Vladi što je donijela nam, evo na skupštinu ovaj prijedlog o izmjenama Zakona o koncesijama jer se prvobitno tiču, odnosno primarno da se tiču koncesionih ugovora, gdje je predmet koncesije biti energija, proizvodnja električne energije iz Sunčeve energije i omogućavanja sad u ovom slučaju, prije svega javnim korisnicima, odnosno javnim ustanovama, da bez ugovora, odnosno koncesionog ugovora mogu izgraditi i koristiti ovu električnu energiju koju bi proizveli na osnovu solarnih panela koji postavili na svoje ustanove na način da koriste, da tako kažem, u svoje svrhe, što bi značajno doprinijelo i smanjenju troškova, prije svega električne energije, a i s druge strane i toplotne energije i svega onoga što bi moglo biti riješeno kroz korištenje te električne energije koja se proizvodi. Mi već imamo par slučajeva u Kantona Sarajevo, gdje na javnim ustanovama imamo solarne poene i gdje javne ustanove probno proizvodi tu električnu energiju i u svakom slučaju im trebamo omogućiti mogućnost da znači budu spojeni na mrežu i da tu svoju energiju prevashodno koriste za svoje potrebe. Ovo je, da tako kažem, po meni prvi korak u kojem mi svi trebamo da krenemo preko javnih ustanova, ali isto tako mi smo podnosili već prije i kolegica Jelena Pekić je prerasla neke svoje prijedloge i amandmane da se to omogući i da tako kažem i privatnom sektoru, da li na način da se ograniči količina energije koju bi oni koristili na taj način za svoje, odnosno za svoje poslovne potrebe, do nekog iznosa, jer već u ovom postojećem zakonu, da podsjetim je za privatne korisnike ograničena proizvodnja na 23 kilovate, što je u biti sasvim dovoljno za jedno prosječno domaćinstvo, čak možda i više nego što je potrebno da se na takav neki način riješi i privatni korisnici koji bi na svojim privatnim da tako kažem poslovnim objektima koristili solarne panele i proizvodili određeni dio električne energije koju bi koristili isključivo u svoje poslovne potrebe. Da li to ograničiti na neki, da tako kažem, iznos energije, odnosno količine energije ili pa možda i potaknuti da to

budu značajno veći, značajne količine koje proizvedu dio i vrate u mrežu, evo, ostavljamo Vladi na odlučivanje, ali u svakom slučaju smatramo da treba ići u tom smjeru da se, da tako kažem, i realni sektor oslobodi barem za onaj dio koji proizvodi za svoje vlastite potrebe, što bi njima značajno umanjilo troškove i električne energije, a posljedično možda i toplotne energije ako bi koristili, da tako kažem, obnovljive izvore energije, toplotne pumpe koje su sada manje-više, svuda u svijetu in i svuda u svijetu se sve više polaže i računa u to da se što više ugrađuju ti obnovljivi izvori energije i koriste takvi izvori energije, a u korelaciji sa svim današnjim dešavanjima, kao što vidite negativnim u svijetu koji se dešavaju, na neki način moramo težiti tome da postanemo što više neovisniji po pitanju proizvodnje ove vrste energije, jer kao što smo i svjedoci zadnjih godina, i Federacija i Bosna i Hercegovina, sve više električne energije uvozi. U svakom slučaju, dajem puno u podršku ovim izmjenama zakona i evo, pozivamo i Vladu, premijera i ministra da nam što prije u ove skupštinske klupe donesu i drugi zakon, odnosno po hitnom postupku, gdje bi se regulisalo ovo što sam sada rekao i korištenje, odnosno proizvodnja ove vrste energije kod privatnih korisnika za njihove potrebe i mislim da bi s tim na neki način i potaknuli privatni sektor da što više ulažu u ovaj vid energije, a na neki način bi podigli ne samo svijest tu nego i kod privatnih, da tako kažem, osoba, želju da što više se ide u ovom smjeru. Zahvaljujem.

### **Elvedin Okerić (predsjedavajući)**

Zahvaljujemo se zastupniku Čičiću. S obzirom da nema više prijavljenih, zaključujem raspravu na ovu tačku dnevnog reda.

Možemo prijeći na sljedeću tačku ili eventualno neku pauzu. Jel može? Evo, ministar predlaže materijal tačka pet.

### **AD-5.**

#### **Nacrt Zakona o izmjenama i dopunama Zakona o turizmu**

Materijal ste dobili uz poziv za sjednicu. Zamolio bi predstavnika predlagača, ministra Mijatovića, da podnese uvodne napomene. Izvolite, imate riječ.

### **Zlatko Mijatović (ministar)**

Hvala predsjedavajući. Evo, nastavljamo ovu sesiju u režiji Ministarstva privrede. Treći zakon, Nacrt Zakona o izmjenama i dopunama Zakona o turizmu, Nacrt zakona u kojem smo zaista aktivno radili zadnjih godinu dana u Ministarstvu privrede, jedna vrijedna ekipa, jedna stručna ekipa. Zbog čega smo radili to? Trenutno važeći Zakon je donesen 2016 godine pod određenim okolnostima, određenim okruženjem koji je bio tada aktuelan. Dvije izmjene su bile odmah 2017. godine i jedna ispravka 2021. godine. Tako da smatramo da je krajnje vrijeme da se određene stvari niveliraju, da se uredi malo drugačije, da idemo jednostavno u korak s vremenom i da određene stvari promijenimo, uskladimo jednostavno, da bude efikasnije, pravedniji, provodljiviji. Vi znate da na zadnjoj sjednici Skupštine Kantona Sarajevo, da je usvojen jednoglasno usvojeni, ovom prilikom se i zahvaljujem svim zastupnicima Kantonalne skupštine u Kantonu Sarajevo da je usvojena Strategija razvoja turizma, ovaj Zakon upravo je paralelno rađen sa Strategijom razvoja turizma do 2030-te godine i prati određena rješenja koje treba ta Strategija da propiše, odnosno koja će propisati ista ta Strategija i Akcioni plan. Važeći Zakon o turizmu, uspostavio je pravni okvir za razvoj turizma, međutim kroz višegodišnju saradnju naročito sa Turističkom zajednicom u Kantonu Sarajevo, sa Kantonalnom upravom za inspeksijske poslove, sa našim agencijama, operatorima itd smo utvrdili određene manjkavosti, određeni prostor koji se može doraditi, unaprijediti, poboljšati jednostavno trenutno važeći okvir. Glavni ciljevi izmjena i dopuna su pojednostavljenje administrativnih

procedura, racionalizacija strukture Turističke zajednice i uspostava pravednijeg sistema obračuna članarine zasnovan na proporcionalnosti koristi od turizma te normiranje utroška prihoda od članarine i boravišne takse u svrhu razvoja turističkog proizvoda. Ja ću sada proći kroz nekoliko tačaka. Evo, vi ste vidjeli da ima, ja mislim, malo više od 30 članova izmjena i dopuna ovaj zakona, sve su manje-više bitne po nama. Ali evo, ja sam u svrhu kraćeg nekog izlaganja izdvojio nekih 16 tačaka koji su po nama krucijalne i temeljne u ovom dokumentu. Pod broj 1. ukinuta je obaveza članstva UTA BiH i ovjera općih uslova putovanja. Znači, putničke agencije organizator turističkih putovanja više neće biti dužni dostavljati dokaz o članstvu Udruženju turističkih agencija BiH, UTA BiH, niti ovjeravati opće uslove putovanja kod strukovnog udruženja. Prvenstveni razlog jeste da smo imali više takvih zahtjeva, prvenstveno više takvih zahtjeva organizatora putovanja, a s druge strane nije ni logično da budete zakonom obavezani da budete dio nekog udruženja koji treba da bude na nekoj dobrovoljnoj osnovi. Prema tome, skidamo taj teret sa ovih pravnih lica. Pod broj 2 produžava se rok za izdavanje i važenje licenci, rok za izdavanje licenci putničke agencije se produžava sa 15 na 30 dana, kao jedan opći upravni postupak i taj rok, dok se period važenja izdate licence produžava sa 3 na 5 godina. Ova izmjena doprinosi administrativnom rasterećenju i većoj pravne sigurnosti poslovnih subjekata. Pod 3. Reorganizacija organa Turističke zajednice. Broj organa Turističke zajednice se smanjuje sa 5 na 4. Ukida se Ured za podršku turizmu koji nikada nije ni bio uspostavljen. Također, broj članova Skupštine smanjuje se sa 5 na 3, a broj članova Turističkog vijeća sa 7 na 3, čime se ostvaruje budžetske uštede i povećava operativna efikasnost. Pod 4. Preciziranje i imenovanja, razrješenja, nadležnost načina rada i odgovornosti rada Turističke zajednice Kantona Sarajevo. Detaljnije se uređuju načini imenovanja i razrješenja članova Skupštine, Nadzornog odbora, Turističkog vijeća i predsjednika Turističke zajednice, kao i njihove nadležnosti, odgovornosti trajanja mandata. Imenovanje se provodi u skladu, imenovanje će provoditi u skladu sa Zakonom o ministarskim, Vladinim i drugim imenovanjem Federacije Bosne i Hercegovine. Pod broj 5 po tačkom 5 ukidanje Turističkog ureda i pozicije direktora. Ukida se Turistički ured koji nije organ upravljanja, kao i pozicija njegovog direktora, budući da ured nikada nije bio uspostavljen, a njegova je funkcija već obavlja, pošto su to administrativne funkcije, te funkcije već obavljaju zaposlenici, odnosno radnici u TZ KS. Tačkom 6. Proširuje se nadležnost Nadzornog odbora u smislu da će biti nadležan kao drugostepeni organ u radno pravnim odnosima, odnosno rješavanja po prigovorima, u kontekstu rješavanja njihovih radnih prava i u postupcima javnih nabavki, propisano je da te ovlasti ne mogu biti prenesene na druge organe, čime se jača interna kontrola i odgovornost. Pod tačkom 7 ukida se povjerenstvo Turističke zajednice kao privremeni organ, budući da se u praksi pokazalo kao neefikasno i prepreka za blagovremeno imenovanje redovnih organa Turističke zajednice. Ova izmjena otklanja institucionalne zastoje i osigurava stabilnost u radu Turističke zajednice. Povjerenstvo se pokazalo kao neefikasan organ jer se u periodu djelovanja povjerenstva mnogi poslovi koji su u nadležnosti organa Turističke zajednice često prenosili, odnosno davali na saglasnost Vlade, što usporava generalno rad ovog tijela, odnosno Turističke zajednice, generalno. Pod tačkom 8. Obaveza dostavlja godišnjih izvještaja Skupštini Kantona Sarajevo. Sada je tačno propisano u kojem roku na koji način da se dostavlja Skupštini Kantona Sarajevo. Do sada je to bio slučaj da se to dostavljalo Vladi Kantona Sarajevo. Tako da i taj iskorak pravimo i tačno su propisani koji set dokumenata mora da bude dio tog izvještaja. Pod tačkom 9. Redefinisano obavezno članstvo u Turističkoj zajednici, obavezni članovi Turističke zajednice, sada su pravna i fizička lica koja prema obavještenju o razvrstavanju djelatnosti obavljaju djelatnost posredno ili neposredno povezane sa turizmom. Za razliku od prethodnog rješenja članstvo se veže isključivo za osnovnu djelatnost, čime se sužava obuhvat obveznika i povećava preciznost u primjeni. Tačka 10. Novi način utvrđivanja djelatnosti obaveznih članova i koeficijenata za obračun članarine. Umjesto općeg pristupa djelatnosti obaveznih članova obaveznih članova, razvrstava se u grupe prema



intenzitetu utjecaja turizma na njihove prihode. Svakoj grupi se dodjeljuju pripadajući koeficijenti za obračun članarine koji se definišu pravilnikom ministra uz suglasnost Vlade. Time se uvodi pravedniji i diferenciran model obračuna, što je po meni ovdje sigurno i najbitniji dio ovog zakona, bar po mom ličnom shvatanju. Tačka je 11. Uspostava registra obveznika članarine, što je novina. Turistička zajednica je obavezna uspostaviti registar obveznika obračuna i plaćan članarine na osnovu akta koji donosi predsjednik Turističke zajednice uz saglasnost Ministarstva. Registar omogućava transparentan i tačan obračun članarine te efikasniju naplatu prihoda. Registar će biti kreirana na osnovu službenih podataka Federalnog zavoda za statistiku, odnosno na osnovu podataka o osnovnoj djelatnosti sjedišta i poslovnih jedinica koji su registrovani na području Kantona Sarajevo. Tačka 12. Precizirana osnovica za obračun članarine. Osnovica za obračun članarine definirana je kao ukupan prihod sjedišta i/ili poslovne jedinice na području Kantona Sarajeva sa osnovnom djelatnošću obaveznih članova Turističke zajednice. Ostvaren je na području Kantona Sarajevo od strane pravni i fizičkih lica koja obavljaju osnovnu djelatnost, posredno ili neposredno povezan sa turizmom prema obavještenju o razvrstavanja nadležne statističke službe. Na taj način otklanja se problem nemogućnosti utvrđivanja prihoda po svakoj pojedinačnoj djelatnosti za koji je subjekt registrovan, a što je bio problem u praksi. Novi model obračuna visine članarine umjesto jedinstvene stope za sve članove visina članarine se utvrđuje kao proizvod osnovice i koeficijenta koji održava intenzitet utjecaja turizma na prihode određene djelatnosti. Ovim se uvodi diferencirani, pravedniji sistem kojim se finansijsko opterećuje i usklađuje sa realnim koristima koje subjekt ima od turističke aktivnosti. Uvođenje minimalne obaveze ulaganja u razvoj turističkog proizvoda propisuje se obaveza Turistička zajednica najmanje 20 % sredstava prikupljene članarine usmjeri na razvoj turističkog proizvoda Kantona, time se osigurava da dio prihoda bude usmjeren direktno na unapređenje turističke ponude, normiranje načina utroška sredstava od članarine i boravišne takse, način korištenja sredstava prikupljene od članarine i boravišne takse i najmanje 70 % boravišne takse uređuje se posebnom uredbom koja donosi Vlada na prijedlog ministarstva. Uredbu priprema stručno tijelo sastavljeno od 3 predstavnika ministarstva, 2 predstavnika Turističke zajednice, 2 stručnjaka iz oblasti turizma, čime se osigurava transparentno i plansko upravljanje javnim prihodima u svrhu razvoja i unapređenja turističkog proizvoda i turističke ponude. Povećanje novčane kazne. Izmijenjene su kaznene odredbe Zakona, pri čemu su iznos novčanih kazni značajno povećani u odnosu na prethodni zakon iz 2016. godine. Cilj je jačanje mehanizma sankcionisanja i osiguranje efikasnijeg provođenja zakonskih obaveza. Znači, evo, ja sam taksativno naveo ove glavne značajke. Evo par samo još rečenica. Nacrt Zakona o izmjeni i dopunama Zakona omogućava administrativno poboljšanje koje dodatno rasterećuje turistički sektor. Putničke agencije više ne moraju dokazivati članstvo u UTI Bosne i Hercegovine. Rok za izdavanje licence se produžava na 30 dana, a važenje licence na 5 godina, što olakšava pristup tržištu i smanjenje birokratskih troškova. Reorganizacija turističke zajednice. Kao što sam rekao, smanjujemo broj organa, smanjujemo broj članova u tim organima, što će dovesti i do smanjenja opterećenja za samu Turističku zajednicu i puno efikasniji rad. Predložene izmjene i dopune zakona uvode pravedniji model obračuna članarine zasnovan na principu srazmjernosti između koristi koje pojedina djelatnosti ostvaruju od turizma i njihovo finansijske obaveze prema Turističkoj zajednici. Umjesto jedinstvene stope za sve subjekte, visina članarine se utvrđuje kao proizvod jasno diferencirane osnovice i koeficijenta koji održava intenzitet uticaja turizma na prihode određene djelatnosti. Time se izbjegava dosadašnja neujednačenost i uspostavlja sistem koji je transparentniji, ekonomski racionalniji. Istovremeno, normiranje utroška sredstava kroz obaveze da se najmanje 20 % članarine usmjeri na razvoj turističkog proizvoda, donošenje uredbe kojom se uređuje način korištenja tih sredstava i sredstava prikupljenih od boravišne takse osigurava se strateško, planirano i kontrolisano investiranje u razvoj turizma. Ova rješenja doprinose efikasnijem korištenju javnih prihoda i postavljaju temelj za održivi,

konkurentan turistički sektor Kantona Sarajevo. Evo, možda sam malo ubrzo predsjedavajući u određenim stavkama, ali mislim da ste dobili ideju o čemu se generalno ovdje radi, mislim da pravimo jedan veliki, ogroman iskorak u turističkom sektoru u Kantonu Sarajevo, što i to i zaslužuje. Turizam kao grana privrede je najpotentnija u Kantonu Sarajevo, imamo najveće generatorske sposobnosti u turizmu i moramo adekvatno tome i pristupiti. Kada kažem pristupiti, mislimo organizacijsko uređenje, birokratsko, administrativno uređenje, a ono što je meni posebno bitno jer sam imao, evo koliko sam na funkciji ministra imao bezbroj, bezbroj sastanaka sa Udruženjem poslodavaca po ovom pitanju i gdje ja nisam htio da otvaram određena pitanja na nesistemski način. Ovo je sada sistemsko rješenje koje će dati adekvatne odgovore na pitanja koja su, odnosno na izazove i problematike koje su trenutno na snazi u Kantonu Sarajevo, a to jeste linearna naplata turističke članarine u smislu da je to 0,05 od ukupnog prihoda, odnosno prometa određenih pravnih osoba 0,025 za fizičke osobe. Ovim zakonom, izmjenama i dopunama, kad dođe na red prijedlog, ovaj zakon predviđat će diferenciranu stopu, gdje ćemo jasno podijeliti u grupe, imati ćemo posredne i neposredno povezane poslovne subjekte, odnosno djelatnost koji će biti povezani, ostvarivati određenu korist od turizma i slijedom toga će i biti takva, jednostavno pravednija, pravednija i racionalnija naplata, tako da kažem turističke članarine. Također, još jednom napominjem, uredba kojom se jasno definiše kako i na koji način, i za šta će se koristiti ova sredstva i posebno ovaj dio da 20 % sada, što do sada nije bio slučaj, 20 % od turističke članarine se mora vraćati u investiranje određenih projekata, odnosno razvoj turističke ponude u Kantonu Sarajevo. Evo, to je bilo to.

**Elvedin Okerić (predsjedavajući)**

Zahvaljujemo se uvaženom ministru Mijatoviću. Zamolim, zamolio bih vas da se vratite na svoje mjesto.

Otvaram raspravu po ovoj tački dnevnog reda. Zastupnik Davor Čičić se javio za riječ. Poslovnička zastupnik.

**Davor Čičić (zastupnik)**

Obzirom da je dosta bitna tačka, imamo dosta diskusija da prvo napravimo pauzu za ručak, pa da onda ako to nije neki problem.

**Elvedin Okerić (predsjedavajući)**

Evo, ne znam jel nam dovoljno 45 minuta, sat.

**Davor Čičić (zastupnik)**

Pa dobro, a kad ćemo planirati ono mislim pauzu? Pa, hajd eto.

**Elvedin Okerić (predsjedavajući)**

Dobro. Zastupnica Mersiha Mehmedagić se javila za riječ. Izvolite.

**Mersiha Mehmedagić (zastupnica)**

Zahvaljujem predsjedavajući, pozdravljam donošenje ovog zakona, odnosno ovih izmjena zato što su one kako dobre i prema onima koji su obveznici plaćanja i boravišne takse i članarine, tako su dijelom i rasteretile Turističku zajednicu jednog balasta, ogromnog broja članova u upravljačkim organima, gdje u jednom trenutku bilo više članova u tim upravljačkim organima nego li onaj uposlenika, međutim, s poslom, sa povećanjem obima posla, rasla je potreba i za povećanjem broja uposlenika, tako da, eto, sad je ipak taj omjer nekako više u korist

uposlenika, ali bilo je nefunkcionalno i sazvati i organizirati sastanke za toliki broj učesnika po organima, tako da ova optimizacija će u svakom slučaju unaprijediti i rad i prohodnost dokumenata kroz ove organe. Ono što želim naglasiti, a evo da ne ponavljam, ministar je zaista bio izuzetno detaljan i proveo kroz sve izmjene koje ovaj zakon tretira, ali želim da istaknem par stvari. Ovim zakonom će se s jedne strane smanjiti priliv sredstava Turističkoj zajednici, ali će s druge strane, ukoliko se Ministarstvo i Vlada uključe, stabilizirati njen prihod, posebno kad je članarina u pitanju, ali ne bih zaista zanemarila ni disciplinu po pitanju izmirivanja obaveza boravišne takse. Ovaj zakon će unaprijediti i način rukovođenja ovom institucijom način unaprijediti će i transparentnost njenog poslovanja kroz dodatno izvještavanje prema Skupštini Kantona Sarajevo, što do sada nije bio slučaj. Ovaj zakon će također unaprijediti i prohodnost agencijama kod procedure dobivanja licenci zato što više neće biti uslovljene članstvom u UTI. Međutim ovdje se nameće jedna obaveza Turističkoj zajednici, za koju smatram da neće biti u stanju da je iznese sama ukoliko se Ministarstvo aktivno ne uključi zajedno sa Vladom, a radi se o sljedećem: uspostavljanje baze članova obveznika plaćanja članarine Turističkoj zajednici je jedan izuzetno veliki pothvat zato što Turistička zajednica po službenoj dužnosti ne dobiva informacije ko su njeni članovi. Znači vama na kraju poslovne godine neko treba poslati jedan KOČ obrazac, konačan obračun članarine gdje će vam se prijaviti koliki su njegovi prihodi i kolika je njegova obaveza? Ukoliko neko izvrgava tu obavezu, ukoliko vam on sam ne pošalje taj KOČ obrazac, vi i ne znate da vam je on član dok FIA ne obradi podatke i Turistička zajednica te podatke ne kupi, apostrofiram, ne kupi, zato što nemamo razrađen mehanizam da Turistička zajednica Kantona Sarajevo po službenoj dužnosti dobije po šiframa djelatnosti svoje, onaj obavezne članove, da zna ko su joj obavezni članovi, da shodno toj bazi može, da planira svoj godišnji prihod, da shodno tom godišnjem prihodu na koncu može i da planira razvoj, promociju i unapređenje turizma u i van Kantona Sarajevo. Znači ovdje se mora uključiti Vlada kako bi Turističkoj zajednici omogućila mehanizam da pravovremeno dobijemo podatke ko su obveznici plaćanja članarine. Tu moram napomenuti da znači morate čekati jednu cijelu fiskalnu godinu da neko podnese svoj izvještaj da bi vi na kraju mogli i kupiti te podatke. S druge strane, ne možete uopće računati na FIU ako pričamo o fizičkim licima i obrtima, jer oni nisu dužni da dostavljaju onaj konačan obračun, odnosno finansijski izvještaj Finansijskoj informatičkoj agenciji i onda vi to morate tražiti od Porezne uprave, znači ovdje ćemo morati napraviti neki sporazumi sa Poreznom upravom, da ne kažem da ćemo morati unaprijediti nekako sistemski, da li podzakonskim aktima, ali evo, ministarstvo će naći već neki način, vjerujem, da unaprijedimo komunikaciju sa jedinicama lokalne uprave zato što oni izdaju, odnosno njihove službe privrede izdaju fizičkim licima rješenja o obavljanju određene djelatnosti, odnosno da bi oni mogli da, na primjer se registruju kao pružaoci smještaja, usluga smještaja u domaćinstvu. Znači, njih apsolutno nemate nikako na neku evidenciju ukoliko vam se oni sami ne prijave i ukoliko nemate razmjenu podataka sa općinama, a to je sve ono što Turistička zajednica u ovom trenutku nema i na tome se zaista mora raditi, da ne kažem da će se morati još više raditi na disciplini naplate boravišne takse, jer bez obzira i na, pardon, inspeksijske nadzore, vi nikad ne možete sa sigurnošću utvrditi koliko zaista u jednom pravnom licu je prijavljeno korisnika usluga noćenja u odnosu na stvarni broj, koliko njih zaista i u određenom periodu bilo, da ne kažem da i dalje ima jako veliki prostor za manipulacije, zato što je propis koji definiše obavezu prijavljivanja boravka turista u subjektima nije baš najbolje definisan za i ne ide na ruku, uduplava, da ne kažem, utrostruči obaveze onima koji pružaju te usluge zato što moraju podatke slati na različite strane i bez ovog nekog sveobuhvatnog sistema, pojednostavljene prijave boravka i povećane kontrole te neke sive zone koja pruža usluge u turizmu mi nećemo imati efekat koji će zagarantovati nastavak rasta turizma u Kantonu Sarajevo, jer nas sve više guši ovaj siv sektor, ova siva zona koja je velika nelojalna konkurencija, tako da kažem, ovom regularnom turističkom sektoru, koji nas prezentuje na najbolji mogući način i vuče još niz povezanih djelatnosti sa turizmom i sve nam

na kraju, svima nama na kraju donosi više prihoda i pomaže i fizičkim licima da ostvare dodatnu zaradu, ali naravno i ovim velikim subjektima da imamo, znači lanac reprezentativnih hotela. Ukoliko se, ponavljam, Vlada i resor ne uključe da pravovremeno dobiva Turistička zajednica ove podatke, ova dobra namjera bi mogla ostati onaj više na papiru, odnosno Turističkoj zajednici bi i dalje mogla produžiti agoniju da se mora pribjegavati utuženju i iscrpljivanju dodatnih kapaciteta ionako oskudnih Kantonalne uprave za inspeksijske posve da bi se utvrdilo ko su sve obveznici i da bi se naplatio javni prihod. A govorim i naglašavam radi se isključivo o javnom prihodu, prihodu Budžeta Kantona Sarajevo. Mislím da će ovaj Zakon u svakom slučaju donijeti jako bitno osvježanje i turističkom sektoru i turističkoj zajednici, svim akterima kojih se ovaj zakon tiče, tako da, evo, nadam se da ćemo ga ovim podzakonskim aktima dodatno kapacitirati i unaprijediti sve ono gdje se do sada ovim zakonom nije moglo napraviti poboljšanje. U svakom slučaju se zahvaljujem Ministarstvu na izuzetnom trudu jer je krajnje vrijeme bilo da se ovaj zakon donese i ono što je vrlo važno. Povećale su se i kaznene odredbe jer je zaista do sada bilo isplativije raditi na crno, pružati usluge na crno. Platite neku manju kaznu i to je to. Ovim se zakonom to mijenja i naravno, novi izazov koji nas sve čeka, pa možda i neke nove izmjene ovog zakona, to je i ova procedura donošenja federalnog Zakona o turizmu, gdje će nas opet čekati neka usuglašavanja, ali evo, Bože moj, pred nama je, a mi u svakom slučaju ovim zakonom omogućavamo turizmu u Kantonu Sarajevo da se bolje i brže razvija. Hvala.

### **Elvedin Okerić (predsjedavajući)**

Zahvaljujemo se zastupnici Mehmedagić. Dopredsjedavajuća Danijela Kristić se javila za raspravu izvolite, imate riječ.

### **Danijela Kristić (dopredsjedavajuća)**

Zahvaljujem predsjedavajući. Kanton Sarajevo je donio vlastiti Zakon o turizmu iz nužnosti da popuni pravnu prazninu nastalu nakon što je Ustavni sud Federacije Bosne i Hercegovine proglasio je federalni Zakon o turističkim zajednicama i promicanju turizma neustavnim. Zakon je proglašen neustavnim jer pri donošenju tog zakona nije bilo adekvatnog međusobnog dogovaranja između federalne i Kantonalnih vlasti. Obzirom da se federalni zakon nije mogao primjenjivati kantoni su ostali bez odgovarajuće regulative u oblasti turizma, što je direktno utjecalo na rad turističkih zajednica i promociju turizma. Kanton Sarajevo je iskoristilo svoje ustavno pravo i donijelo zakon koji će urediti oblast turizma na teritoriji Kantona Sarajeva. Time je osigurana funkcionalnost turističke zajednice i kontinuitet u promociji turističkih potencijala. Zakon će važiti dok se ne donese novi federalni zakon koji će biti u skladu sa Ustavom. Ja ću se u ovom Nacrtu Zakona o izmjenama i dopunama Zakona o turizmu osvrnuti na nekoliko stvari. Uklanjanje obaveznog članstva u udruženju turističkih agencija u Bosni i Hercegovini. Po trenutnom Zakonu o turističkim agencijama koje nisu željele da budu članovi Udruženja turističkih agencija onemogućeno izdavanje licenci. Ova izmjena će omogućiti slobodan pristup tržištu, povećat će se broj registrovanih turističkih agencija i olakšati poslovanje onim agencijama koji ne želi biti članice udruženja. Produženje roka, važenje licenci će smanjiti administrativni pritisak na privredne subjekte i dovesti će do stabilnijeg poslovanja. Redefinisani ciljevi struktura turističke zajednice, ukidanje turističkog ureda i povjereništva, uvođenje registra obveznika članarina će unaprijediti poslovanje, smanjiti troškove, učiniti organizaciju efikasnijom, omogućiti brzu realizaciju aktivnosti i racionalnije upravljanje sredstvima. Jačanje nadzora će nam omogućiti veći uvid u rad Turističke zajednice i veću transparentnost. Dio koji ovim izmjenama nije obuhvaćen je problem vodiča u Kantonu Sarajevo. Kanton Sarajevo susreće se sa određenim izazovima kada su u pitanju vodiči. Trenutno su pravila za vodiče nedovoljno jasna, neusklađena i zastarjela. Veliki broj vodiča

radi bez licenci, posebno tokom turističke sezone, što direktno narušava kvalitet turističke ponude i stvara nelojalnu konkurenciju licenciranim vodičima. Inostrani vodiči radi ture po Sarajevu bez lokalnih licenci i smatram da bi se i ovaj dio trebao urediti na neki način. Pravilnik o stručnom ispitu i licenciranje vodiča nije usklađen sa savremenim praksama i nema obaveznog kontinuiranog usavršavanja. Turistički vodiči nisu sistemski prepoznati kao ključni dio turističke ponude. Turistička zajednica Kantona Sarajevo ne uključuje vodiče u strategiji promocije, tako da ja predlažem da se u ovim izmjenama definiše i uloga Turističke zajednice u promociji turističkih vodiča kroz institucionalnu podršku gdje bi Turistička zajednica u okviru svojih promotivnih aktivnosti uključila licencirane vodiče u javne kampanje i promotivne aktivnosti, omogućila pristup vodičima na sajmovima i prezentacijama koje organizuje ili sufinansira Turistička zajednica, kreirati javno dostupne on line baze licenciranih vodiča sa osnovnim kontakt podacima, da Turistička zajednica obezbijedi dio sredstava svog budžeta za edukaciju i promociju, podršku domaćim vodičima, kroz promociju i zajedničke kampanje, vodiči bi dobili status kojim pripada u lancu turističke ponude. Jedna od inicijativa koje sam podnosila je inicijativa za izmjenu Pravilnika o djelatnostima obaveznih članova Turističke zajednice Kantona Sarajevo, u dijelu koji se odnosi na pravna i fizička lica koja nisu direktno ni indirektno vezana za turizam, to jeste čija djelatnost ne ostvaruje prihod pružanjem ugostiteljskih ili drugih turističkih usluga i ne obavljaju s turizmom neposredno povezane djelatnosti. U odgovoru je navedeno da će izmjenama i dopunama Zakona o turizmu doći do izmjena ovog pravilnika. Trenutno postoji nelogičnosti u ovom pravilniku za pravna lica koji su obavezni članovi Turističke zajednice, kao npr. Održavanje i popravak motornih vozila, trgovina na veliko dijelovima i priborom za motorna vozila, trgovina na veliko, informacijsko-komunikacijskom opremom, fondovi, poslovanje nekretninama, fitnes centri itd. U zakonu treba izričito definisati prema šifri djelatnosti prema klasifikaciji poslovnog subjekta, to jeste obuhvatiti subjekte koji ostvaruju prihode iz turizma, izuzeće trebaju imati subjekti čija djelatnost nije direktno vezana za turizam, zato predlažem preciznu listu djelatnosti da treba utvrditi Ministarstvo u roku od 60 dana od dana stupanja na snagu ovog Zakona putem pravilnika donesenu u budu konzultacije sa Turističkom zajednicom i svim drugim relevantnim akterima. Izmjenom ovog pravilnika će biti zaštićeni oni koji ne pripadaju turizmu, a neopravdano su opterećeni i obavezama koje proizilaze iz važećeg pravilnika. Turistička zajednica će dobiti transparentniji i realniji prihod bez pravnih sporova i pritužbi. Hvala.

### **Elvedin Okerić (predsjedavajući)**

Zahvaljujemo se dopredsjedavajućoj Kristić.

Prije nego što dam pauzu koju je kolega Davor Čičić tražio, imam potrebu da zbog javnosti kažem da je propao današnji pokušaj opstrukcije opozicije u radu Skupštine Kantona Sarajevo, prije svega zastupnika Mahira Devića, zatim zastupnika Faruka Kapidžića i zastupnika Muamera Bandića. Današnja predstava opstrukcije ogledala se u problematiziranju kvoruma koji je utvrđen na samom početku današnje sjednice Skupštine Kantona Sarajevo, kako je i kako i predviđa Poslovnik Skupštine Kantona Sarajevo u članu 83. Ponašanje opozicije govori najviše o njima samima, da u redovnoj proceduri nisu dostali niti jedan jedini amandman niti primjedbu na dostavljene materijale Ministarstva privrede, zatim, sva mišljenja od nadležnih institucija koja su dostavljena su pozitivna i na kraju odu sa sjednici na takav način da ne žele da učestvuju u raspravi, a pozovu građane Kantona Sarajevo da nastave i da građani gledaju današnju cijelu Skupštine Kantona Sarajevo, a ne oni da učestvuju u raspravi u Skupštini Kantona Sarajevo, koji su plaćeni da rade ovaj posao. Zbog istinitog informisanja javnosti, ovo je važno da kažemo da današnja sjednica Skupštine Kantona Sarajevo se nastavlja nakon pauze od sat i po vremena. Pauza, sat i po.

Prije ove pauze 15 minuta pauzu tražio je Elvis Vreto, šef Kluba. Kolega Vreto samo zbog stenograma tražili ste riječ. Želite prvo pauzu, pa 15 minuta. Prije nego što damo ovu veliku pauzu šef Kluba Elvis Vreto tražio je pauzu u ime Kluba 15 minuta, da prvo vidimo da li će doći do ove pauze. Ok, znači pauza 15 minuta.

## NASTAVAK NAKON PAUZE

### **Elvedin Okerić (predsjedavajući)**

Mi smo trenutno na tački pet.

#### **AD-5.**

### **Nacrta Zakona o izmjenama i dopunama Zakona o turizmu**

Otvorena je rasprava. Idemo sa prijavom, mi ćemo krenuti a vi se uključujte.

Nakon pauze koju je tražio zastupnik Elvis Vreto u ime Kluba Naroda i Pravde nastavljamo sa sjednicom Skupštine Kantona Sarajevo. Ministar Mijatović je podnio uvodne napomene. Zastupnik Elvis Vreto se javio za raspravu. Izvolite, imate riječ.

### **Elvis Vreto (zastupnik)**

Hvala predsjedavajući. Pa prije svega moje kolegice iz Kluba, kolegica Mehmedagić i kolegica Kristić su se već su osvrnuli na dobar dio ovog Nacrta zakona, odnosno Nacrta Zakona o izmjenama i dopunama Zakona o turizmu. Ono što je važno naglasiti da su one u konkretnom dijelu ukazale upravo na neophodnost donošenja i, naravno, neke osnovne odredbe koje smatraju da treba možda kroz javnu raspravu, odnosno do prijedloga zakona, pokušati dopuniti. Ja želim da istaknem nekoliko ključnih stvari i mislim da ovo Ministarstvo privrede na čelu sa ministrom Zlatkom Mijatovićem zaista i kompletna naravno, Vlada ima zaista sistemski pristup kada je ova oblast u pitanju. Na prošloj sjednici smo usvajali Nacrt Zakona o strategiji turizma u Kantonu Sarajevo, koji je prva strategija takve vrste. Danas raspravljamo o izmjenama i dopunama Zakona o turizmu, sigurno da je slijed naredna faza jeste, nakon javne rasprave je donošenje prije svega Strategija o razvoju turizma, a nakon toga, naravno i izmjene i dopune ovog zakona. Zaista jedan pozitivan pristup i mislim da je ovo trend kojim trebamo onaj generalno ići i siguran sam da Vlada i svi će pratiti, odnosno i ostala ministarstva će pratiti ovakav trend i način funkcionisanja. Ono što ja želim još da istaknem jeste da je turizam svakako najviše rastuća grana, možda u Bosni i Hercegovini što se tiče oblasti privrede. Ono što je bitno naglasiti jeste da u 2024. godini Kanton Sarajevo bilježi rekorde, da smo imali 1,7 milijuna noćenja, odnosno nešto više od 800 000 dolazaka i gostiju. Ono što bih ja, naravno, htio da ukažem jeste da se vodi računa, obzirom da je planirano da se u ovom Nacrtu zakona da se određenim uredbama i o pravilnicima definiše i raspodjela sredstava prikupljenih od strane prihoda koji su planirani, da se vodi računa o mjestima i lokacijama, općinama koje zaista imaju ogroman potencijal i razvoj u ovom periodu, ne samo u posljednje 2 godine, već generalno. Ja ću navesti da od ovih podataka općina Ilidža je u 2023. godini imala 283 000 dolazaka, a u 2024. je taj broj 388 000. Znači on je blizu 50 %, odnosno preko 40 % ukupnih dolazaka u Kantonu Sarajevo. Očekujem, naravno, da će kroz te pravilnike i uredbе koje će definisati podršku i povrat određenih sredstava koji se prikupljaju biti usmjerene na dalji razvoj i napredak jer to ove opštine, naravno, ne samo Ilidža koje su naslonjene, naslanjaju na turistički potencijal zaslužuju. Što se tiče ostalih stvari, jedino što mogu da pozovem, obzirom da se radi o Nacrtu, da pozovem sve učesnike da učestvuju u javnoj raspravi, da sa svojim konkretnim i što je moguće, boljim prijedlozima pokušaju unaprijediti još dodatno ovo zakonsko rješenje do prijedloga i u što kraćem roku, naravno, poslije završene javne rasprave

nakon Strategije razvoja turizma, da imamo i ove izmjene Zakona o turizmu. Eto toliko, hvala predsjedavajući.

### **Elvedin Okerić (predsjedavajući)**

Zahvaljujemo se zastupniku Vreti na diskusiji. Zastupnica Vedrana Vikić Musić se javila za riječ.

### **Vedrana Vikić Musić (zastupnica)**

Hvala vam i evo, s obzirom da se prvi put javljam, pozdravljam sve naše gledateljke i gledaoce putem malih ekrana. Pa zaista, ne bi se ponavljala, ali imam potrebu da istaknem sve ono što je pozitivno, a sasvim sigurno da ministar Mijatović i Vlada Kantona Sarajevo u stvari ovakvim pristupom i donošenjem zakona koji će sistemski urediti bilo koju oblast, evo konkretnom slučaju, sada i oblast turizma zaista potvrđuju da imaju pravu stratešku orijentaciju. I evo kako je rekao i ministar, izrada ovoga Zakona je pratila i Strategiju za razvoj turizma u Kantonu Sarajevo ima za cilj da se ova oblast sistemski uredi, da i Turistička zajednica bude efikasnija, bolje organizovanija i da može na što efikasniji način da procesuiru sve aktivnosti u cilju daljnjeg unapređenja turizma. Ovo je po meni iznimno bitno, već smo jel govorili i kad smo usvajali strategiju, koliko je turizam kao grana industrije bitna i koliko doprinosi, dakle, kompletnom ekonomskom sistemu jedne države. Bilježimo odlične rezultate, ali naravno, svaki rast, pogotovo ovako značajan i vrlo i izazovan u periodu koji je pred nama i sasvim sigurno da je usvajanje Zakona o turizmu, odnosno izmjenama i dopunama Zakona jedan od bitnih stavki koji trebamo ispoštovati kako bismo stvorili potrebne preduvjete za daljnji rast i unapređenje turizma. Evo, samo vrlo znači kratko. Zaista nemam šta reći, nego sve pohvale i ministru Mijatoviću, kompletnoj Vladi i evo, nadamo se, kako je rekao i kolega Vreto, da će, evo sad i u javnoj raspravi svi subjekti i ključni akteri i iz ove industrije imati priliku da i oni dadnu određene preporuke. Evo, ministar je vrlo onako koncizno i kratko rekao koje su to sve izmjene i koja su unapređenja planirana da evo nekako i u ovoj oblasti budemo što efikasniji. Hvala.

### **Elvedin Okerić (predsjedavajući)**

Zahvaljujemo se zastupnici Vikić Musić, za riječ se javio zastupnik Davor Čičić.

### **Davor Čičić (zastupnik)**

Zahvaljujem predsjedavajući, pa evo, u svakom slučaju, evo, kao prethodni kolege pozdravljamo donošenje ovog nasilja. Izmjena i dopuna Zakona o turizmu. Ovaj zakon generalno već dugi niz godina postoji, ali je, s obzirom na sva dešavanja, kao i neki drugi i u drugim sferama života, postao dosta zastario, da tako kažem, i u svakom slučaju je pozitivno da se priča o njemu, da se raspravlja i evo, ja vjerujem da će, s obzirom da je ovo Nacrt zakona, da će javna rasprava, iznjedriti dobra rješenja i da će ovaj zakon u svakom slučaju biti unaprijeđen, jer, evo, kao što i vidimo, turizam postaje možda jedna od najznačajnijih privrednih grana u Kantonu Sarajevo i mnoge stvari u okviru turizma moramo adekvatno riješiti kako bi ovaj porast broja turista, koji smo svi svjedoci proteklih par godina nastavio tim trendom, ali da bi i mi, kao da tako kaže organ, uprave omogućili turističkim radnicima da rade svoj posao, da poboljšavaju svoju ponudu, čime bi privukli, na kraju krajeva, sve te turiste da dođu u Sarajevo, posebno nakon i uvođenja ovih velikog broja, da tako kažem, jeftinih linija sa raznih destinacija u Europi i svijetu. I u svakom slučaju, znači, mi ćemo kao Klub podržati ovaj Nacrt zakona, pokušat ćemo aktivno da sudjelujemo u javnoj raspravi, a posebno pozdravljamo u čitavom ovom zakonu i intenciju da se neke procedure, da tako kažem i u okviru Turističke zajednice, na neki način naprave efikasnijim, da se sve moguće opstrukcije

na neki način obustave i da se organi, broj organa smanjuje sa 5 na 4 u Turističkoj zajednici: da se Nadzorni odbor smanjuje sa 5 članova na 3 člana, da se Turističko vijeće smanjuje sa 7 na 3 člana. I još isto tako i da se finansijski izvještaj Turističke zajednice dolazi kroz ovaj Nacrt je predviđeno da dolazi na Skupštinu Kantona Sarajevo, što je u svakom slučaju pozitivno jer do sada taj izvještaj nije dolazio, na skupštine ga je usvajala samo Vlada, tako da ima po nama dosta pozitivnih stvari koje će utjecati na transparentnost, a koji će na kraju krajeva utjecati na efikasnost, a i na smanjenje troškova svih organa koji učestvuju u radu Turističke zajednice. Kolege su diskutovale i u drugim segmentima ovog zakona, ali evo, ja pozivam sve da učestvuju u javnoj raspravi koja, koliko vidim, predviđena 30, čini mi se 30 dana, a da svi daju svoj doprinos i da dobijemo jedan moderan Zakon o turizmu u Kantonu Sarajevu koji će pratiti sve ove trendove koji se dešavaju ne samo u Kantonu Sarajevo, nego i u Europi, općenito. Hvala.

### **Elvedin Okerić (predsjedavajući)**

Zahvaljujemo se na konstruktivnoj raspravi zastupnica i zastupnika. Zaključujem raspravu.

Prelazimo na tačku broj šest.

### **AD-6.**

#### **Nacrt Zakona o izmjenama i dopunama Zakona o poticaju razvoja male privrede**

Materijal ste dobili uz poziv za sjednicu. Zamolio bih predstavnika predlagača, ministra Mijatovića, da podnese uvodne napomene izvolite imate riječ.

### **Zlatko Mijatović (ministar)**

Hvala predsjedavajući, ponovo, sve vas srdačno pozdravljam. Evo, nadam se da ćemo i ovaj zakon, odnosno Nacrt ovog zakona, nastaviti u ovom dugu, kao što smo za dosadašnje, ove zakone. Evo, kao što sam rekao u uvodnom izlaganju povodom prije prvog zakona, prijedloga Zakona o Zakonu o izmjenama i dopunama o rudarstvu Kantona Sarajeva, najavio sam zaista ovakve propise koji su afirmativni, pozitivni, idu u pravcu unapređenja određene oblasti i Ministarstvo privrede ide u tom pravcu. Evo pored ovih zakona koje danas imate priliku o kojim raspravljate i glasate, nadam se kasnije mi trenutno radimo na pripremi još 4 zakona u ovoj godini, tako da će ti zakoni uskoro doći ona je pred vas o kojima ćemo raspravljati.

Dobro. Sljedeća tačka, odnosno trenutna tačka, Nacrt Zakona o izmjenama i dopunama Zakona o poticaju razvoja male privrede. Zakon donesen 2015. godine, od 2016 godine se aktivno primjenjuje. U to vrijeme kada je donesen zaista jedan da kažem, bio onaj bum. Neke nove stvari su se uvele, drugačije se počelo pristupati određenim problematikama i mi smo se godinama razvijali u određenim okvirima koji taj zakon dozvoljava, međutim došli smo u neku fazu sada gdje nas taj Zakon malo i sužava, ne da nam neki prostor za fleksibilnost, inovativnost, kreativnost, pa imamo potrebu da evo kroz ovaj Nacrt određene tačke, određene tačke drugačije reguliramo. Ali evo, cilj Nacrta Zakona o izmjenama i dopunama zakona razvoja male privrede je unapređenje zakonodavnog okvira za planiranje, provođenje i koordinaciju mjera podrške razvoja male privrede na području Kantona Sarajevo. Stvara se efikasniji, inovativniji, transparentniji sistem za podršku razvoja male privrede koji ide u korak s vremenom, potrebama tržišta i makroekonomskim kretanjima na području Kantona Sarajevo i Federacije Bosne i Hercegovine. Ključni razlog za donošenje Nacrta zakona su poboljšanje koordinacije i stvaranje sistemskog okvira za sinergijsko djelovanje Ministarstva privrede i jedinica lokalne samouprave na području Kantona Sarajevo u procesma kreiranja i implementacije mjera poticaja razvoja male privrede. Šta tzn. Do sada smo imali jedinice lokalne samouprave, grad, općine koje svaka ponaosob za sebe određivala određeni program,



neko je donosio četverogodišnji program, neko je dvogodišnji program, neko je godišnji plan donosio. Ovim zakonom želimo da napravimo to jedno sistemski jedan okvir, ne želimo mi da propisujemo kakav će taj biti četverogodišnji ili godišnji plan djelovanja jedinica lokalne samouprave, štiteći njihovu samostalnost i autonomiju u tom dijelu, ali želimo da imamo sinhronizovano djelovanje po tom okviru. Znači obavezivati će se općinski načelnici, gradonačelnici da donose četverogodišnji program razvoja male privrede na njihovoj lokalnoj zajednici, a također godišnji plan provođenja tih program razvoja male privrede donosit će se, odnosno bit će obavezni da donesu provedbeni akt, podzakonski akt, na koji način će se ti postupci provoditi, kao što mi imamo sada u ministarstvu privrede, opet, ne ulazeći u njihovu autonomiju, to će biti njima na volji, na koji način, kako će, koje će principe primijeniti, kriterije pri tome, ali želimo da ima jedan provedbeni propis, da se tačno znaju pravila. Igrati. Također, pored toga, nakon što se usvoje na jedinicama na nivou jedinice lokalne samouprave, ti četverogodišnji godišnji program ili planovi rada, odnosno poticaja razvoja male privrede bit će u obavezi da dostave iste Ministarstvu privrede i Ministarstvo privrede će biti onda također u obavezi da to objavi na jednom centralnom mjestu, znači imat ćemo jedno centralno mjesto u Kantonu Sarajevo, gdje će svi programi, strategije razvoja male privrede biti na jednom mjestu, tako da ćemo razviti jedan nivo transparentnosti, uključenosti, javnost, upoznatost, jer evo, mi dan danas imamo situaciju da, doduše, ne toliki broj, taj broj se svake godine smanjuje je manji i manji, ali imamo još uvijek broj određenih ljudi, poduzetnika koji ne znaju da postoji program i razvoja male privrede, koje poticaje nudimo, a nudimo ih jako, jako mnogo u Kantonu. Dobro, tu je, znači i ta prva tačka koja je jako bitna u ovom Nacrtu zakona. Druga je usklađivanje odredaba Zakona o poticaju razvoja male privrede sa preporukama Europske komisije 2003/361 EC. Radi se o redefinisaju kriterija za svrstavanje poslovnih subjekata u kategoriji subjekata male privrede te kriterija za kategorizaciju ovih subjekata na mikro, male i srednje subjekte male privrede, čime se uspostavlja pravna usklađenost sa EU standardima. To su tehnički detalji, ali ipak želimo da idemo u tom kontekstu. Radi se o prihodima i prihodima i poslovnoj imovini te broju zaposlenih, generalno, kategorizacija i usklađivanje tih propisa sa preporukama Europske komisije. Dalje, proširenje, proširenje obuhvata poticajnih mjera i omogućavanje potrebne inovativnosti prilagodbe ovih mjera tržišnim potrebama. Član 12 koji je ključan u ovom čitavom evo Nacrtu zakona, po nama u Ministarstvu privrede dodaje se jedan novi stav jel koji kaže: “Druge aktivnost od značaja za ostvarenja ciljeva razvoja male privrede“, jest široko, ali baš ta širina nam daje prostora da budemo kreativni, inovativni, da pratimo trendove kako tržišta, tako i makroekonomske trendove i da adekvatno tome i pravovremeno planiramo, programiramo, provodimo, implementiramo ove programe koje imamo. Ja ću evo nekoliko samo primjera. Ukoliko se usvoji ovakav jedan prijedlog, koje ćemo mogućnosti imati u budućnosti. To su sada samo neke naše ideje, ne mora značiti da će doći zaista do toga, a evo, ja ću nabrojati 5 primjera; financijskih poticaj s inkubacijom za osnivače, fizička lica koja nemaju status mladih osoba u skladu sa Zakonom o mladim. Vi znate da mi imamo poticaje za osnivače sa inkubacijom na Mašinskom fakultetu, gdje smo osnovali Centar za razvoj poduzetništva kao organizacionu jedinicu Centra za napredne tehnologije i da od prošle godine uspješno imamo taj Program gdje 23, 24 mlada subjekta poslovna subjekta su počeli svoj poduzetnički put. Ovom izmjenom nam otvara mogućnost da ne budemo samo fokusirani na mlade. Naravno, mladi će nam biti fokus i dalje, ako ne i najveći fokus, sigurno, ali ako vidimo jednu dobru poslovnu ideju, mogućnost, zašto ne podržati kroz ovakve programe i ovakvu širinu programa i poslovne ideje gdje postoji neki poduzetnički kapital, kapacitet i da je to na kraju krajeva i provodivo. To je jedan primjer. Drugi primjer financiranja angažmana određenih mentora, stručnjaka iz oblasti, tehnologije, marketinga, financija. Vaučeri koji se mogu koristiti u okviru inkubacijskog perioda, a mentori se akredituju kroz javni poziv. To je isto jedan primjer. Treći primjer, poticaj za otkup, zakup i revitalizaciju poslovnog prostora. Mnogi mali privrednici ne mogu sebi priuštiti odgovarajući poslovni prostor, što ih limitira u

rastu. Ovim izmjenama zakona bi bili mogućnosti da ovakav jedan program sačinimo i da na taj način pomognemo našim poduzetnicima. Poticaj za razvoj vlastitih robnih marki industrijskog, industrijskog dizajna. Naime, većina malih proizvođača radi kao podizvođač, bez vidljivosti na tržištu. Može se obezbijediti grant za dizajn ambalaže, brendiranja, industrijskog dizajna, zaštitu intelektualne svojine. I korisnici ove mjere bi bili subjekti iz prerađivačke industrije, obrta, tekstila i hrane. I zadnji primjer o kojem razmišljamo nova mjera „afterkear“ Grand program sa ciljem pružanja Grand podrške već osnovanim pravnim licima sa stranim osnivačem za dodatna ulaganja u mašine, standarde, izvoznu opremu i druge potrebne troškove. Znači, to su par nekih primjera o kojem bi volio evo da i vi razmislite prilikom rasprave o ovom Nacrtu, a i da imate to u vidu ukoliko dođe do usvajanja ovog zakona. Sljedeća tačka koja je novina u ovom Nacrtu zakona je racionalizacija obaveza korisnika. Ja ne znam koliko ste upoznati, ali evo, pokušati ću vam približiti. I koliko dobije nekog grant sredstva putem programa raznih on ima trenutno u zakonskom okviru je propisano da ima rok od 6 mjeseci da ih namjenski utroši, namjenski utroši ta sredstva. Taj rok od 6 mjeseci zna često da bude kratak i da predstavlja našim korisnicima problem. Problemi, odnosno izazovi na tržištu se promijene, okolnost se promijene, postane sve to jedna velika komplikacija, a mi kao Ministarstvo privrede nemamo mogućnost izaći van okvira zakona koji kaže 6 mjeseci vam je rok i onda zaista gdje su objektivni razlozi ne možeš, vezane su ti ruke, moramo na taj način da postupimo. Mi sada ovdje predlažemo da to se poveća sa 6 na 12 mjeseci. Smatramo to opravdanim, objektivnim u cilju racionalizacije i racionalne upotrebe tih namjenskih sredstava. Preciznije definiranje uloga. Ovim nacrtom zakona će se definiše se, da jedina nadležnost prilikom kreiranja programa razvoja četverogodišnjeg i planova godišnjeg ima Vlada, Ministarstvo privrede Kantona Sarajeva, jedinica lokalne samouprave, znači svi oni koji zaista raspoložu finansijskim sredstvima u tom smislu, dok akademska zajednica, razvojne agencije i komore zadržavaju konzultativni savjetodavnu ulogu. I finansijski aspekt, zakon ne nameće dodatna opterećenja. Ostajemo u granicama onoga što je trenutno na snazi, tj. 0,5 do 2 % vrijednost budžeta u prethodnoj godini, dok jedinice lokalne samouprave samostalno odlučuju o alokaciji sredstava u skladu sa njihovim mogućnostima. Znači, ni tu ne stavljamo nikakvu obavezu i teret jedinicama lokalne samouprave i mislim da je to zadovoljavajuće i s njihovog aspekta. Mi smo u cilju sveobuhvatne pripreme. Za ovaj sam nacrt imali nekoliko konsultacija sa općinskim službama koji rade na provođenju ovoga i oni zaista i pozitivno gledaju na ovu situaciju i da se u cilju ujednačavanja određenih programskih mjera, programskih mjera, da se ne duplamo u određenim situacijama i stvarima, da se donese ovakav jedan zakon gdje će se znati prvo na jednom mjestu, da imamo koje programe, šta ko podržava, na koji način se to podržava, a s druge strane da se i prošire određeni propisi, odnosno određene norme koje će dati određenu slobodu i fleksibilnost u kreiranju novih poticajnih mjera u cilju razvoja i rasta. Evo, ovim izmjenama i dopunama stvara se efikasniji, inovativniji, transparentniji sistem za podršku razvoja male privrede.

I evo ja, ja vas još jednom sa ove pozornice zahvaljujem na svim ovim diskusijama koje ste imali danas povodom svih ovih zakona, zaista korektno, zaista profesionalno, odgovorno. Mislim da ste i vi zadovoljni sa Ministarstvom privrede u tom smislu šta vam je pripremio za danas, koje materijale, a u narednom periodu će toga biti još. Hvala vam puno.

### **Elvedin Okerić (predsjedavajući)**

Zahvaljujemo se uvaženom ministru Mijatoviću. Otvaram raspravu, zastupnik Davor Čičić se javio za riječ. Izvolite, imate riječ.

### **Davor Čičić (zastupnik)**

Zahvaljujem predsjedavajući. Pa evo i ovo je jedan iznimno bitan po meni Zakon i zahvaljujem se ministru što je, evo, i taj Zakon donio na dnevni red. Naravno, ovo je Nacrt i evo koliko vidim, javna rasprava će trajati 60 dana po pitanju ovoga Zakona o poticaju razvoja male privrede i sigurno će biti značajno da se svi subjekti, kako lokalne samouprave po općinama, koji isto tako izdvajaju određena sredstva za poticaj male privrede, tako i Ministarstvo i svi zainteresovani sudionici uključe u ovu javnu raspravu i da ju što više, da tako kažem, prijedloga kako ovo unaprijediti. Koliko sam shvatio ministra, većina ovih stvari koje se na neki način mijenjaju kroz ovaj Nacrt, dolaze iz iskustva rada u Ministarstvu, iskustva svega onoga što se dešavalo kroz poticaje iz prethodnih godina, koji opet moram reći da je Kanton Sarajevo u tom, u odnosu na ostale Kantone, napravio značajan iskorak u poticaju male privrede i da se sredstva koja se odvajaju kroz ovo Ministarstvo u Kantonu Sarajevo već zadnjih zadnjih nekoliko godina značajna. I u svakom slučaju pozitivno je to da su u Ministarstvu uvidjeli pozitivna i negativna iskustva na osnovu prethodnog zakona koji je bio i da s ovim novim zakonom pokušavaju unaprijediti sve ono što je po njima bilo teže provodivo, neprovedivo ili na neki način nije bilo dobro formulirano. Dosta toga je evo, ministar obrazložio, sve te stvari koje je obrazložio po meni su jako pozitivne i afirmativne i u svakom slučaju treba ići u tom smjeru. Treba se napraviti neka, da tako kažem, i zajednička strategija ulaganja u malu privredu, ne samo Kantona, nego da je on uvezan i sa jedinicama lokalne samouprave, jer dosta često smo svjedoci toga da ti programi na nivou Kantona ili na nivou općina nisu baš usklađeni, ne idu u istom smjeru, a ovim bi se to na neki način korigovalo i pravilo bi se četverogodišnji da tako četverogodišnji plan razvoja male privrede, što je u svakom slučaju pozitivno i da čitav Kanton ide, da tako kažem, u istom smjeru, jer kao što ste vidjeli, znalo se često dešavati da određeni subjekti na svim tim nivoima dobivaju određene poticaje za različite stvari, a u biti za različite javne pozive, u biti su dobivali poticaje za istu stvar, odnosno za isti, da tako kažem, aktivnost koju su se prijavljivali na različitim, da tako kažem, javnim pozivima, što u općinama, što u Kantonu, što u gradu i u svakom slučaju treba to na neki način sinkronizirati, na neki način objediniti i podržati tu malu privredu, možda u više programa, a ne da se oni konkurišu za isti program na različite, da tako kažem, nivoe vlasti. U svakom slučaju podrška. Smatramo da ovo ide u pravom smjeru i sigurno ima još dosta stvari koje ćemo i mi, eto, pokušati kroz javnu raspravu da evidentiramo i na neki način dostavimo kao naše prijedloge prema Ministarstvu i naravno, onome kada onome ko bude provodio javnu raspravu. Zahvaljujem.

### **Elvedin Okerić (predsjedavajući)**

Zahvaljujem se zastupniku Čičiću. Za riječ se javio zastupnik Rusmir Pobrić.

### **Rusmir Pobrić (zastupnik)**

Hvala predsjedavajući. Pa nakon 10 godina od donošenja Zakona i 9 godina njegove implementacije, mislim i da je vrijeme da se otvori jedna institucionalna diskusija o njegovoj primjeni. Istina i postojeći zakon je davao dobar okvir za izradu i prilagodbu programa podrške maloj privredi u određenim intervalima, pa smo mogli vidjeti na početku da je bilo i veći broj programa i nešto manje sredstava, kasnije se reducirao broj programa, čini mi se, u zadnjoj godini implementacije 2024. na 11 programa, ali je implementacija bila najbolja u smislu implementiranih sredstava. Ovaj zakon postojeći je osigurao da se u ovom desetogodišnjem ili devetogodišnjem periodu implementacije u malu privredu plasira gotovo 48 miliona maraka. Toliko je implementirano u 9 godina provedbe Zakona o poticaju razvoja male privrede u Kantonu Sarajevo. Često u diskusijama i opozicije ovdje u Skupštini Kantona čujemo gdje su sve sredstva otišla, milijarde su bile na raspolaganju, evo u nekoj od prethodnih tačaka, smo spominjali da je za utopljanje otišlo preko 25 miliona maraka, evo sada govorimo o gotovo

50 miliona maraka koji su implementirani za poticaje maloj privredi. Samo u posljednje 4 godine podržano je više od 1000 malih firmi. Dakle 1049 tačno subjekata male privrede, dakle mikro, malih i srednjih preduzeća. Također, ovaj poticaj maloj privredi i razvoj subjekata male privrede je pratio i rast broja zaposlenih u Kantonu Sarajevo. Ako pogledamo ovaj period, u 10 godina gotovo za 30 000 je povećan broj zaposlenih u Kantonu Sarajevo. Ne kažem da je to rezultat samo ovih poticaja. Tu je, naravno, najvažnija vitalnost i privredna aktivnost, ali zasigurno i poticaj maloj privredi i programi zapošljavanja koje Služba za zapošljavanje Kantona Sarajevo radila su dali doprinos u ovom smjeru da se stvara ambijent razvoja male privrede u Kantonu Sarajevo. Dvije su stvari po meni najznačajnije jel u ovom Nacrtu u predloženim izmjenama to je ta koordinacija sa jedinicama lokalne samouprave sa lokalnim nivoom koja će doprinijeti boljoj usklađenosti, ali i boljoj transparentnosti i boljoj promociji svih programa koje imamo na kantonalnom i lokalnom nivou. I druga stvar, a to je ova dodatna fleksibilnost Ministarstvu pri kreiranju programa, evo ministar je u uvodnom izlaganju spominjao i neke programe koji su isključivo namijenjeni populaciji mladih do 35 godina, da će se ostavljati mogućnost i u tim programima, da i oni koji ne spadaju u kategoriju mladih imaju dobre poslovne ideje, budu podržani. Ja bih tu samo jednu napomenu naveo da se zadrže postojeće prakse podrške mladim ljudima i da ne bismo u toj širini otvaranja, dakle te dobre granice i za stariju populaciju, da tako kažem, koja je konkurentnija i iskustvom i kapitalom, itd. uradili nešto nauštrb prilika i mogućnosti za mlade ljude. Tako da li precizirati zakonom ili ovaj kroz praksu ministarstvo, evo kako je ministar najavio da će se zadržati postojeći programi, ali o tome treba voditi računa. Jel ono što nije normirano, najčešće se na nekoj slaboj karici odrazi. To vidimo i prilikom usvajanja budžeta da, nekada, je li, prioriteti se drugačije raspoređuju. Podsjetit ću u ovom kontekstu, dakle, da je od 2019. do 2024. godine podržano 236 omladinskih firmi. Zanimljivo je, također, da je posljednja godina bila najbolja. Ja sam spomenuo iako se reducirao broj programa, implementacija je bila preko 11 miliona, a na početku implementacije ovog Zakona ti su iznosi bili 3 pa 2 000 000 itd. od 2021. i, čini mi se, imamo tek veći skok sredstava, ali rekordna je bila 2024. godina, dakle više od 11 miliona za više od 420 subjekata male privrede. I to bih želio uputiti za to čestitke ministru Mijatoviću i njegovim kolegama u Ministarstvu. Također, podržano je 270 firmi kroz programe podrške ženskom preduzetništvu. Dakle firme u vlasništvu ili većinskom vlasništvu žena. Dakle, kroz javnu raspravu evo ova je napomene s moje strane ili doprinos javnoj diskusiji, da kažem u kontekstu zaštite programa podrške razvoju preduzetništva mladih, da se na određen način probaju osigurati, da li kroz zakonske norme ili određeni podzakonski akt nakon provedene javne diskusije i kreiranja finalnog prijedloga koji vjerujem da će nam uskoro doći u skupštinske klupe.

### **Elvedin Okerić (predsjedavajući)**

Zahvaljujemo se zastupniku Pobriću. Za riječ se javio zastupnik Elvis Vreto.

### **Elvis Vreto (zastupnik)**

Hvala predsjedavajući. Pa evo kao i kod izmjena i dopuna Zakona o turizmu, i ovdje se radi zaista o jednom sistemskom pristupu, kako Ministarstva, tako i kompletne Vlade. Ono što je jako važno naglasiti da poticaj razvoju male privrede nije nikakav trošak. To je investicija koja se višestruko vraća godinama. Evo, to su statistički podaci pokazuju koje je iznio kolega Pobrić. Ono što želim da naglasim, drago mi je da je ministarstvo na ovaj način želi da obaveže na jedan način lokalne zajednice, da donose četverogodišnje planove i jednogodišnje planove za poticaj razvoja male privrede. I s druge strane, i drago mi je što nisu ušli i ispoštovali su u potpunosti i Zakon o principima lokalne samouprave gdje je lokalnim zajednicama ostavljena mogućnost i to pravo im ostaje da oni kreiraju programe, da definišu sredstva obzirom da

različite lokalne zajednice svakako imaju različite probleme i potrebe da podstiču određene djelatnosti na svom lokalitetu. Puna podrška svakako ovom Nacrtu zakona. Nadam se, također, da će kroz javnu raspravu on dobiti još dodatnih prijedloga koji će biti ugrađeni i poboljšani sam i ovaj Nacrt. Mislim da jedan podatak, kolega Pabrić je već to iznio, da u prošloj godini implementirano oko 11 000 000 za poticaj razvoja male privredi, iako je budžetom planirano nešto manje od 9 000 000 za ove svrhe. Želim zaista da čestitam i da pokušaju nastaviti u tom trendu i Ministarstvu i Vladi, koji su iznašli načini i preraspodijelili, preraspodijelili sredstva koja su bila neophodna da bi se implementacija ovog dijela izvršila u nikad većem nivou, u budžetu Kantona Sarajevo. Eto, toliko. Hvala predsjedavajući.

**Elvedin Okerić (predsjedavajući)**

Zahvaljujem se zastupniku Vreti. Zastupnicama Mersiha Mehmedagić se javila za riječ.

**Mersiha Mehmedagić (zastupnica)**

Hvala predsjedavajući. Pa ako se javnost pitala šta vlast radi da pomogne razvoju i njegovanju preduzetničke kulture u Kantona Sarajevo onda je Zakon o preduzetništvu i evo sad ove njegove izmjene pravi odgovor da vlast kontinuirano, predano i vrlo analitički radi na njegovanju preduzetničke kulture i zakoni koji izniknu kao rezultat samosvijesti i praćenja i analize i implementacije nečega na čemu već radite su zasigurno garant da ćete u narednom periodu biti još precizniji, još bolji i efikasniji. I brojke koje je iznio kolega Pabrić najbolje pokazuju da se ovim zakonom i ovim putem, kojim je krenula Vlada Kantona Sarajevo vraća vjera u preduzetničku kulturu naše nacije i to je nešto što trebamo da njegujemo kako bi naše i tržište rada bilo što bogatije i što manje ranjivo na neke veće tektonske poremećaje. Ono što je izuzetno važno jeste da nismo bogato društvo da rasipamo resurse i intencija ovog zakona, jedna od intencija ovog zakona jeste upravo i optimizacija resursa na način da se jasno zna šta, koji nivo vlasti podstiče, kao što će se jasno znati koliko ko podstiče lokalne zajednice shodno njihovim budžetskim mogućnostima, a Budžet Kantona Sarajevo od 0,5 do 2 % od vrijednosti godišnjeg budžeta što jeste jedna od najznačajnijih poruka možda ovog zakona da će oni koji se odluče i ohrabre krenuti putem preduzetništva malog preduzetništva, znači da kreiraju vlastita radna mjesta i radna mjesta za druge ljude, razvoj njihovih biznisa, da će imati sigurnu poticajnu liniju, da će imati mentorstvo, što je ključ opstanka malih biznisa i da će se te mjere prilagođavati kako se budu kretale i njihove potrebe i potrebe tržišta i kakvi uslovi na tržištu budu. Izuzetno je važno kada imamo 1 zakon koji garantuje fleksibilnost, kada to nije zakon koji vrebava onoga na koga se odnosi i kako će da pogriješi i da ne opravda sredstva, da ne može povući sredstva. Upravo ovom mjerom, da se prolongira korištenje sredstava sa šest na 12 mjeseci se i pokazuje ta namjera da Vlada zaista ta sredstva koja izdvoji želi da i plasira onako kako je i namjera ovog zakona, a to je da se osnaži poduzetnička kultura i da se kroz razvoj malih i srednjih biznisa razvija ta mala privreda, kao možda i jedan najstabilniji temelj zapošljivosti u Kantonu Sarajevo. U svakom slučaju, smatram da ćemo na ovaj način još više utvrditi povjerenje onih koji žele da krenu ovim putem poduzetništva, da će imati sigurnu podršku u Vladi Kantona Sarajevo i da će u svakom trenutku znati koliko sredstava mogu povući, na koga se mogu osloniti, u kojoj fazi svog poslovanja i da će njihovo poslovanje na taj način biti manje neizvjesno, uz se podrške od jedinice lokalne samouprave do na kraju državnog nivoa. Hvala.

**Elvedin Okerić (predsjedavajući)**

Zahvaljujem se zastupnici Mehmedagić. Nema više prijavljenih za raspravu. Zaključujem raspravu na ovoj tački dnevnog reda, prelazimo na tačku sedam.

#### **AD- 7.**

#### **Prijedlog Odluke o davanju saglasnosti za zaključivanje Ugovora o zasnivanju prava služnosti**

Ministar Mijatović se javio. Izvolite.

#### **Zlatko Mijatović (ministar)**

Hvala predsjedavajući. Iz tehničkih razloga, molim vas da povučemo ovu tačku pa ćemo na narednoj nekoj sjednici. Hvala.

#### **Elvedin Okerić (predsjedavajući)**

OK. Iz tehničkih razloga ova tačka se povlači.

Tačka osam.

#### **AD- 8.**

#### **Prijedlog Odluke o dopunama Odluke o preuzimanju prava osnivača Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“**

Materijal se dobili uz poziv za sjednicu. Zamolio bih predstavnika predlagача da kratko podnese uvodne napomene.

#### **Selma Karačević-Kapić (stručna savjetnica)**

Dobar dan, ja vas sve toplo pozdravljam. Moje ime je Selma Karačević-Kapić. Ja sam stručna savjetnica za konzervatorsko restauratorske radove u Kantonalnom zavodu za zaštitu kulturno-historijskog i prirodnog naslijeđa Sarajevo. Nažalost, direktor nije bio u prilici da nam se pridruži, na putu je, ali evo, ja ću ukratko da obrazložim o čemu se radi. Iz materijala koji ste dobili vidljiv je problem koji je započeo još 2022. godine sa donošenjem Uredbe o odnosima u građenju, kada je Kantonalni zavod izgubio, da kažemo pravo projektovanja na spomenicima koji nose status nacionalnog spomenika Bosne i Hercegovine. Od tog perioda do danas započeli smo niz nekih aktivnosti da povratimo tu licencu. Između ostalog smo, uz pomoć, naravno vašu, uposlili i inženjera građevine, da bi uz ispunili one uslove koje je ta Uredba ustvari ovaj i tražila, tako da evo jedan od dodatnih preduslova da bi mi mogli konačno raditi i projekte na nacionalnim spomenicima, a moram napomenuti da je sa proglašenjem HUK-a, odnosno historijskog urbanog krajolika Sarajevo, ogroman prostor Sarajeva u stvari izašao iz naše nadležnosti, a ne samo nadležnosti, već i mogućnosti izrade projekata obnove. Tako da evo i ovo jedan dodatni korak da izbjegnemo bilo kakva pogrešna tumačenja, ili nedovoljno tumačenja da se proširi ustvari djelatnost sa uslugama za arhitektonsko projektovanje, kao i stručni nadzor. Ukoliko imate još neka pitanja, ja ću vam rado odgovoriti, ali suština je ustvari da vratimo licencu za projektovanje na nacionalnim spomenicima Bosne i Hercegovine, na prostoru Kantona Sarajeva. Evo, toliko, hvala.

#### **Elvedin Okerić (predsjedavajući)**

Zahvaljujem se na uvodnim napomenama. Vi se možete vratiti na svoje mjesto.

#### **Selma Karačević-Kapić (stručna savjetnica)**

Hvala lijepa.

## **Elvedin Okerić (predsjedavajući)**

Otvaram raspravu po ovoj tački dnevnog reda, zastupnik Samir Avdić se javio za riječ. Izvolite.

## **Samir Avdić (zastupnik)**

Zahvaljujem se predsjedavajući, javljam se i u svojstvu zastupnika i u svojstvu predsjednika Komisije za kulturu i sport. Zahvaljujem se kolegici Selmi na ovim uvodnim riječima i njenoj diskusiji na samoj sjednici Komisije, na koju nas je i bliže upoznala sa suštinom ove odluke i razlozima za njeno donošenje. Kad već spominjem Komisiju za kulturu i sport kojom predsjedavam, mi smo nedavno i organizovali posjetu svim 13 javnih ustanova kulture u Kantonu Sarajevo i, između ostalog, Zavodu, gdje nam je direktor Zavoda činjenicu da su izgubili licencu u 2022. godine istakao kao najveći problem sa kojim se susreću i zamolio nas da u tom kontekstu i mi damo svoj doprinos da se taj problem riješi. Drugi problem, njihov veliki problem koji su imali jeste određena vrsta potkapacitiranosti u smislu da nakon odlaska kolege u penziju ili neki drugi razlog napuštanja ustanove ostali su bez građevinskog inženjera i bilo je jako teško naći novog zainteresovanog građevinskog inženjera koji će aplicirati i zaposliti se u Zavodu s obzirom na uslove rada koji u njemu, nažalost, bez obzira na sav naš trud i djelomično povećanje plata i poboljšanje uslova rada Zavoda, trebalo je nekog vremena dok se nije, dok konačno javni poziv i konkurs nije okončan uspješno, jer možemo reći da i taj problem je riješen. Dobili smo građevinskog inženjera u Zavodu i evo molim sve prisutne da podrže ovu odluku. Pa da i taj drugi tu drugu prepreku koja stoji pred Zavodom, a da opet vrati licencu koju je 2022. godine izgubila, da i tu prepreku, da kažem, preskočimo. Kao što je kolegica već upoznala javnost u svojoj uvodnoj riječi, problem je nastao usvajanjem, i stupanjem na snagu Uredbe u uređenju gradilišta, obaveznoj dokumentaciji na gradilištu i sudionicima po građenju, čime je onemogućeno Zavodu, našem Kantonalnom, a i drugim zavodima u drugim Kantonima, da radi i poslovi iz svoje nadležnosti i djelatnosti zbog kojih su ustvari osnovani svi ti zavodi, kao što im i sam naziv kaže, odnosno da baštini, da štiti naše kulturno naslijeđe, prije svega evo spomenike za koje su i kompetentni i kapacitirani da ih štite. Ponavljam, tu se desilo 2022. godine. Zna se ko je tada vodio federalnu Vladu, da ne politiziram dodatno u tom smislu, ali, eto, bilo bi dobro da oni koji su više zainteresovani za ovu temu da malo izguglaju i da vide ko je donio tu odluku i šta je ta odluka u stvari uzrokovala. Ona je uzrokovala da je Zavod na taj način izgubio licencu te smo dobili jednu situaciju u kojoj samo nekoliko specijaliziranih privatnih firmi mogu učestvovati na tržištu dok naš Zavod i ostali Kantonalni zavodi su bili onemogućeni da se takmiče na tržištu, odnosno da se takmiče, da rade projekte, da projektuju na nacionalnim spomenicima. Kao što je kolegica rekla, za nas je to posebno važno zbog proglašenja HUK-a i zbog specifičnije situacije u kojoj se nalaze opštine Centar i Stari Grad u kojemu imamo veliki broj svakako nacionalnih spomenika i spomenika koji su zaštićeni na Kantonalnom nivou, ali tom odlukom ustvari sve se to na određen način smatra nacionalnim spomenikom i sve intervencije iziskuju između ostalog i projektovanje koje, s druge strane, iziskuje ogromna finansijska sredstva koja nije bilo dobro da posljednjih godina se slijevaju u džepove privatnih firmi, uz dužno poštovanje njihovog doprinosa, kada mi imamo svoju budžetsku ustanovu za koju nam je bolje i korisnije njima i nama, i cijelom Kantonu, da što više tih poslova oni preuzimaju. Zbog toga još jednom molim kolege i kolegice da podrže ovu odluku i na taj način pomognemo rad našeg Zavoda za zaštitu kulturno-historijskog i prirodnog naslijeđa u Kantonu Sarajevo, a ja kao predsjednik Komisije ostajem na raspolaganju da rješavamo i neke druge probleme koji postoje u tom Zavodu. Zahvaljujem se.

### **Elvedin Okerić (predsjedavajući)**

Zahvaljujemo se zastupniku Avdiću. Nemamo više prijavljenih za raspravu, zaključujem raspravu.

Prelazimo na sljedeću tačku dnevnog reda. Tačka devet.

Premijer Nihad Uk se javio prije nego što pročitam tačku.

### **Nihad Uk (premijer)**

Predsjedavajući iz tehničkih razloga u ime resornog ministra, povlačim ovu tačku da se doradi, onda će biti spuštena u narednoj sjednici.

### **Elvedin Okerić (predsjedavajući)**

**Zahvaljujemo. Iz tehničkih razloga povlači se tačka 9.**

Prelazimo na tačku deset.

### **AD- 10.**

### **Prijedlog odluke o davanju saglasnosti na Program rada Zavoda zdravstvenog osiguranja Kantona Sarajevo za 2025. godinu**

Materijal sad dobili uz poziv za sjednicu. Zamolio bih predstavnika predlagača da kratko podnese uvodne napomene. Izvolite, imate riječ, predstavite nam se zbog stenograma.

### **Vildana Fazlibegović (pomoćnik direktora u ZZO KS)**

Poštovane zastupnice, poštovani zastupnici i ostali prisutni, ja sam Vildana Fazlibegović, pomoćnik direktora u Zavodu zdravstvenog osiguranja Kantona Sarajevo. Danas sam ovdje da kratko prezentujem. Program rada Zavoda za 2025 godinu program rada je sačinjen u skladu sa Odlukom o metodologiji izrade i donošenja programa rada izvještaja o radu Vlade, Kantona i Kantonalnih organa i aktivnosti koje su obuhvaćene ovim Programom rada su kontinuirane aktivnosti koje Zavod provodi u skladu sa svojim zakonskim nadležnostima i prije svega su usmjerene na osiguranje dostupne, efikasnije sveobuhvatne zdravstvene zaštite našim osiguranicima kroz procese ugovaranja, financiranja i kontrole pruženih zdravstvenih usluga, obezbjeđenja lijekova, medicinskih sredstava, posebnih programa i svih drugih prava naših osiguranika. Zavod kontinuirano radi na osiguranju što većeg obima zdravstvenih prava. Nastavit ćemo aktivnosti na proaktivnoj transparentnosti poslovnih procesa, daljnjem razvoju financijskog upravljanja i kontrole, održavanju postignutog sistema kvaliteta i u suštini radi se, znači, o aktivnostima za koje su sredstva već obezbijeđena u usvojenom Financijskom planu za 2025 godinu, tako da su sve ove aktivnosti već poprilično uveliko u toku. Tako da, ako ima potrebe za nekim dodatnim pojašnjenjima ili pitanjima stojim na raspolaganju.

### **Elvedin Okerić (predsjedavajući)**

Zahvaljujemo se na uvodnim napomenom. Vi se možete vratiti na svoje mjesto. Otvaram raspravu po ovoj tački dnevnog reda. S obzirom da nema prijavljenih, zaključujem raspravu.

I prelazimo na tačku jedanaest.

S obzirom da pojedini predlagači, uvodničari tačaka koje su najavljene, odnosno koji su sad koje nam predstoji, nisu svi došli, pa evo, sačekat ćemo ministra i uvodničare nekih 5 minuta, pa pauza 5 minuta, dok svi ne dođu.

**NASTAVAK NAKON PAUZE**



### **Elvedin Okerić (predsjedavajući)**

Nastavljamo dalje sa sjednicom Skupštine Kantona Sarajevo. Trenutno smo na tački jedanaest. Na tački jedanaest je zaključena rasprava prelazimo na tačku dvanaest.

### **AD-12.**

#### **Prijedlozi odluka o davanju saglasnosti na programe rada i finansijske planovi javnih ustanova iz oblasti zdravstva za 2025. godinu.**

Zamoliti ću onako kako vas budem prozivao da izlazite i ukratko podnosite uvodne napomene. Ukoliko neko od vaših kolega ne bude došao, prozvat ćemo narednog, pa kada oni dođu, imat će priliku da kratko podnesu uvodne napomene.

a) Prijedlog Odluke o davanju saglasnosti na Program rada i finansijski plan Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu za 2025. godinu

Zamolio bih vas da svi koji izađete predstavite se zbog stenograma, da vam to pojedinačno ne govorim. Hvala vam.

### **Lana Bijedić (v.d. direktorica JU Zavod za zaštitu studenata UNSA)**

Pozdravljam predsjedavajućeg, cijenjene kolege i kolegice, uvažene zastupnice i zastupnike i poštovanog ministra. Ja sam doktor sa Lana Bijedić, specijalista dentalne patologije, endodoncije i na funkciji v.d. direktora Zavoda za zdravstvenu zaštitu studenata. Na samom početku, prije izlaganja, želim da se zahvalim cijenjenom ministru na nedavno potpisanom Kolektivnom ugovoru i uvećanju satnice 10 % za sve radnike u zdravstvu. Što se tiče Zavoda za zdravstvenu zaštitu studenata, kao i prethodne godine, i ove godine planirali smo povećan broj preventivnih pregleda za studente prilikom upisa na fakultet, kao i studente prilikom upisa u studentske domove. Na početku 2025. godine u Zavodu je bilo zaposleno 39 uposlenika, 36 uposlenika je bilo sa statusom na neodređeno vrijeme. Zbog manjka kadra u 2025. godini planirali smo raspisivanje javnog oglasa za zapošljavanje 2 doktora medicine, 2 medicinske sestre, kao i specijaliste medicine rada i specijaliste neuropsihijatrije. Broj planiranih aktivnih kartona za predstojeću godinu u 2025. iznosit će 31.627, dok je broj posjeta za ovu godinu predviđen 29 665. U 2025. godini u segmentu primarne zdravstvene zaštite planiramo maksimalno korištenje ultrazvučne dijagnostike u svrhu prevencije oboljenja i unaprjeđenju zdravlja naših korisnika. Ultrazvučni pregled je neophodna dijagnostička metoda, a naročito imajući u obzir da je neinvazivna, nije štetna i dosta je komforna. U ovoj godini planirali smo povećati aktivnosti u smislu održavanja predavanja, savjetovanja za studente, bilo da su isti u dogovoru sa dekanima ili menadžmentom studentskih domova da se održavaju ili u prostorima fakulteta, studentskih domova ili u našem centralnom objektu, kako bi studenti bili upoznati sa što kvalitetnijim, odnosno bili informisani o uslugama koje Zavod pruža. Što se tiče planiranih sredstava za nabavku opreme koje je ključna za naše funkcionisanje, a gdje bi izvor finansijskih sredstava bio naša vlastita sredstva za ovu godinu, to je predviđeno u iznosu od 59.157, a izvor financija, gdje bi bile donacije za ovu godinu, planirano je 40.000. Prihodi koji bi odgovarali rashodima za ovu godinu iznosili bi 2.438.150, od toga iz obaveznog zdravstvenog osiguranja 2.114.000, a izvan obaveznog zdravstvenog osiguranja 324.150. Toliko od mene.

### **Elvedin Okerić (predsjedavajući)**

Hvala. Možete vratiti na svoje mjesto. Pauzu smo bili napravili na tački 10. Prijedlog odluke o davanju saglasnosti na program rada Zavoda za zdravstvenog osiguranja Kantona Sarajevo. Ova Tačka je završena, zaključena je rasprava.

Naredna tačka Prijedlog odluke tačka jedanaest.

#### **AD-11.**

### **Prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove Psihijatrijska bolnica Kantona Sarajevo**

Zamolio bih vas da izađete, podnesete kratko uvodne napomene i predstavite nam se zbog stenograma, a onda ćemo nastaviti sa prijedlozima odluka u davanju saglasnosti na programe rada finansijskih planova javnih ustanova iz oblasti zdravstva za 2025. godinu. Izvolite.

#### **dr. Inga Lokmić-Pekić (direktor JU Psihijatrijska bolnica)**

Hvala. Poštovani predsjedavajući, dopredsjedavajući, ministre, zastupnice i zastupnici, gledatelji, drage kolege, srdačno vas pozdravljam. Moje ime je Inga Lokmić-Pekić. Ja sam direktorica Javne ustanove Psihijatrijska bolnica Kantona Sarajevo. Ispred Javne ustanove Psihijatrijska bolnica Kantona Sarajevo i Upravnog odbora istoimene ustanove podnesena je inicijativa prema Ministarstvu zdravstva Kantona Sarajevo i osnivaču za donošenje izmjene i dopune Odluke o preuzimanju prava i obaveze osnivača i usklađivanju organizacije i poslovanja Javne ustanove Psihijatrijska bolnica Kantona Sarajevo. Ja ću ukratko. Izmjene se odnose na djelatnost u dosadašnjem Statutu koje su definisane po tačkama e) i f). Pod tačkom e) ranije definisana tačka e) u okviru djelatnosti jedinica za laboratorijsku, radiološku i drugu dijagnostiku postala bi specijalističko dijagnostički odjel. Napominjemo da u Javnoj ustanovi Psihijatrijska bolnica Kantona Sarajevo ispunjavamo uslove za specijalističku ordinaciju interne medicine, a pod tačkom f) podnesenom inicijativom tražimo izmjenu naziva Jedinica za snadbijevanje lijekovima u Organizacionu jedinicu apoteka, što je u skladu sa odredbama Pravilnika o ispunjavanju uvjeta, prostora, opreme i kadra. U odnosu na do sada precizirani sastav u okviru djelatnosti odjeljenje bi se trebalo zvati odjel. Također je podnesena inicijativa da se u okviru djelatnosti bolnice potrebno je dodati dnevnu bolnicu za postraumatski stresni poremećaj, kao i druge poremećaje uzrokovane traumom i stresom, o čemu je već i dostavljen prijedlog plana Ministarstvu i koje smo ranije dostavili Zavodu zdravstvenog osiguranja. Ova inicijativa je podnesena u cilju ostvarivanja misija i vizije Javne ustanove Psihijatrijska bolnica Kantona Sarajevo, koja teži ka poboljšanju pružanja usluga u okviru utvrđene djelatnosti i nastavka tranzicije u savremenu psihijatrijsku ustanovu. Hvala.

#### **Elvedin Okerić (predsjedavajući)**

Zahvaljujemo se uvaženoj direktorici, možete se vratiti na svoje mjesto. Otvaram raspravu. S obzirom da nema prijavljenih, zaključujem raspravu na ovoj tački dnevnog reda i prelazimo na tačku dvanaest.

#### **AD-12.**

### **Prijedlozi odluka o davanju saglasnosti na programe rada i finansijske planove javnih ustanova iz oblasti zdravstva za 2025. godinu.**

Imamo li predsjednika Zavoda za medicinu rada?

b)

Prijedlog Odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2025. godinu

Predstavite nam se zbog stenograma.

## **Senada Hodžić (pomoćnik direktora JU Zavod za medicinu rada)**

Pozdravljam sve prisutne i gledaoce. Ja sam Senada Hodžić i dolazim iz Zavoda za medicinu rada Kantona Sarajevo i po ovlaštenju prim. dr. Samira Čovrka, specijaliste i interne medicine koji je direktor te ustanove. Zavod za medicinu rada Kantona Sarajevo je dostavio je Ministarstvu zdravstva Kantona Sarajevo Program rada i finansijski plan za 25 godinu, u skladu sa Odlukom o metodologiji izrade godišnjih programa rada sa finansijskim planom. Također je dostavljena odluka Upravnog odbora o usvajanju Programa rada i finansijskog plana za 25 godinu, Odluka Upravnog odbora o usvajanju plana kadrova za 25 godinu, kao i mišljenje Zavoda za zdravstvenog osiguranja Kantona Sarajevo. U Programu rada dat je prikaz djelatnosti, organizacione i upravljačke strukture ustanove, prostora, opreme i planiranih ljudskih resursa te Finansijski plan poslovanja za 25. godinu. Zavod za medicinu rada Kantona Sarajevo je javna zdravstvena ustanova koja obavlja zdravstvenu djelatnost za područje Kantona Sarajevo. Poslovi zadaci Zavoda obavljaju se unutar dva osnovna organizaciona segmenta medicinski poslovi i nemedicinski poslovi. Medicinski poslovi je osnovna djelatnost i grupisani su u 3 radne jedinice; Centar za profesionalne bolesti i preventivne preglede radnika, Ljekarske komisije za ocjenu privremene spriječenosti za rad i Služba medicine rada primarnog nivoa. Nemedicinski poslovi su potpora medicinskoj djelatnosti i grupisani su u 2 radne jedinice, odnosno službe, Služba pravnih, kadrovskih i općih poslova i Služba ekonomsko finansijskih poslova. Što se tiče prostora i prostornih kapaciteta ove ustanove, mogu reći da se nalaze na 4 lokacije na području Kantona Sarajevo, unutar objekta Doma zdravlja Novi Grad, Ilidža, Centar i Vogošća i ukupne površine su 1.755 m<sup>2</sup>. Ostali prostor Zavod koristi na više lokacija u sastavu privrednih društava gdje postoji ordinacija medicine rada za poslove specifične zdravstvene zaštite. Što se tiče planiranih intervencija unutar postojećih prostora, možemo reći da je planirana i već je početo da se radi adaptacija podnih površina koja je značajno će unaprijediti ovaj taj prostor za naše pacijente i ona se planira u centralnom objektu medicine rada u Domu zdravlja u Novom Gradu. Ova zdravstvena ustanova vodi politiku racionalnog pristupa zapošljavanja novog kadra i ukupan broj zaposlenih 2025. godine je 115 radnika, od čega je bilo 107 na neodređeno i određeno 8 zaposlenih. Planirana su nova zapošljavanja, ukupno 13 uposlenika, naravno, uz prethodnu saglasnost Ministarstva zdravstva Kantona Sarajevo i priznatog kadra od strane Zavoda zdravstvenog osiguranja Kantona Sarajevo. Centar za profesionalne bolesti i preventivne preglede planira upošljavanje 5 novih uposlenika, ostalih 8 su na drugim mjestima. Zavod nastoji održati kontinuitet edukacije doktora medicine kroz različite oblike stručnog usavršavanja, uključujući specijalizacije iz djelatnosti Zavoda. Planirana sredstva za '25 godinu su 35 000 maraka za ta usavršavanja. Planirane djelatnosti Zavoda u '25 godini mogu reći da je planiran broj kartona 99 000. Planirani broj posjeta u '25. godini ukupno je 435 000 na nivou Zavoda. Planirani broj zahtjeva ultrazvučnih pregleda za 25 godinu 3700, radioloških pregleda 5500, fizioterapeutske tretmani 35 000 i drugih dijagnostičkih procedura 14.500. Planirani broj posjeta u '25. godini iznosi 70 000. Saradnja sa drugim zdravstvenim ustanovama čini osnovu za kvalitetan, kontinuiran i transparentan rad, te će Zavod nastojati tu saradnju nastaviti i proširiti. Značajno bi bilo istaći 3 projekta i programa koji Zavod radi i planira nastaviti u '25 godini. A tu je prvo je rana detekcija infekcije virusom Hepatitisa B i C, zdravstvenih i nezdravstvenih radnika Kantona Sarajevo putem periodičnih pregleda, a finansiran je od strane Zavoda zdravstvenog osiguranja Kantona Sarajevo u iznosu od 30 000. Ovaj projekat traje u kontinuitetu 2005 godine i nastavlja se, naravno, i u ovoj godini. Drugo Ministarstvo zdravstva je odobrilo Zavodu za medicinu rada Kantona Sarajevo rad Centra za kontrolu trovanja. Djelatnost Centra za kontrolu trovanja je davanje informacija telefonom o toksičnim efektima, dijagnostičkim i terapijskim postupcima za prijavljene slučajeve trovanja hemijskim materijalima, lijekovima, biljnim i životinjskim otrovima, kao i njihovo praćenje, evidentiranje, kontrola i izvještavanje. Za rad Centra potrebna je licenca koja se svake godine obnavlja. Treći projekat koji Zavod radi i

nastavit će raditi u 25. godini je taj što Zavod ima dozvolu za periodične preglede ispitivanje fizičkih, hemijskih i bioloških štetnosti mikroklima na radnim i pomoćnim prostorima, odnosno prostorijama, procjena rizika na radnom mjestu i mjestima rada u radnoj okolini. Što se tiče Financijskog plana, Zavod ima uravnotežene planirane prihode i rashode za 2025 godinu, sa procjenama za '26 i '27. godinu, ukupan prihod u '25 godini i rashod planiran je u iznosu od 7.205.000 konvertibilnih maraka, što iznosi 5 % u odnosu na otvorene prihode '24 godine, kao također nekih cirka 5 % u odnosu na rashode iz prethodne godine. Prihodi iz obaveznog zdravstvenog osiguranja planirani su u iznosu od 5 845 000, što je za 9 % više u odnosu na ostvarenje istih u '24. godini. Ukupni rashodi znači 7.205.000 i oni su uravnoteženi kao što sam rekla. Troškovi bruto plaća i naknada planirani su u iznosu od 6.014.550 maraka i oni su nekih 83 % ukupnih rashoda Zavoda. Materijalni troškovi su planirani u iznosu 865.450, što je nekih 12 % ukupnih rashoda, kao i značajni troškovi amortizacije u iznosu od 325.000, a to je 5 % od ukupnih rashoda. Ukupna kapitalna ulaganju u '25. godini planirana su u iznosu 186.615 i planirano je da će se financirati iz vlastitih sredstava ustanove. To bilo to. Hvala vam.

### **Elvedin Okerić (predsjedavajući)**

Zahvaljujem se. Možete se vratiti na svoje mjesto.

c) Prijedlog Odluke o davanju saglasnosti na Program rada i finansijski plan Javne ustanove „Apoteke Sarajevo“ za 2025. godinu

Imamo li uvodničara? Ima, izvolite, imate riječ.

### **Lejla Hodžić (predstavica JU Apoteke Sarajevo)**

Dobar dan. Ja bih iskoristila priliku prvo da pozdravim predsjedavajućeg, dopredsjedavajuće, uvaženog ministra zdravstva, skupštinske zastupnike i sve građane Kantona Sarajevo. Ja sam Lejla Hodžić, mag. pharm. rukovodilac Sektora sa farmaciju i čast mi je danas predstaviti ključne značajke Programa rada Javne ustanove Apoteke Sarajevo za 2025. godinu. Plan rada i Financijski plan Javne ustanove Apoteke Sarajevo urađen je u skladu sa Odlukom o metodologiji izrade godišnjih programa rada sa finansijskim planom i u narednim minutama predstaviti ću vam glavne ciljeve, prioritete i aktivnosti koje planiramo provesti u 2025. godini, a koje su usmjerene prije svega na unapređenje kvaliteta pružanja naših usluga građanima Kantona Sarajevo i ekonomskom osnaživanju ustanove obzirom da je Javna ustanova Apoteke Sarajevo jedina zdravstvena samofinansirajuća, jedina samofinansirajuća zdravstvena ustanova. Kao što ste upoznati, Javna ustanova Apoteke Sarajevo, kao najveća apotekarska ustanova na području Kantona Sarajevo, svoju djelatnost obavlja kroz prodajnu mrežu koju čine 47 apoteka ogranaka i depoa, od čega 40 na području Kantona Sarajevo i 7 na Zeničko-dobojskom Kantonu. Pored 47 poslovnih prostora, apoteka, ogranaka i depoa, Javna ustanova Apoteke Sarajevo za svoj rad koristi još poslovne prostore koje se koristi za rad naših službi, stručnih službi, direkcije, odjela za nabavku i našeg galenskog laboratorija Galas. U toku 2025. godine planirana je adaptacija našeg poslovnog prostora koji se nalazi na adresi Bistrik Medresa. Sve to u cilju unapređenja organizacije rada i efikasnog poslovanja ustanove. Obzirom na finansijski impakt kojim je izložena Javna ustanova Apoteke Sarajevo kroz implementaciju Kolektivnog ugovora primarno je u ustanovi održavanje finansijske stabilnosti i poštivanje svih odredbi Kolektivnog ugovora, nakon čega je tek moguće značajnije ulaganje u poslovne jedinice stoga, s obzirom da u navedeni prostor već duži vremenski period nisu izvršena ulaganja Javna ustanova Apoteke Sarajevo adaptaciju ovog prostora planira vršiti kroz nekoliko planskih godina, sa jasno utvrđenim poslovnim planom koji će podrazumijevati realnu razvojnu viziju. Također, generalno gledajući, opšte stanje i naših poslovnih jedinica je na granici zadovoljavajućeg, kako je od adaptacije pojedinih apoteka, naročito onih koji se nalaze i na rubnim područjima Kantona Sarajevo, prošlo više od dvadesetak godina, ukazuje

se potreba za adaptacijom i ovih apoteka pošto, kao što sam već i rekla, pošto Javna ustanova Apoteke Sarajevo čini 47 poslovnih jedinica, saniranje i adaptacija ovaj nije moguća bez velikih finansijskih troškova, tako da navedena problematika planira se prevazići strateškim planiranjem te sukcesivnim adaptacijama, a uz sve u skladu sa finansijskim mogućnostima i utvrđenim prioritetima. Opredjeljenje Javne ustanove Apoteke Sarajevo i adekvatno upravljanje ljudskim resursima te, shodno navedenom, kako bi se svi postavljeni planovi realizirali i kako bi se nastavilo sa sprovođenjem adekvatne kadrovske politike koja se sastoji od raspoređivanja i optimalnog upošljavanja radnika Javna ustanova Apoteke Sarajevo u '25. godini planira uposliti novije radnike i to 33 magistra farmacije, 20 farmaceutskih tehničara, 10 spremačica i 3 nezdravstvena kadra više stručne spreme. Posebno Javna ustanova Apoteke Sarajevo njen osnovni prioritet i ono na čemu ćemo najviše raditi u toku '25. godine u cilju unapređenja rada ustanove te zadovoljavanja potreba i zadovoljstva korisnika naših usluga kroz kontinuirano unaprjeđenje kvalitete pružanja naših usluga građanima Kantona Sarajevo u planu je, fokus je stavljen na razvoj novih usluga, širenje portfolija, unaprjeđenje sistema kvalitete, veće učešće ustanove u preventivnim programima, savjetovanjima o zdravlju, te racionalnoj farmakoterapiji. Ponavljam, Javna ustanova Apoteke Sarajevo je samofinancirajuća, vanbudžetska ustanova te je naš i cilj ekonomsko osnaživanje ustanove što planiramo u toku '25. godine i preuzimanje većeg učešća na tržištu recepata, kao i komercijalnog segmenta poslovanja ustanove, nastavku razvoja kvaliteta, promociji i povećanju prometa naših vlastitih Galas proizvoda uvođenjem novih usluga za pacijente kroz savjetovanja o aktualnim farmaceutskim temama. Također, u '25. godini nastavlja se dalji razvoj ustanove, uz uspostavljanje adekvatnog sistema upravljanja kvalitetom, novih uvođenja novih i poštivanja starih standard AKAZ-a, implementacije sistema prikupljanja i zbrinjavanja farmaceutskog otpada koji je nastao u Javnoj ustanovi Apoteke Sarajevo, kao i prikupljanje farmaceutskog otpada od strane građana. Evo, ja ponovo, možda ću se, ponavljam se, prioritet Odjela nabavke je da sve svoje aktivnosti usmjeri na optimizaciju poslovnih procesa, uz realiziranje optimalne snabdijevnosti Javne ustanove Apoteke Sarajevo. Obzirom da smo jedina samofinansirajuća zdravstvena ustanova u Kantonu Sarajevo, koja svoja finansijska sredstva ostvaruje isključivo iz vlastitog poslovanja, obzirom na finansijski impakt kojim smo izloženi, fokus u planskom periodu bit će usmjeren i na ostvarivanju maksimalnih boniteta kroz ugovornu saradnju sa našim poslovnim partnerima. Što se tiče u Finansijskom planu Javne ustanove Apoteke Sarajevo za 2025. godinu, sa procjenama za '26. i '27. godinu, prikazani su ukupni prihodi i rashodi koji su uravnoteženi. Ukupni prihodi u '25. godini planirani su ukupnom iznosu od 110.669.927 i veći su za 34 % u odnosu na ostvarenje u 2024. u godini. Najveći dio prihoda odnosi se na prihode iz obaveznog zdravstvenog osiguranja koji su planirani u iznosu 56.442.842 konvertibilne marke. Pored ovaj, ovi prihodi su u odnosu na ostvarenje u prethodnoj godini povećani. Najznačajnije povećanje ovih prihoda odnosi se na planirana sredstva za specijalne programe. Prihodi od ostalih Zavoda zdravstvenog osiguranja planirani su u iznosu 3.113.268 KM, a prihodi na osnovu participacije osiguranih lica u iznosu 1.421.210 KM. Prihodi izvan obaveznog zdravstvenog osiguranja iznose planirani su u iznosu 54.227.000 i veći su za 8 % u odnosu na ostvarenje istih u '24. godini i čine 51 % ukupnih prihoda. Prihodi izvan obaveznog zdravstvenog osiguranja planiraju se prvenstveno ostvariti od direktnog plaćanja pravnih i fizičkih lica u iznosu od 45.510.962 konvertibilne marke i ostalih prihoda u iznosu 8.716.153 konvertibilne marke. Ukupni rashodi koji su planirani planirani su u ukupnom iznosu u kolikom su planirani prihodi i veći su za 35 % u odnosu na izvršenje rashoda u '24. godini. Najveći troškovi odnose se na vrijednost planirane nabavke lijekova. Ostali troškovi odnose se na troškove bruto plaća i naknada, koji čine 21% ukupnih rashoda, a najveća ukupna investiciona ulaganja u '25. godini planirana su u iznosu od 574.907 i u cjelokupnom iznosu planiraju se izdvojiti za nabavku opreme koja je neophodna za rad apoteka i našeg galenskog

laboratorija Galas i za ostale službe. I navedena ulaganja će se financirati isključivo iz vlastitih sredstava. Hvala.

**Elvedin Okerić (predsjedavajući)**

Zahvaljujemo se predstavnicima Apoteka Sarajevo na navodnim napomenama.

Zamolio bih da nam ponove uvedne napomene Prijedlog Odluke o davanju saglasnosti na Program rada i finansijski plan Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu za 2025. godinu. Izvolite, imate riječ.

**Lana Bijedić (v.d. direktorica JU Zavod za zaštitu studenata UNSA)**

Pozdravljam predsjedavajućeg, cijenjene kolege i kolegice, poštovane zastupnike i zastupnice i uvaženog ministra. Ja sam dr. Lana Bijedić, specijalista dentalne patologije endodoncije i na funkciji vršioca dužnosti Zavoda za zdravstvenu zaštitu studenata. Zavod za zdravstvenu zaštitu studenata kao i prethodne godine, tako i ove planira povećan broj preventivnih pregleda studenata prilikom upisa na fakultet, tako i prilikom smještaja u studentske domove, kao i sistematske preglede univerziteta, profesora univerziteta i ostalog osoblja drugih obrazovnih institucija. Na početku 2025. godine broj zaposlenika iznosio 39. Od toga je 36 uposlenika bilo sa statusom na neodređeno vrijeme. Zbog manjka kadra, a povećanog obima posla, u 2025. godini planirali smo raspisivanje javnog konkursa za 2 doktora medicine i 2 medicinske sestre, specijalistu medicine rada i specijalistu neuropsihijatra. Broj aktivnih planiranih kartona za 2025. godinu planiran je 31 627, dok je broj posjeta za 2025. godinu planiran 29 665. U 2025. godini u segmentu primarne zdravstvene zaštite planira se maksimalno korištenje već aktivne ultrazvučne dijagnostike u svrhu prevencije oboljenja i unapređenje zdravlja, ultrazvučni pregled je neophodna dijagnostička metoda, a naročito imajući u vidu da je neinvazivna, nije štetna i dosta je komforna. Planiran je nastavak aktivnosti u smislu održavanja predavanja, savjetovanja za studente, bilo da su isti u dogovoru sa dekanima ili menadžmentima studentskih centara i predstavnicima studenata koji će se organizovati u prostorima fakulteta, studentskih domova ili u našem centralnom objektu Zavoda sa ciljem što kvalitetnije informisanosti studenata o radu našeg Zavoda. Planirana ključna medicinska oprema za dijagnostiku za 2025. godinu, gdje bi izvor finansijskih sredstava bio naša vlastita sredstva, iznositi će 59.150 konvertibilnih maraka, dok planirana sredstva gdje bi izvor finansijskih sredstava bile donacije za ovu godinu planiran je u iznosu od 40 000. Ukupni prihodi za 2025. godinu planirani su iznos od 2.438.150 konvertibilnih maraka, od toga iz obaveznog zdravstvenog osiguranja 2.114.000, dok izvan obaveznog zdravstvenog osiguranja 32.150. Hvala.

**Elvedin Okerić (predsjedavajući)**

Hvala lijepo. Možete se vratiti na svoje mjesto.

d)

Prijedlog Odluke o davanju saglasnosti na Plan i Program rada sa finansijskim planom Javne ustanove Zavod za zdravstvenu zaštitu žena i materinstva Kantona Sarajevo za 2025. godinu.

**Vanesa Dujso Radaslić (direktorica JU Zavod za zaštitu žena i materinstva KS)**

Dobar dan. Prije svega da pozdravim predsjedavajuće, dopredsjedavajuće, uvaženog ministra, sve zastupnice i zastupnike, kolege i sve koji nas prate na malim ekranima. Ja sam doktorica Vanesa Dujso-Radaslić, direktorica Zavoda za zdravstvenu zaštitu žena i materinstva. Vi ste svi dobili materijale, tako da ću ja ukratko predstaviti naš Plan i program za 2025. godinu. Djelatnost Zavoda je zaštita reproduktivnog zdravlja žena i materinstva na primarnom nivou zdravstvene zaštite i specijalističko konsultativna dijagnostika. Zavod je organizovan tako da

radimo na 8 lokaliteta kako bi zdravstvena zaštita bila dostupna svim ženama u Kantonu Sarajevo. Djelatnost se obavlja na lokalitetima u okviru osnovnih službi, a u okviru službi Zavoda obrazuju se unutrašnje organizacione jedinice, savjetovaništa, odjeljenje, službe i ordinacije. Što se tiče ljudskih resursa, planiranje kadrova i u potpunoj korelaciji sa Ministarstvom zdravstva i Zavodom zdravstvenog osiguranja koje odobrava prijem novog kadra ili popunu ranije odobrenih radnih mjesta. Od naprijed navedenog broja u toku '24. godine završili smo sa 108 zdravstvenih radnika i 24 nezdravstvena radnika, u sistematizovano je ukupno 159 radnih mjesta, od čega 130 zdravstvenih radnika i 29 nezdravstvenih. Dakle u '25. godini planiran je prijem ukupno 21 zdravstvenog radnika. Trenutno na specijalizaciji iz ginekologije i opstetricije imamo 6 doktora medicine, a u 2025. godini 4 ljekara završavaju specijalizaciju, počinju raditi kao specijalisti ginekologije i akušerstva. Planirana je realizacija i u toku ove godine je izvršena 5 novih specijalizacija iz ginekologije i opstetricije, 2 specijalizacije iz patologije, te 2 subspecijalizacije. Sve to odobreno je u saradnji sa Kantonalnim i Federalnim ministarstvom zdravstva. Što se tiče edukacija, planirana je kontinuirana i programska edukacija, kako za zdravstvene tako i nezdravstvene kadrove i sem toga Javna ustanova Zavod za zdravstvenu zaštitu žena i materinstva kontinuirano pruža stručnu edukaciju mladim kadrovima, što će se nastaviti planirano i u 2025. godini. U 2024. godini završili smo sa velikim brojem pregleda i bilo ih je 243.848. Ta praksa planira se nastaviti u '25. godini. Ovdje moram naglasiti da što se tiče pregleda, svi se obavljaju u kratkom roku do 90 dana, znači mi u našem Zavodu nemamo liste čekanja. Također, ulažemo veliki značaj u edukaciju kadra, ali ne planiramo samo razvijanje broja i rast broja pregleda, već svakako radimo i na kvalitetu zdravstvenih usluga, šaljemmo naše uposlene na edukacije, također radimo na obnavljanju i nove opreme i uslova obezbeđenja boljih uslova rada, sve u skladu sa savremenom medicinskom praksom, a u cilju što boljeg pružanja usluga našim pacijenticama. Inače u saradnji sa Ministarstvom zdravstva Kantona Sarajevo te Zavodom za zdravstveno osiguranje Kantona Sarajevo planirano je u '25 godini nastaviti i programe za unapređenje zdravlja i prevenciju bolesti na području Kantona Sarajevo. I to se odnosi na preventivni screening program za rano otkrivanje karcinoma grlića materice i preventivni screening program za rano otkrivanje karcinoma dojke, a što je sve isto planirano u Financijskom planu Zavoda zdravstvenog osiguranja Kantona Sarajevo. Također, Zavod za zdravstvenu zaštitu žena i materinstva učestvuje u brojnim projektima i u humanitarnim aktivnostima, što mislimo i nastavljamo i u 2025. godini. Zavod, također, po sadržaju svojih poslova ima stalnu saradnju i sa Ministarstvom zdravstva Kantona Sarajevo, Zavodom zdravstvenog osiguranja i svim ustanovama, zdravstvenim ustanovama i na primarnom, sekundarnom i tercijarnom nivou, što se također planira i u '25. godini. Osnov za izradu Financijskog plana naše ustanove je u okviru izrade plana u okviru izrade plana i poslovanja za 25. godinu čini Financijski plan zdravstvenog osiguranja za '25. godinu, kao i Plan kapitalnih investicija Kantona Sarajevo. Planirana finansijska sredstva od Zavoda zdravstvenog osiguranja za '25. godinu iznose 7 miliona i 792 000 konvertibilnih maraka, dok planirani ukupni prihodi ustanove iznose 8 343 000 konvertibilne marke. Planirana sredstva od ZZO za '25. godinu veća su za 22 % u odnosu na '24. Razlog je primarno povećanje satnice rada u zdravstvu i prijem novih specijalizanata, kao i prijem mladih ljekara specijalista koji su završili specijalizaciju. Od ove godine znači '25. godine. Zavod se financira sa 98 % od strane Zavoda zdravstvenog osiguranja Kantona Sarajevo, a ukupno potrebna planirana sredstva za poslovanje, stičemo radom na tržištu zdravstvenih usluga. Prioritet svakako po činjenici da smo javna zdravstvena ustanova je pružanje usluga osiguranicama Kantona Sarajevo na primarnom nivou zdravstvene zaštite. Moramo istaći da do momenta ovog skupštinskog zasjedanja realizovana je nabavka 2 digitalna mamografska uređaja čija nabavka datira od nekih ranijih godina ali realizacija je bila ove godine. Također je u toku realizacija rekonstrukcija centralnog objekta ustanove u ulici Josipa Vancaša, koji se također vezuje za plan budžeta Kantona Sarajevo '24. godine. I ta

rekonstrukcija je u toku. U segmentu ljudskih resursa ističemo da nemamo neizvršenih obaveza prema uposlenicima jer se ustanova pridržava obaveza koje proističu iz Zakona o radu i kolektivnih ugovora u oblasti zdravstva, sve izmjene satnica i drugih naknada i prava zaposlenih u ZZO Kantona Sarajevo primjenjuje se u ustanovi po ugovoru sa uposlenima i realizuje. Radimo na način da odgovorno, zakonito i namjenski trošimo planirana sredstva primjenjujući sve procedure finansijskog upravljanja i kontrole. Hvala ne pažnji.

### **Elvedin Okerić (predsjedavajući)**

Zahvaljujemo se. Možete se vratiti na svoje mjesto.

e) Prijedlog Odluke o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2025. godinu

### **dr. Inga Lokmić-Pekić (direktor JU Psihijatrijska bolnica)**

Poštovani predsjedavajući, dopredsjedavajući, ministre, zastupnice, zastupnici, kolege gledatelji, moj ime je Inga Lokmić Pekić, ja sam direktorica Javne ustanove Psihijatrijska bolnica Kantona Sarajevo. Program rada i plan rada bolnice su rađeni prema metodologiji godišnjih izvještaja programa o poslovanju svih javnozdravstvenih ustanova na nivou Kantona Sarajevo. Psihijatrijska bolnica je zdravstvena ustanova za stacionarno, akutno i produženo liječenje te ambulantno liječenje, kao i psihosocijalnu rehabilitaciju oboljelih od psihotičnih poremećaja i drugih psihičkih poremećaja. Odredbama važećeg Statuta djelatnost bolnice je pružanje usluga specijalističkog, konsultativne i bolničke zdravstvene njege iz oblasti psihijatrije na sekundarnom nivou na području Kantona Sarajevo. Medicinski poslovi se odvijaju na 3 odjela sa ukupno 70 kreveta, uz prijemnu ambulantu sa kabinetskim službama i okupacionu terapiju. U Planu kroz 2025. godinu, kao i ranijih godina, smještaj pacijenata sa odnosio za osiguranike Kantona Sarajevo, obzirom da je Skupština Kantona Sarajevo isti te da smo sto posto financirani od Zavoda za zdravstvenog osiguranja. Moram napomenuti da i ove godine, kao i narednih godina, nema čekanja na zdravstvenu uslugu, dakle, svi pacijenti koji su upućeni od strane ljekara porodične medicine ili drugih psihijatara iz centara za mentalno zdravlje po pravilu budu pregledani bez bilo kakvih lista čekanja i niti jedan pacijent ne ostaje nezbrinut. Bolnica pruža zdravstvenu zaštitu u skladu sa stručnim i etičkim smjernicama, što olakšava pristup i dostupnost redovnim kontrolnim pregledima koji idu u o kroz našu katamnestičku ambulantu. Kroz 2025 kontinuirano nastavljamo sa edukacijama našeg osoblja, kako zdravstvenih tako i nezdravstvenog kadra na naučnim i stručnim skupovima, seminarima i predavanjima. Također, u našoj bolnici u planu je, a i obavlja se već kroz niz dugih godina, naučno nastavno edukativne aktivnosti za studente Medicinskog fakulteta SSS-tia i Fakulteta zdravstvenih studija, kao i za specijalante u skladu sa programom iz specijalizacije iz psihijatrije pod nadzorom Ministarstva zdravstva. Kroz '25. godinu planirano je kontinuirano raditi na poboljšanju uvjeta boravka za naše pacijente, poboljšanje kvalitete usluge i poboljšati kvalitet boravka pacijenata kako bi se pacijenti osjećali komfornije i ugodnije u našoj bolnici. Također, na ranijoj tački smo govorili o dnevnoj bolnici. Kroz '25. godinu nastavlja se izgradnja dnevne bolnice pod ppkroviteljstvom Ministarstva za boračka pitanja, zdravstva, Vlade i Skupštine Kantona Sarajevo i Zavode zdravstvenog osiguranja. Nastavljamo saradnju sa svim javnozdravstvenim ustanovama na nivou Kantona Sarajevo, to je, znači, Zavod za bolesti ovisnosti, Centri za mentalno zdravlje Domova zdravlja, Klinički centar Univerziteta u Sarajevo, Opća bolnica, kao i sa drugim nevladinim organizacijama i udruženjima, dakle kroz čitavu '25 godinu ćemo nastaviti da bolnica ide u jednu savremenu psihijatrijsku ustanovu. Što se tiče kontrola doktora neuropsihijatara, odnosno psihijatara, za '25. godinu planirano je 3,5 hiljade, dok je broj kontrola doktora interne medicine 900. Planirani broj dana je 20.440, a planirani broj otpusta je 500. Finansijski izvještaj je rađen na osnovu finansijskog plana



Zavoda zdravstvenog osiguranja za 2025. godinu i ukupna predviđena sredstva za javnu ustanovu Psihijatrijska bolnica Kantona Sarajevo su 8.183.000 konvertibilnih maraka. Planiram broj kadrova u 2025. godini je 121 uposlenih, a što se odnosi na dnevnu bolnicu sa 11 novo uposlenih radnika. Svi uvjeti Kolektivnog ugovora i svi dodaci Kolektivnog ugovora su ispoštovani, tako da radimo na nema nikakvih zaduženja što se tiče niti ovaj nekih tužbi. Hvala.

### **Elvedin Okerić (predsjedavajući)**

Zahvaljujemo se direktorici Pekić.

f) Prijedlog Odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo Prim.dr. Silva Rizvanbegović za 2025. godinu sa procjenama za 2026. i 2027. godinu;

Izvolite, imate riječ.

### **Nejra Jonuz-Gušić (predstavница Zavoda za hitnu medicinsku pomoć KS)**

Dobar dan svima, prvenstveno našim gledateljima Skupštine Kantona Sarajevo i prisutnim na današnjoj Skupštini Kantona Sarajevo. Ja sam doktorica Nejra Jonuz-Gušić, rukovodilac Edukacionog centra u Zavodu za hitnu medicinsku pomoć. Dana ću vam predstaviti Plan rada i finansijski plan Zavoda za hitnu medicinsku pomoć. Ono što je do sada naglašeno da je Plan rada i Finansijski plan Zavoda za hitnu medicinsku pomoć u potpunosti jel urađen sa važećom metodologijom, pravilnicima i zakonima o radu i pravilnicima i finansijskim radovima ustanova na Kantonu Sarajevo. Ono što je bitno reći da je sam Plan rada i Finansijski plan Zavoda za hitnu medicinsku pomoć napravljen prema potrebama zaposlenika unutar Zavoda za hitnu medicinsku pomoć te potrebama građana Kantona Sarajevo. Same potrebe jesu da imamo adekvatne ljudske resurse, tako da trenutno Zavod za hitnu medicinsku pomoć uposleno je 334 uposlenika, od toga je 285 zdravstvenih radnika. Naša projekcija da će biti potrebno 361 uposlenik. Prema tome, trenutno je raspisan konkurs za zapošljavanje 13 ljekara opšte prakse te jednog specijaliste koji će biti uposleni u Zavod za hitnu medicinsku pomoć. Ono što naglašavamo jeste da u Zavodu za hitnu medicinsku pomoć trenutno ima uposleno 50 specijalista urgentne medicine, što nas čini prvom ustanovom na nivou Federacije po broju specijalista iz urgentne medicine, od toga imamo i 46 ljekara opšte medicine, 118 medicinskih tehničara, te 22 diplomirana medicinska tehničara. Da bi Zavod za hitnu medicinsku pomoć mogao adekvatno da funkcije nije neophodno samo da imamo ljudske resurse, nego je potrebno uvijek da obnavljamo medicinsku opremu. Prema tome, Zavod za hitnu medicinsku pomoć je nabavio opremu u iznosu od pedeset hiljada maraka do sada, a to je ultrazvučni aparat. Mi smo sa tim projektom krenuli 2024. godine, u 2025. godini nastavlja se projekat nabavljanja medicinske opreme u svrhu prehospitalnog zbrinjavanja pacijenta na osnovu ultrasonične dijagnostike. Osim toga, ono što je bitno naglasiti da je nastavljena nabavka i kardiomobila i to će biti ključni segment za 2025, 2026 i 2027. godinu. S obzirom da taj kardiomobil nije samo sanitetsko vozilo, nego je to naša intenzivna njega koja je neophodna da zbrinute pacijente dovezemo adekvatno do bolnice. Osim toga, ono što je tekuće i što je planirano za 2025. godinu jeste nabavka agregata za struju. Moramo reći da je to do sada ispoštovano, prošlog mjeseca je nabavljen agregat tako da je omogućeno da Zavod za hitnu medicinsku pomoć ima 24 sata električnu energiju, što je bitno za pružanje kvalitetne i zdravstvene usluge našim pacijentima, a da i olakša rad našem kadru unutar Zavoda za hitnu medicinsku pomoć. Osim toga, nabavljena je vodena pumpa te cisterna, čime se također omogućava nesmetani, kontinuiran rad Zavoda hitnu medicinsku pomoć, s obzirom da smo mi u ustanovi opet koja radi 24 sata. Osim toga, planirana je nabavka medicinskih uniformi za naš kadar, a u toku su i sanitarni pregled te sistematski pregled naših uposlenika. Ono što privlači veliku pažnju, a od velikog je

značaja za Zavod za hitnu medicinsku pomoć i sam Kanton Sarajevo, jeste rekonstrukcija Zavoda za hitnu medicinsku pomoć. Rekonstrukcija započeta u 2024 godini. Doznačena sredstva sredstava su 2 000 000 i, ono što je bitno naglasiti, do sada je potrošeno 430 000 konvertibilnih maraka za rekonstrukciju krova koji je apsolutno gotov. Naredna faza jeste rekonstrukcija fasade te vanjske stolarije te će javni poziv biti jel raspisan krajem ovog mjeseca. Osim samih jel nabavki, ono što je bitno i što smo svi naglasili jeste da je bitna edukacija kadra, kako ljekara, tako i medicinskih tehničara, tako da Zavod za hitnu medicinsku pomoć, kao jedini referalni centar za edukaciju na nivou Federacije Bosne i Hercegovine, kontinuirano provodi edukacije vlastitog kadra, ali i kadra iz drugih ustanova. Od velikog značaja je projekat koji smo počeli 2024 godine, a sada ga realizujemo. To jeste projekat AED aparata, odnosno uspostava AED mreža automatskih eksternih defibrilatora na nivou Kantona Sarajevo, gdje smo skupa sa našim donatorima uspjeli do sada da stavimo 20 automatskih eksternih defibrilatora u opštine Kantona Sarajevo i čast nam je i zadovoljstvo da je ministar Enis Hasanović poznao našu potrebu i da će učestvovati zajedno sa našom Vladom, sa Ministarstvom zdravstva, u nabavci još 30 automatskih eksternih defibrilatora koji će biti raspoređeni širom Kantona Sarajevo. Unutar same nabavke bit će edukacija građana o osnovnim mjerama održavanja života. Što se tiče samog Financijskog plana Zavoda za hitnu medicinsku pomoć, finansijski prihodi za 2025. godinu iznos je 24 553 000 konvertibilnih maraka, što je više za 41 % u odnosu na prethodnu godinu, a to povećanje jest upravno na povećanje plata radi povećanja satnice i poštivanja kolektivnih ugovora unutar zaposlenih unutar Zavoda za hitnu medicinsku pomoć. 10 % će biti viši prihod iz vlastitih naplaćivanja koje je posljedica vršenja medicinskih obezbeđenja i medicinskih transporta pacijenata te ugovora sa pravnim i fizičkim licima kao što su Međunarodni aerodrom Sarajevo, ZOI'84, Zavod zdravstvenog osiguranja i reosiguranja, te druga pravna i fizička lica. Najviše troškova, odnosno troškovi 2025. godini iznositi će također 24 553 000, od toga će najveći dio ići ustvari na troškove opreme, energije, materijala te na troškove plata, doprinosa, posmrtnina, 50 % jel na isplaćivanje regresa, te godišnjih odmora. Hvala lijepa.

### **Elvedin Okerić (predsjedavajući)**

Zahvaljujem se. Možete vratiti na svoje mjesto.

g) Prijedlog Odluke o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2025. godinu sa projekcijom plana za 2026. i 2027. godinu

### **Adnan Hadžimuratović (direktor Zavoda za sportsku medicinu)**

Poštovani predsjedavajući, dopredsjedavajući, uvaženi zastupnici i zastupnice, poštovani ministre, ja sam prof. dr. Adnan Hadžimuratović, direktor Zavoda za sportsku medicinu. U Programu rada za '25. godinu, sa projekcijom za '26 i sedmu godinu. Treba reći da Javna ustanova Zavod za sportsku medicinu je zdravstvena ustanova osnovana za obavljanje specifične zdravstvene zaštite sportista na području Kantona Sarajevo. Zadaci Zavoda su preventivni rad i zdravstvena zaštita aktivnih sportista, sportskih rekreativaca, lica koja su uključena u rad sa sportskim klubovima i u sportskim rekreacijama i Zavod je istovremeno i naučnoistraživačka institucije iz oblasti medicine sporta. Što se tiče kadra, sistematizovano je 20 radnih mjesta, od čega je popunjeno 13, imamo još 7 mjesta koje trebamo popuniti, a za ovu godinu smo planirali 2 prijema, 1 medicinska sestra srednje stručne spreme zbog odlaska u mirovinu medicinske sestre i 1 doktor medicine na specijalizaciju koju smo dobili za ovu godinu. Od opreme planiramo nabavku iz vlastitih sredstava medicinske opreme koja nam je neophodna za ovu godinu u visini od 6000 KM. Ujedno se zahvaljujemo ministru Hasanoviću jer smo sa Ministarstvom zdravstva, uz njegovu pomoć, riješili nabavku aparata za

kratkotalasnu terapiju iz troškova iz sredstava Ministarstva zdravstva u visini od 20 000 konvertibilnih maraka. Također, vrlo važno ono što ove godine planiramo završiti već smo pri kraju je akreditacija AKAZ-a Javne ustanove Zavod za sportsku medicinu, koja do sada nije bila urađena, a od kapaciteta zdravstvene zaštite i naše mogućnosti planiramo povećati za oko 4 % broj usluga, što bi iznosilo otprilike 137.400 usluga na godišnjem nivou. Financijski plan je takav da je usklađen sa prihodima i rashodima za '25 godinu. Planirano je iz obaveznog zdravstvenog osiguranja 864 000 konvertibilnih maraka iz neobaveznog, odnosno iz direktnih plaćanja 247.000, a ukupno bi to iznosilo milion i 111 000 i to je usklađeno sa rashodima. Otprilike slična procjena je za '26 i sedmu godinu. Hvala vam lijepo i stojim na raspolaganju za eventualna pitanja.

### **Elvedin Okerić (predsjedavajući)**

Zahvaljujemo se. Možete se vratiti na svoje mjesto.

h) Prijedlog Odluke o davanju saglasnosti na Program rada i finansijski plan Javne ustanove Opća bolnica „Prim. dr. Abdulah Nakaš“ za 2025. godinu sa projekcijom za 2026. i 2027. godinu

Izvolite, imate riječ.

### **Salko Pašević (predstavnik JU Opća Bolnica "Prim.dr. Abdulah Nakaš")**

Poštovani predsjedavajući, dopredsjedavajući, gospodo zastupnici, ministre, ja sam sa Salko Pašević, predstavnik Opće bolnice i u Općoj bolnici obavljan dužnost šefa poliklinike. Što se tiče Opća bolnica „Primarius Abdulah Nakaš“ je bolnička ustanova u segmentu bolničke zdravstvene zaštite, sekundarnog i dijelom tercijarnog segmenta, kao i specijalističko konsultativnog segmenta zdravstvene zaštite. Segmentalno podijeljeno što se tiče ovih segmenata, prostor, kadar, oprema. Što se tiče prostora, mi imamo više projekata koji su u fazi realizacije, rekonstrukcija i adaptacije prostora, najnoviji projekata koji je planiran za 2025. jer rekonstrukcija termoenergetska učinkovitost fasade Opće bolnice „Prim.dr. Abdulah Nakaš“. Također, u toku je projekat rekonstrukcije dnevne bolnice koji je preko puta Urgentnog centra. Ovim projektom smatramo da ćemo značajno unaprijediti usluge u dijelu dnevnog terapijskog centra koji trenutno daje usluge za 22 preparata koji su potrebni da se apliciraju u bolničkoj ustanovi. Što se tiče, također, imamo što što se tiče nabavke opreme, tu imamo više projekata, prije svega tu je nabavka laparaskopskog stuba od 330.000 maraka, autoklava i još neke dodatne dijagnostičke opreme za laboratorijsku dijagnostiku. Što se tiče ljudskih resursa, 31.12. bilo je zaposleno oko 891 uposlenik, oko 85 % je medicinsko osoblje. Što se tiče ljudskih resursa, mi smo u proteklom periodu radili na znavljanju kadra, tako da možemo reći da nemamo posebni problem što se tiče ljudskih resursa, posebno ljekara. U 2025 nam je odobrena 19 specijalizacija, mi smo spremili konkurs, konkurs je u toku i mislim da je ubrzo će biti realizacija, da ćemo uposliti nove ljekare na specijalizaciju po raznim bolničkim odjelima. Što se tiče ovih svih prava uposlenika, kolektivni ugovori se poštuju u potpunosti. Trenutno nema aktivnih tužbi, međutim imamo iz prethodnog perioda dospjevaju tužbe koje moraju se isplatiti, to je iz perioda 2013., 2014 i ranije. Što se tiče Financijskog plana, Financijski plan je rađen po metodologiji Zavoda zdravstvenog osiguranja 98 % je procjena financiranja Zavoda zdravstveno osiguranja, ukupni Financijski plan je 81 500 000 prihoda, 76 000 000 ide prihoda Zavoda zdravstvenog osiguranja, dok je ostalo su iz drugih izvora, to su donacije, ugovori sa drugim zavodima i slično. Što se tiče ovih. Dovoljno. Stojim vam na raspolaganju za neka pitanja, pošto je juni, jel možemo još nešto realizovati. Hvala.

## **Elvedin Okerić (predsjedavajući)**

Hvala lijepo.

i) Prijedlog Odluke o davanju saglasnosti na Program rada i finansijski plan Kliničkog centra Univerziteta u Sarajevu za 2025. godinu sa procjenom za 2026. i 2027. godinu

Izvolite, imate riječ, predstavite nam se zbog stenograma.

## **Kenan Muslić (predstavnik KCUS)**

Dobar dan, ja vas sve pozdravljam. Uvaženog predsjedavajućeg, dopredsjedavajuće, uvažene zastupnike, ministra zdravstva, ja sam Kenan Muslić, šef Službe za plan i analizu Kliničkog centra Univerziteta u Sarajevu. Ja ću ukratko vam Program rada i finansijski plan Kliničkog centra za 2025. -2027 godinu. Kao što znate, Program rada i finansijski plan je sačinjen u skladu sa Zakonom o budžetima Federacije BiH-a, odnosno dokumentom Okvirnog budžeta koji obuhvata fiskalnu godinu i naredne dvije fiskalne godine i Smjernica za izradu program rada koji je usvoji Upravni odbor Kliničkog centra. To imate na početku Programa rada i finansijskog plana. Što se tiče zdravstvenih usluga, planirani broj ispisanih bolesnika je iznosi 46 860. Tu je 2 više od ostvarenja u '24 godini, planirani broj BO dana ispisanih bolesnika je veći od 1 % od ostvarenja '24 godine, planirana prosječna dužina liječenja i iznosi 6,2 i to je na nivou ostvarenja 2024 godine, planirana prosječna iskorištenost posteljnih kapaciteta je 55,6 i to je 3 % manje od ostvarenja 2024 godine. Planirani broj ambulantnih pregleda je 1 više od 2024. ,1 % više od 2024 godine, planirani broj ambulantno dijagnostičkih procedura također je 1 % više od 2024. godine planirani broj operacija 1 % više, planirani broj laboratorijskih analiza je 3 % više od 2024. godine, planirani broj mikrobioloških analiza je 2 % od 2024 godine. Također i druge usluge su planirane. Ja ću ukratko reći koje su više od ostvarenja 2024 godine. To su konzilijarni pregledi, ostale ambulante usluge, anestezija, anesteziološke reanimacione intervencije, fiskalne terapije, radiološke pretrage itd. Što se tiče finansijskog poslovanja, za '25. godinu planirani ukupni prihodi iznose 365 494 000, to je 13 % više od '24. godine, a najvećim dijelom je rezultat povećanja prihoda od strane Zavoda zdravstvenog osiguranja Kantona Sarajevo po osnovu povećanja satnice i većeg broja financiranog kadra, naknade za materijalne troškove i procenta financiranja koji je sa 83 sad iznosi 85 %. Što se tiče prihoda od Federalnog zavoda za zdravstveno osiguranje i reosiguranja, ukupni prihodi iznose 87 649 000, oni su 3 % veći od 2024 godine. Što se tiče planiranih prihoda od ostalih Kantonalnih zavoda zdravstvenog osiguranja, oni iznose 23.993 000, na nivou su 2024. godine, prihodi od Republike Srpske i Distrikta Brčko su planirani u iznosu 623 000 i na nivou su 2024 godine. Što se tiče rashoda ukupnih, planirani rashodi za '25. godinu su 365.494.000, što je 10 % više od '24. godine, a najvećim dijelom je rezultatu povećanja troškova zaposlenih po osnovu povećanja satnica i broja kadra, kao i planirano povećanje troškova tekućeg investicionog održavanja, amortizacije i povećanje troškova životnih namirnica, materijala za održavanje, kancelarijskog materijala za čišćenje itd. U strukturi ukupno planiranih troškova Kliničkog centra za 2025. godinu najveće stavke čine troškovi zaposlenih, lijekova i amortizacije. Troškovi amortizacije iznose 18.213.000, planirani su sa povećanjem od 3 % u odnosu na 2024 godinu, kao rezultat uvećanja troškova amortizacije nabavke nove opreme iz namjenskih sredstava iz budžeta institucija BiH, Federacije, Kantona itd. Troškovi bruto plata su planirani na bazi financiranog broja radnika i specijalizanata predviđenih Finansijskim planom Zavoda za 2025. godinu, vodeći računa u primjeni Zakona o radu, kolektivnih ugovora i Pravilnika o plaćama. Ukupan planirani broj zaposlenika za 2025 je 3939. On uključuje i specijalizante. Što se tiče lijekova iz vlastitih sredstava Kliničkog centra, ukupno planirani iznos za 2025. godinu iznosi 41.511.000. To je to, ako imate pitanja.

## **Elvedin Okerić (predsjedavajući)**

Zahvaljujemo se na uvodnim napomenama, možete se vratiti na svoje mjesto.

j) Prijedlog Odluke o davanju saglasnosti na Program rada sa finansijskim planom poslovanja Javne ustanove Zavod za bolesti ovisnosti Kantona Sarajevo za 2025. godinu sa procjenama za 2026. i 2027. godinu

## **Rasema Okić (JU Zavod za bolesti ovisnosti KS)**

Uvaženi predsjedavajući, dopredsjedavajuće, cijenjeni ministre, zastupnice i zastupnici. Srdačno vas pozdravljam. Moje ime Rasema Okić i ovdje sam kao direktorica Zavoda za bolesti ovisnosti Kantona Sarajevo. U nekoliko riječi ću reći nešto o Planu rada Zavoda za bolesti ovisnosti za 2025. godinu. Zavod za bolesti ovisnosti Kantona Sarajevo je javna zdravstvena ustanova sa višedecenijskom tradicijom, a bavimo se prevencijom, liječenjem i rehabilitacijom ovisnika. Kako su se vremena mijenjala, zapravo kao ustanova prerasli smo, prije bih rekla, vremena, ali i patologije, prerasli smo iz ustanove koja se bavila liječenjem alkoholizma, odnosno ovisnosti o alkoholu, zatim ovisnosti o psihoaktivnim supstancama, odnosno drogama, međutim danas sa posebnom tendencijom rasta bihevioralnih, odnosno ponašajnih ili nehemijskih ovisnosti, bavimo se i liječenjem ovisnika o igrama na sreću, kao i ovisnicima o digitalnim medijima, što postaje sve više zastupljeno, naročito među mladima, u smislu prekomjerne višesatne na dnevnoj bazi upotrebe, odnosno korištenja pametnih telefona. Zavod za bolesti ovisnosti Kantona Sarajevo u svom Planu i programu za '25. godinu ima za cilj zapravo nekoliko veoma važnih stavki, prvenstveno ono čime se posebno ponosimo, jeste ojačati rad Savjetovaništa za mlade. To Savjetovanište postoji od juna mjeseca prošle godine. I evo, mi već sumiramo neke prve rezultate obzirom na specifičnost populacije, dakle mladih, odnosno maloljetnika i adolescenata, kao nešto sasvim novo, gdje tretmanu zapravo podliježu ne samo potencijalni ovisnici, odnosno mladi ljudi koji su u eksperimentiranju i štetnoj upotrebi psihoaktivnih supstanci, nego i članovi njihovih obitelji, uglavnom roditelji. Zatim zatim planiramo preseliti u novi centar OST, odnosno Centar za opijatsku supstitucionu terapiju koji je još uvijek na Crnom vrhu, odnosno u Ulici Avde Jabučice broj 6 i radovi sa preseljenjem u krugu Kliničkog Univerzitetskog kliničkog centra u Sarajevu se privode kraj tako da očekujemo idućeg mjeseca, ukoliko ne bi bilo nekih iznenađenja, u principu sve ide nekim svojim tokom i očekujemo u toku narednog mjeseca preseljenje tih kapaciteta, što znam da je jako interesantno građanima Kantona, osobito onima koji su u neposrednoj blizini ovog Centra. Zatim održavanje postojećih službi uz poboljšanje i završavanje medicinske opreme, educiranje i stručno usavršavanje kadrova, osobito subspecijalizacija, tekuće 4 specijalizacije i 2 subspecijalizacije planiramo i dalje. Potom monitoring i evaluacija svih segmenata rada. I pošto smo mi prvi put akreditirani 2018. pa potom '21. na '22. nas sada čeka nova reakreditacija i recertifikacija sa krajem '25. godine. Također, onaj dio koji je posebno važan, to je planiranje ekonomskog finansijskog poslovanja sa ciljem ostvarenja što boljeg ukupnog kvaliteta rada Zavoda i izvrsnosti u poslovanju, kao što je bilo i ranijih godina. Naime, Zavod za bolesti ovisnosti Kantona Sarajevo finansira se sa 93 % sredstvima Zavoda zdravstvenog osiguranja Kantona Sarajevo. Međutim, pored prihoda od Zavoda, planirali smo i prihode po osnovu pripadajućeg dijela amortizacije za sredstva koja se vode kao odgođeni prihod, zatim fakturisana potraživanja do dana sačinjavanja finansijskog plana, prihodi iz budžeta, refundiranje bolovanja, te prihodi iz donacija. Mi najveći dio zapravo prihoda ostvarujemo uslugama koje dajemo pacijentima iz drugih Kantona, pa čak i van granica Federacije, odnosno i Bosne i Hercegovine, koji su samofinansirajući. Tako smo '24. godinu plan od 4 445,525 konvertibilnih maraka u '25. planirali 4 826 525 konvertibilnih maraka. Inače, zapošljavamo 63 uposlenika. Uglavnom, uvijek smo konzervativni u tom i oni koji odlaze u penziju zamjenjuju ih novi kadrovi, identični. Imamo 12 ljekara, 4 su na specijalizaciji, 2 su na

subspecijalizaciji, pratimo edukacije za ostalo osoblje, psihologe, socijalne radnike, što je nama veoma bitno u našem radu i naravno za medicinske sestre, odnosno tehničare. Ja drugo neću ništa posebno reći. Ukoliko budete imali pitanja, rado ću, nadam se, odgovoriti. Zahvaljujem se na pažnji.

### **Elvedin Okerić (predsjedavajući)**

Zahvaljujemo se na uvodim napomenama.

k) Prijedlog Odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2025. godinu sa projekcijom finansijskog poslovanja za 2026. i 2027. godinu

Izvolite, imate riječ.

### **Nijaz Štitkovic (predstavnik JU Dom zdravlja KS)**

Uvaženi predsjedavajući, dopredsjedavajuće i dopredsjedavajući, zastupnice i zastupnici, poštovani ministre, kolegice i kolege, mediji i građani, prije svega želim da vas srdačno pozdravim. Moje ime je Nijaz Štitkovic i danas sam ovdje po povlaštenju generalnog direktora Javne ustanove Dom zdravlja Kantona Sarajevo Elvedina Tatarevića koji iz opravdanih razloga nije mogao prisustvovati današnjoj sjednici i prenosim njegovo izvinjenje. Kada je riječ o Panu i programu rada Javne ustanove Dom zdravlja Kantona Sarajevo za 2025 godinu isti ste dobili u materijalima. Pripremljen je za današnju sjednicu. On je obiman, ima preko 50 stranica. Ja ću ovdje pokušati da iznesem neke ključne stvari koje se tiču tog programa i plana rada. Program rada i razvoja za 2025. godinu detaljno prikazuje ključne strateške pravce, usmjerenja i unaprjeđenja organizacije, funkcionisanja i daljnjeg razvoja ustanove. Javna ustanova Dom zdravlja Kantona Sarajevo predstavlja najveću ustanovu primarnog nivoa zdravstvene zaštite, ne samo u Federaciji već i u cijeloj državi. Svoje usluge pružamo na području svih 9 sarajevskih općina putem 9 centralnih objekata i 87 lokaliteta. Pored usluga na primarnom nivou zdravstvene zaštite pružamo i usluge sekundarnog nivoa, i to putem organizacione jedinice za specijalističku konsultativnu djelatnost. Prema podacima Federalnog zavoda za statistiku, na području Kantona Sarajevo živi ukupno 421 531 stanovnik i mi uglavnom svima njima pružamo zdravstvene usluge, i to u dobi od 0 do 14 godina 64.769, u dobi od 15 do 64 godine 276 928 osoba i u dobi više od 65 godina 79 834. Po obimu posla koji imamo i po potrebama korisnika zdravstvenih usluga, nama se čini da ima i više stanovnika nego što statistika kaže. Ono što je od ključnog značaja za budući razvoj, funkcionisanje ustanove jeste jasno i odgovorno određivanje poslovne strategije javne ustanove. Savremeni izazovi u zdravstvenom sistemu zahtijevaju redefinisavanje postojeće strategije s fokusom na maksimalno iskorištavanje potencijala unutar same organizacije, kao i angažman i motivaciju svakog pojedinca jer jedino zajedničkim naporima možemo postići unaprjeđenje zdravlja stanovništva. Kantona Sarajevo. Neophodno je da se sve postojeće slabosti i disfunkcionalnosti unutar sistema identifikuju i ukloni, a da se poslovna strategija temelji na objektivnoj i sveobuhvatnoj analizi postojećih stanja. U tu svrhu je izrađena i SWOT analiza kojom su identifikovani ključni i unutrašnji i vanjski faktori koje imaju direktan utjecaj na poslovanje naše ustanove. U SWOT analizi, to su snage, slabosti, prilike i prijetnje, da ih sve ne nabrajam, ali mi se čini zanimljivim nabrojati nekoliko prijetnji koje imaju potencijal da značajno utiču na rad Javne ustanove Doma zdravlja Kantona Sarajevo, a to su neusklađenost zakonski i podzakonskih akata sa reformskim opredjeljenjima u zdravstvu, nedovoljna funkcionalna povezanost i koordinacija među različitim nivoima vlasti u sektoru zdravstva, neravnomjerna i nesrazmjerna raspodjela ograničenih finansijskih sredstava u odnosu na rastuće obaveze i potrebe sistema, neadekvatna alokacija resursa između nivoa zdravstvene zaštite, nerazvijeni i neefikasni mehanizmi ugovaranja i plaćanja zdravstvenih usluga, ograničenje u pružanju distribuciji komercijalnih

zdravstvenih usluga, nedostatak regulatornih mehanizama za zaštitu prava i uklanjanje prepreka za tržišno poslovanje, razuđena struktura stanovništva u ruralno i teško dostupnim područjima, negativni efekti ekonomske krize, visoke stope nezaposlenosti i opći pad životnog standarda, uz istovremeno smanjenje broja radno aktivnog stanovništva što posljedično doprinosi padu prihoda po osnovu doprinosa za zdravstveno osiguranje, zatim jačanje konkurencije unutar sektora, uključujući postojeće zdravstvene ustanove i pojavu novih konkurenata, posebno kroz strane direktne investicije i širenje privatnog sektora. Na osnovu analize svih ovih faktora i proizašlo je izgradnja ovoga plana, a u ovom planu i programu smo se opredijelili i za dio operativnog plana u kome smo aktivnosti podijelili u nekih 10 grupa. Te programske aktivnosti su: izmjene i dopune važećih akata i njihovo usklađivanje sa važećom pravnom finansijskom regulativom, unapređenje menadžmenta u smislu organizacije i koordinacije, razvoj ljudskih resursa, uključujući i razvoj informatičkog sistema, bolji pristup primarnoj zdravstvenoj zaštiti, orijentisanost ka porodici i zajednici, unapređenje i razvoj specijalističkih konsultativnih djelatnosti, unapređenje organizacije, efikasnost sektora na medicinskih poslovima, racionalno planiranje budžeta i dodatni izvori financiranja u finansijskom menadžmentu, unapređenje sistema, kvalitete i procesa akreditacije i partnerstvo sa građanima, odnosno stvaranje odnosa povjerenja između ustanove i korisnika te rad na pravima zaposlenika, odnosno njihovoj socijalnoj sigurnosti. Dodatno je važno naglasiti da u sastavu javne ustanove i Dom zdravlja kao 11. organizacionih jedinica djeluje Centar za nastavu i naučno istraživačku djelatnost, a cilj rada Centra je planiranje, koordinacija, nadzor, evaluacija i unapređenje svih vrsta edukacija zaposlenih u Javnoj ustanovi, kao i organizacija praktične nastave za vanjske kandidate iz srednjoškolskih i visokoškolskih institucija te drugih zdravstvenih ustanova, a u Centru se nalaze i svi specijalizanti čiju specijalizaciju vodi naša ustanova. Evo u zaključku da kažem samo sljedeće: trajno unapređenje znanja i vještina zaposlenih, poboljšanje dostupnosti kvaliteta svakodnevnog pomoći, prevencija je promocija zdravlja, obezbjeđenje sigurnih sistema rada i sigurnosti okruženja, upravljanje javnozdravstvenim rizicima, stvaranje socijalne sigurnosti radnika, edukacija oboljelih i njihovih porodica i partnerstva sa davaocima zdravstvenih zaštite, uključujući i privatni sektor. Operativni plan za '25. godinu temelji se na jasno definisanim ciljevima, programskoj orijentaciji i usklađenosti sa zakonodavstvom, reformama i standardima kvaliteta.

Hvala na pažnji i strpljenju.

### **Elvedin Okerić (predsjedavajući)**

Zahvaljujemo se na uvodnim napomenama.

1) Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2025. godinu, sa projekcijom za 2026. i 2027. godinu. Predstavite nam se zbog stenograma.

### **Sanjin Saračević (direktor JU Zavoda za zdravstvenu zaštitu uposlenika MUP-a)**

Zahvaljujem predsjedavajući. Ja sam Sanjin Saračević, direktor Zavoda za zdravstvene zaštite zaposlenika MUP-a Kantona Sarajevo. E ovako. Za 2025. godinu u Planu i programu planirane su, dakle, sve aktivnosti koje su bile i u prethodnoj godini, s tim što je planiran značajan broj i dodatne aktivnosti koje kao prvi put ili nakon značajnog broja godina uvodimo u našoj ustanovi. Ono što je najznačajnije jeste da smo za 2025. godinu planirali, a evo već mogu da kažem, obzirom da smo u Junu mjesecu, da smo to i završili. To je, dakle, sistematski pregled, periodični ljekarski pregledi za zaposlenike Ministarstva unutrašnjih poslova Kantona Sarajevo. To je jedan značajan projekat, jedan kapitalan projekat koji je urađen u okviru ustanove i prvi put nakon, mislim, više od 15, gotovo 16 godina, da je urađen periodični ljekarski pregled za sve uposlenike Ministarstva unutrašnjih poslova u Kantonu Sarajevo. Ono

što je još planirano za 2025 godinu jeste značajna nabavka opreme koja je bila i u prethodnim godinama, ali jedan dio će biti i u 2025 godini. Posebno želim da istaknem da smo u 2025. godini planirali i već smo započeli 2 specijalizacije, i jednu subspecijalizaciju i planiramo, dakle, do kraja godine još 2 specijalizacije za 2025. godinu, čime ćemo broj ljekara biti preko 30 % onih koji su na dodatnoj edukaciji, dakle, bilo na specijalizacijama, bilo na subspecijalizacijama. Posebno dakle, želim naglasiti da ćemo u 2025. godini proširiti i broj usluga u okviru naših djelatnosti. Prije svega se to odnosi, dakle, na otvaranje i osposobljavanje Odjela fizilne medicine i rehabilitacije, dakle to je prvi put nešto što će imati naša u ustanova. Shodno tome, bit će uposlena i dodatna 3 radnika koji će pokrivati tu službu. Ono što je započeto nedavno, a svakako je u planu za 2025 godinu, jeste u saradnji sa Vladom Federacije Bosne i Hercegovine, dakle, sanacija fasade, dakle, prvi put nakon izgradnje samog objekta, tako da će u nekom skorijem periodu i taj segment biti riješen. Toliko ovako ukratko, ako što treba tu smo.

### **Elvedin Okerić (predsjedavajući)**

Zahvaljujemo se na uvodnim napomenama, možete se vratiti na svoje mjesto.

m) Prijedlog Odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2025. godinu sa projekcijom finansijskog poslovanja za 2026. i 2027. godinu

Predstavite nam se zbog stenograma.

### **Anes Jogunić (predstavnik Zavoda za javno zdravstvo KS)**

Dobar dan, poštovanje. Poštovani predsjedavajući, poštovani dopredsjedavajući, uvaženi poslanici, cijenjeni ministre, dobar dan. I ja sam doktor Anes Jogunić specijalista epidemiologije i danas ću po ovlaštenju direktora doktora Zlatana Hamze da vam kroz nekoliko narednih minuta predstavim plan rada Zavoda za javno zdravstvo za 2025. godinu. Javna ustanova Zavod za javno zdravstvo Kantona Sarajevo svoju djelatnost javno zdravstvenu obavlja na prostoru čitavog Kantona Sarajevo, poštivajući politiku kvalitete i kontinuiranim ispunjavanjem standarda ISO 17 025, 9001, ali poštivajući akreditaciju i certifikacije za zdravstvene ustanove, prvenstveno od AKAZ-a. Osim toga, mi smo obavezni da poštujemo i pravila Svjetske zdravstvene organizacije, kao i EU regulative i dokumentacije i sistema upravljanja i tehničke dokumentacije čime se postiže i održava povjerenje naših korisnika. Zavod svoju djelatnost vrši kroz 5 radnih jedinica, od čega su 4 stručne radne jedinice i 1 jedinica zajedničkih djelatnosti. Zavod za javno zdravstvo ukupno zapošljava 117 zaposlenih, od čega su 103, 104 zaposlena na neodređeno, dok je 13 zaposlenih na određeno vrijeme. Zavod za javno zdravstvo već duži niz godina ima problem sa, da kažemo, kadrovskom potkapacitiranošću. Taj problem se djelomično uspjeva prevazići angažovanjem radnika na osnovu programa sufinansiranja u suradnji sa Službom za zapošljavanje Kantona Sarajevo. I za neko da kažemo normalno funkcionisanje bi bilo potrebno najmanje 150 zaposlenika, što bi predstavljalo 75 % popunjenosti radnih mjesta u odnosu na trenutnih 57 %. U suradnji sa Ministarstvom zdravstva Kantona Sarajevo u toku prethodne godine i ove je planirano i uz veće djelomično i ovaj, ostvareno pokretanje 15 specijalizacija, tako da će kroz 5 godina Kanton Sarajevo da dobije 15 specijalista iz domene javnog zdravstva. Zavod obavlja svoju djelatnost na 9 prostorno odvojenih lokaliteta. Nemamo dovoljne i adekvatne prostore, odnosno zbog nedostatka vlastitog objekta onemogućen je rad jedinica na jednom lokalitetu, što je neophodno za efikasan rad i funkcionisanje Zavoda. Oprema većinom ispunjava izvršenje javnozdravstvene djelatnosti. Dio opreme koji je zastario planirano je da se zamijeni u toku 2025. godine, prvenstveno iz vlastitih sredstava, ali iz sredstava projekata, te iz sredstava Ministarstva zdravstva i Civilne zaštite. Neki od projekata koji su planirani u 2025. godini su



monitoring kvalitete zraka u suradnji sa Ministarstvom komunalne privrede, zatim Projekat edukacije roditelja i učenika završnih razreda osnovne škole i roditelja i učenika srednje škole po pitanju HPV-e vakcinacije, kao i edukacija stanovništva na području Kantona Sarajevo o značaju i važnosti vakcinacije protiv vakcinalno-preventabilnih bolesti. Tu su i projekti u suradnji sa općinskim nivoima, kako o obilježavanju važnih datuma hroničnim, ne zaraznim bolestima, tako i o suradnji na nekim lokalnim temama. Ove godine Kantonalni zavod je uspio da ostvari i suradnju na EU fondovima i projektima. Tako da ćemo se opremiti i međunarodnom učešću. Također, projekat edukacije, informisanja i jačanja javne svijesti, edukacije o vaspitno-obrazovnim ustanovama na području Kantona Sarajevo na temu duhana i duhanskih proizvoda i njihovoj štetnosti po zdravlje. Jedan od projekata koji je još planiran u Kantonu Sarajevo jeste informatizacija Zavoda za javno zdravstvo. Nažalost, taj proces je počeo prije nekoliko godina, ali nikada nije u potpunosti implementiran. Što se tiče aspekta usluga, u 2025. godini Zavod za javno zdravstvo planirano je da pruži preko 750 000 usluga, od toga je nekih 290 000 mikrobioloških usluga, 350 000 hemijskih analiza, sa aspekta epidemiologije, na primarnom nivou preko 100 000 usluga, a na sekundarnom još desetak hiljada usluga. Financijski plan za 2025. godinu. Znači Financijski plan Zavoda za javno zdravstvo je usuglašen sa Financijskim planom Zavoda zdravstvenog osiguranja Kantona Sarajevo i prihodi iz obaveznog zdravstvenog osiguranja za '25. godinu planirani su u iznosu od 6.446.000 KM. Predviđena su sredstva za nastavak financiranja 6 specijalizacija u iznosu od 302 000, dok sredstva predviđena za 9 novih specijalizacija iznosi još 454 000 maraka. Za 2025. godinu predviđena su i dodatna sredstva za vakcinaciju protiv virusa gripe u iznosu 176 000 maraka, HPV je vakcinaciju u iznosu od 400.000 maraka, te sredstva za promociju vakcinacije u iznosu od 67 000 maraka. Procenat financiranja od strane Zavoda zdravstvenog osiguranja iznosi 80 % za 108 uposlenika i 15 specijalizanata. I upravo ta razlika već duži niz godina postaje opterećenje za Zavod za javno zdravstvo da sama se isfinancira tu razliku (greška na tonskom zapisu). Evo još sekund. Planirani ukupni prihodi za 2025. godinu iznosi 8 362 000 maraka i u 2025. godini je planirana nabavka u vrijednosti od 315 000 iz vlastitih sredstava, 8000 putem donacija, a iz Budžeta Kantona Sarajevo i Ministarstva zdravstva 196 000 KM. Ukupni troškovi planirani za 2025. godinu iznose 8 362 000 i 15 % su veći od plana za 2024. godinu, 25 % veći od ostvarenih troškova u '24. godini, a glavni uzrok jeste povećanje satnice koja se korigovala već dva puta. To je to. Hvala.

### **Elvedin Okerić (predsjedavajući)**

Zahvaljujemo se na uvodnim napomenama. Možete se vratiti na svoje mjesto. Otvaram raspravu. Zastupnik Davor Čičić javio se za riječ, izvolite.

### **Davor Čičić (zastupnik)**

Evo ja ću se zahvaliti na opširnim obrazloženjima planova i programa. A mislim da je jako bitno i zbog stenograma i zbog građana, da čuju šta su sve javne zdravstvene ustanove planirale da rade u toku ove godine. Ispred Komisije za budžet i financije mi smo potvrdili da su svi financijski planovi ove godine usklađeni sa budžetom Zavoda zdravstvenog osiguranja koji smo usvojili na ovoj Skupštini krajem prošle godine, tako da, što se nas tiče, planovi su usklađeni, a programi, naravno, prema potrebama svake od ustanove i evo još jednom i čestitam i Ministarstvu zdravstva i svim zdravstvenim ustanovama na potpisivanju novog kolektivnog ugovora. Zahvaljujem.

### **Elvedin Okerić (predsjedavajući)**

S obzirom da nema više prijavljeni, zaključujem glasanje. Jeste se vi javljali? Jeste? Zamolio bih službu da otkloni tehnički problem. Pokušajte karticu staviti u taj drugi uređaj, možda tamo možete se javiti. Zastupnica Elza Gaković se javila za riječ.

Izvolite.

### **Elza Gaković (zastupnica)**

Zahvaljujem, predsjedavajući, evo ja ću vrlo kratko. Također, složiti ću se sa uvažanim kolegom Davorom i zahvaliti svim izlagačima na zaista jednim iscrpnim, ne bih ovo nazvala uvodnim napomenama, nego zaista na jednim iscrpnim izvještajima za periode koje tretira današnji ovaj izvještaj. I ono što bih vas zamolila što bi se moglo unaprijediti, pogotovo kada se odnosi na Zavod zdravstvenog osiguranja, iako ja mislim da predstavnica je otišla trenutno, možda iz sale, izvinite ako je ne vidim tu, jeste da se ono što je apel pacijenata omogući dostava laboratorijskih nalaza elektronskim putem. Mislim da bi itekako to pacijentima značilo jer znate da jednostavno to predstavlja jednu problematiku kod pacijenata, svakodnevno u njihovom potraživanju tih njihovih laboratorijskih nalaza. Ono što je također evidentno jeste da se Fenilketonurija, kao jedna od, ajmo reći, rijetkih oboljenja, ne tretira na način na koji se tretira u zemljama regije. Pa evo isto tako apel za nadležne iz Zavoda zdravstvenog osiguranja da malo porade još na uređivanju ove oblasti, ako je, naravno, to moguće i ako je u okviru njihovih nadležnosti. Također, kada vidimo zaista, ponukana sam ovim širokim vašim spektrom perioda za koji ste se danas referisali, a to je '26., '27. godina i ono što svi znamo jest da Pedijatrijska klinika endokrinologije ima samo trenutno jednog endokrinologa koji je nekako na vratima prema penziji. Ono što je zabrinjavajuće obzirom da pedijatrija, tj endokrina tretira jako širok dijapazon različitih oboljenja je također i zabrinjavajuće za nas kao roditelje, tj. za sve roditelje koji imaju djecu imaju potrebu prema ovoj vrsti usluge da ostajemo bez tog kadra. Da, danas sam ministrom sam i razgovarala, ne kako imamo, čini mi se i jasan put rješavanja te problematike, pa evo i za nadležne, oni koji su prisutni tu danas kao predstavnici, predstavnici Kliničkog centra i za uvaženog ministra Hasanovića koji će sigurno udovoljiti zahtjevu i roditelja i potrebama građana, na kraju krajeva, jeste da se razmisli o raspisivanju subspecijalizacije, tj. Javnog poziva za pedijatra endokrinologije. To je nešto što nam zaista je neophodno obzirom da imamo situaciju poređenja Mostar i Tuzla, gdje imamo 4, odnosno 3 subspecijalizacije. Za Dom zdravlja evo da se razmotri mogućnost da se u laboratorijama Javne ustanove Doma zdravlja pretrage vrši nalaza štitne žlijezde, hormona štitne žlijezde i HbA1 C. Zaista je to, čini mi se, neka priča koja datira još iz prošle godine, pa evo, još i nemamo neki jasan feed back, je li moguće, nije moguće, a znamo svi da je neka vrsta izazova otići roditeljima na Klinički centar zajedno sa svim ostalim čekati u jednim velikim redovima i na kraju, zašto da to radimo negdje drugo ako to možda možemo da radimo uslovima laboratorija naših domova zdravlja, i ako je to ovaj operativno i na kraju izvjesno i ovaj, moguće. Ono što bih željela da pohvalim jeste i aktivnosti koje su zaista ovih dana vrlo vidljive u javnosti, a tiču se defibrilatora i Zavoda hitne medicinske pomoći, aktivnosti o edukaciji važnosti edukacije građana o upotrebi ovih defibrilatora jer mi moramo priznati da Sarajevo zaista je jedan veliki grad koji se širi sa velikim potencijalom turizma, grad koji živi, koji je nekako vrlo frekventan i defibrilatori su nam trebali jučer, a ne danas. Tako da hvala vam, mi, radite i dalje na aktivnosti podizanja, jer ako spasimo jedan život, spasili smo čitavo čovječanstvo. Nekako je to krilatica kojom se vi svakodnevno, čini mi se, u svakom danu, u svakom minut svoje aktivnosti i vodite. I ono što zaista, evo nekako, čini mi se, temelj razmišljanja svima nama, odnosno, evo, čula sam izvještaje svih predstavnika zdravstvenih ustanova i čini mi se da se Zavod za javno zdravstvo susreće sa najvećim izazovom, potkapacitiranošću ustanove. To je jednako bitna ustanova kao i sve ostale zdravstvene ustanove i sigurna sam da će ministar Hasanović raditi

na tome kao što je i radio na kapacitiranošću svih ostalih zdravstvenih ustanova. I evo, neki izazovi u prošlom periodu pokazali su nam da Zavod za javno zdravstvo itekako igra bitnu ulogu u našem društvu, i to ne samo u jednom pravcu, nego, čini mi se, u svim pravcima kada je u pitanju i preventiva i zaštita građana, zdravlja njihovog i svi ostali segmenti njihovog ovog života, a pogotovo ono što je jako bitno, jeste, a što ste najavili, čini mi se kroz naredni period, jeste monitoring kvalitete zraka u Kantona Sarajevo, koji je, i, evo možemo reći, možda komunalni izazov, ali za vas zdravstvene radnike čini mi se da je također iz domena vaših pružaoca, odnosno vaših usluga, tako da nekako sinhronizovanim djelovanjem vjerovatno vaših preporuka, kako bi mi to mogli da unaprijedimo kvalitet zraka, smanjit ćemo broj i vaših intervencija i broj građana koji oboljevaju nerijetko od svih tih nekako izazova, boreći se sa nečesto nezdravim zrakom u Kantonu Sarajevo. Ono što je također apel roditelja djece koja boluju od hroničnih oboljenja jeste da nekako imamo različita stanja, od doma zdravlja do doma zdravlja, da se terapije koje su nekako kod nekih na tromjesečnom nivou, kod nekih na mjesečnom nivou tretirane budu zaista tretirane na jednak način. Evo primjera radi, ja ću svaki mjesec pozvat Dom zdravlja da pusti inzulin mom djetetu, dok isti roditelj u drugoj općini neće to morati da radi, jer njegova terapija je puštena na 3 mjeseca, ali uredno će svaki mjesec otići u apoteku i podići terapiju svom djetetu. Kao i u svim oblastima, i u oblasti zdravstva i u oblasti vaših nadležnosti, itekako imamo prostora za unapređenje, ali evo, ovom prilikom ja ću zaista čestitati jednom, čini mi se, od najagilnijih ministara, a to je ministar Hasanović, jer nerijetko sam imala dobru saradnju sa njim i sve ono što je bilo racionalno, moguće i operativno u datom momentu riješili smo, čini mi se, u nekako rekordnom periodu. Još jednom hvala vam na is crpnim izvještajima i unapređujte sve ono što građani traže od vas.

### **Elvedin Okerić (predsjedavajući)**

Zahvaljujemo se zastupnici Gaković. Ministar Enis Hasanović je tražio riječ, izvolite.

### **Enis Hasanović (ministar)**

Zahvaljujem predsjedavajući. Nekako sam imao potrebe da odgovorim bilo je ovdje više pitanja, s tim da nisam u početku mislio da će biti više, pa ih nisam upisivao, valjda ću se sjetiti svih. Prije svega hvala svim direktoricama i direktorima i onima što su poslali svoje predstavnike. Zna da bi bilo teško organizovati, nismo znali kad će tačka biti na dnevnom redu, ali evo, svi su došli. Hvala za komentar zastupnici. Ovako da krenem otpozadi, bilo. Sigurno su smjernice iste da li terapija ide 1 mjesec ili 3 mjeseca, imat ćemo kasnije tačku o snabdjevenosti lijekovima, to je do pedijataru ili do doktora koji rade na školskim dispanzerima kako to primjenjuju. Slažem se, apsolutno da trebaju biti isti, nekako je logičnije i lakše i roditeljima i djeci, doktorima, posebno drugima da budu u 3 mjeseca, ali mislim da u tom uzrastu nam trebaju češće kontrole. Poslušat ćemo smjernice Komisije i ostalih, ali apsolutno da budu jednake. Zavod za javno zdravstvo nije jednako bitan kao i svi ovi ostali, Zavod za javno zdravstvo je strateški najbitnija ustanova u ovom Kantonu zato što svi ovi drugi zdravstvene ustanove se bave pojedinačno liječenjem pacijenata, dijagnozom, liječenjem, oni se bave liječenjem, odnosno prevencijom bolesti cijelog društva. Itekako prepoznajemo značaj Zavoda za javno zdravstvo. Hvala na sugestiji, ali radimo sa njima. Evo, radili smo Strategiju razvoja zdravstva, a sada od jeseni kreću, Ministarstvo je izdvojilo Ministarstvo zdravstva novac za 4 projekta edukacije u osnovnim školama i ići ćemo sa edukacijom i o lošoj ishrani, povećanoj pretilosti kod djece, konzumiranje zašećerenih pića, a dalje je za mentalno zdravlje ovisnost od nikotina i duhanskih proizvoda i mentalni poremećaj. Raditi ćemo edukacije, Zavod za javno zdravstvo je uradio odlična brza predavanja, sada oko Leptospiroze u školama i nastaviti ćemo to. Hvala za komentar. Bilo je pitanje da za nalaze apsolutno slažemo, pa ministar, ali ne mogu to završiti do sada, pokušavamo još od Zavoda zdravstvenog osiguranja,

tražimo evo već godinu i pol da omogući to pacijentima. Međutim, MEDIT koji to treba isporučiti ili druga firma imaju strah ili imaju kočnicu od Agencije za zaštitu ličnih podataka, više puta su pisali, pa i Zavod, pa i mi nismo dobili odgovor iako sam ubijeđen da nema nikakve smetnje, pacijenti dobiju svoje nalaze, radimo na tome, ali zasad ne možemo završiti to. Čekamo odgovor od Agencije za zaštitu ličnih podataka i posvetiti ćemo se tome, apsolutno pacijenti trebaju imati svoje nalaze. Znači, za danas je bilo to u formi pitanja, evo ili inicijative, apsolutno ćemo je podržati od zastupnice, ali mi smo podijelili skoro 400 specijalizacija i subspecijalizacija za ovu godinu dana. Evo to je do ustanova, evo jedan primjer: Klinički centar je prvo poslao, tražio jednu specijalizaciju iz neuropedijatrije, to apsolutno nije dovoljno. Mi smo vratili, zahtijevali da traže više, pa su, mislim 3 kasnije tražili, dali smo im. Ja sada u ovom momentu nemam kod sebe to koliko su tražili endokrinologije na pedijatri, ali zasigurno su dobili koliko su tražili ili više, nije samo Kliničkom centru. U prvom navratu sam ja vratio i direktoru Opće bolnice, direktoru tadašnjem Doma zdravlja, da traže više specijalizacija jer nisu tražili dovoljno. Ovdje nije slučaj da oni traže pa ne dobiju, nego nisu tražili dovoljno specijalizacija i subspecijalizacije zasigurno će dobiti. Izašli su nam u susret Federalno ministarstvo pa smo dopune toga radili. Ponovo ćemo tražiti dopunu za ovo, ali to je isključivo od ustanova, a i Zavod za javno zdravstvo, što je rekao, Anes, vjerojatno je neki nesporazum, nemaju sada, a ne da neće imati. Oni su dobili, odobrene su im sve specijalizacije i subspecijalizacije. Imat će ni kadra kad se to završi. Ne mogu sjetiti drugog nečeg. Hvala za diskusiju, hvala direktorima i eto, hvala svima.

#### **Elvedin Okerić (predsjedavajući)**

Zahvaljujem se ministru Hasanoviću. Zaključujem raspravu na ovoj tački dnevnog reda s obzirom da nema više prijavljenih.

Prelazimo na sljedeću tačku dnevnog reda po redu trinaesta.

#### **AD-13.**

#### **Izveštaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2022. godinu**

Materijal ste dobili uz poziv za sjednicu. Zamolio bih predstavnika predlagača da kratko podnese uvodne napomene. Nema potrebe. Otvaram raspravu, zaključujem raspravu.

Prelazimo na tačku četrnaest.

#### **AD- 14**

#### **Izveštaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2023. godinu**

Materijal ste dobili uz poziv za sjednicu. Ima li potrebe da predstavnik predlagača podnese uvodne napomene? Nema. Otvaram raspravu, zaključujem raspravu.

Prelazimo na tačku petnaest.

#### **AD- 15.**

#### **Izveštaj o poslovanju Kantonalnog javnog preduzeća „ZOI '84“ Olimpijski centar Sarajevo d.o.o. Sarajevo za 2023. godinu**

Materijal se dobili uz poziv za sjednicu. Da li je s nama predstavnik predlagača da podnese uvodne napomene? Nema potrebe. Otvaram raspravu, nema prijavljenih, zaključujem raspravu.

Prelazimo na tačku šesnaest.

**AD-16.**

**Izveštaj o radu Javne ustanove „Centar za napredne tehnologije u Sarajevu“ za 2022. godinu i Izveštaj o finansijskom poslovanju Javne ustanove „Centar za napredne tehnologije u Sarajevu“ za period od 01.01.2022. do 31.12.2022. godine**

Materijal se također dobili uz poziv za sjednicu. Molim predstavnika predlagača da podnese uvodne napomene. Nema potrebe, otvaram raspravu. S obzirom da nema prijavljenih, zaključujem raspravu na ovoj tački.

Prelazimo na tačku sedamnaest.

**AD-17.**

**Izveštaj o radu Javne ustanove „Centar za napredne tehnologije u Sarajevu“ za 2023. godinu i Izveštaj o finansijskom poslovanju Javne ustanove „Centar za napredne tehnologije u Sarajevu“ za period od 01.01. do 31.12.2023. godine**

Materijal se dobili uz poziv za sjednicu. Ima li potrebe da predstavnik predlagača podnese uvodne napomene?

Nema. Otvaram raspravu po ovoj tački dnevnog reda. Nema prijavljenih, zaključujem raspravu.

Prelazimo na tačku osamnaest.

**AD- 18.**

**Izveštaja o radu Pravobranilaštva Kantona Sarajevo za 2023. godinu**

Materijal ste dobili uz poziv za sjednicu, molim predstavnika predlagača da podnese, nema potrebe. Otvaram raspravu, zaključujem raspravu s obzirom da nema prijavljenih.

Prelazimo na tačku devetnaest.

**AD-19.**

**Izveštaj o radu Pravobranilaštva Kantona Sarajevu za 2024. godinu**

Materijal za dobili uz poziv za sjednicu. Molim prestavnika predlagača da podnese uvodne napomene. Ako nema potrebe, otvaram raspravu po ovoj tački dnevnog reda. Nema prijavljenih za diskusiju, stoga zaključujem raspravu po ovoj tački dnevnog reda.

Prelazimo na tačku dvadeset.

**AD- 20.**

**Izveštaj o radu i finansijskom poslovanju Kantonalnog zavoda za pružanje besplatne pravne pomoći za 2023. godinu.**

Materijal se dobili uz poziv za sjednicu ima li potrebe da predsjednik predlagače podnesu uvodne napomene? Nema, otvaram raspravu, s obzirom da nema prijavljenih, zaključujem raspravu.

Tačka dvadeset i jedan.

**AD-21.**

**Izveštaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu**

Materijal ste dobili uz poziv za sjednicu. Ima li potrebe da predstavnik predlagače podnese uvodne napomene? Nema. Otvaram raspravu po ovoj tački dnevnog reda. S obzirom da nema niko prijavljen, zaključujem raspravu po ovoj tački.

Prelazimo na tačku dvadeset i dva.

**AD-22.**

**Izveštaj o snabdjevenosti Kantona Sarajevo lijekovima i sanitetskim materijalom u 2023. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti**

Materijal ste dobili uz poziv za sjednicu. Ima li potrebe da predstavnik predlagača podnesu uvodne napomene? Nema. Otvaram raspravu. S obzirom da nema prijavljeni, zaključujem raspravu po ovoj tački dnevnog reda.

Prelazimo na tačku dvadeset i tri.

**AD. 23.**

**Izveštaj o snabdjevenosti Kantona Sarajevo lijekovima i sanitetskim materijalom u 2024. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti**

Materijal se također dobili uz poziv za sjednicu. Ima li potrebe da predstavnik predlagača podnesu uvodne napomene?

Nema. Otvaram raspravu po ovoj tački dnevnog reda. S obzirom da nema prijavljenih, zaključujem raspravu.

Prelazimo na tačku dvadeset i četiri.

**AD-24.**

**Izveštaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo za 2023. godinu**

Materijal ste dobili uz poziv za sjednicu. Ima li potrebe da predstavnik predlagača podnese uvodne napomene? Nema. Otvaram raspravu. S obzirom da nema prijavljenih, zaključujem raspravu.

Prelazimo na tačku dvadeset i pet.

**AD-25.**

**Izveštaj o implementaciji Odluke o proširenom obimu prava za korištenje ortopedskih pomagala, lijekova, medicinsko - sanitetskih sprava i materijala za ratne vojne invalide sa područja Kantona Sarajevo u 2024. godini**

Materijal sa dobili uz poziv za sjednicu. Ima li potrebe da se podnesu uvodne napomene? Nema. Otvaram raspravu. S obzirom da nema prijavljenih, zaključujem raspravu na ovoj tački dnevnog reda.

Prelazimo na tačku dvadeset i šest.

**AD-26.**

Prije nego što dam riječ kolegi Enisu Hasanoviću, ministru zdravstva, kolega Čičić. Pauza, pauza 15 minuta na zahtjev Kluba SDP-a.

NASTAVAK NAKON PAUZE

**Elvedin Okerić (predsjedavajući)**

Nastavljamo sa radom sjednice Skupštini Kantona Sarajevo.

**Tačka dvadeset i šest.**

**AD- 26.**

**Nacrt Strategije razvoja kulture u Kantonu Sarajevo za period 2022. - 2027. godina.**

Možete tu s mjesta. Sekretar Vlade Kantona Sarajevo. Izvolite, imate riječ, tražili ste da se javite.

**Mersiha Šabaredžović-Klačar (sekretar Vlade KS)**

Hvala vam predsjedavajući, pozdrav za vas i dopredsjedavajuće, kao i uvažene zastupnike i zastupnice. U skladu sa datim ovlaštenjem i u neposrednoj komunikaciji sa premijerom Kantona Sarajevo ispred Vlade Kantona povlačimo tačku 26. Hvala.

**Elvedin Okerić (predsjedavajući)**

Zahvaljujemo se. Na zahtjev Vlade Kantona Sarajevo povlači se iz tehničkih razloga tačka 26.

Ovim smo iscrpili rad na današnjoj Radnoj sjednici Skupštine Kantona Sarajevo.

Stoga prelazimo na izjašnjenje po svim tačkama današnjeg dnevnog reda.

Tačka 2. je također povučena.

Prelazimo na tačku 3.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O RUDARSTVU.**

Ako nekom ne radi, služba ne rade aparati. Zamolio bih vas da zamolio bi da samo osposobite aparate kako bi zastupnici mogli glasati.

Zaključujem glasanje. Molim službu da objavi rezultate glasanja. Za je glasalo 18 zastupnika, protiv ništa, suzdržanih ništa.

Konstatujem da je Skupština donijela ovaj zakon.

Zamolio bih vas samo malo tiše, molim vas.

Tačka 4.

Molim zastupnike da pristupe izjašnjanju o Prijedlogu Zakona o izmjeni i dopunama Zakona o koncesijama.

Zaključujem glasanje. Molim službu da objavi rezultate glasanja. Za je glasalo 18 zastupnika, protiv i suzdržanih nije bilo.

Konstatujem da je Skupština donijela ovaj zakon.

Prelazimo na tačku 5.

Radi se o Nacrtu Zakona o izmjenama i dopunama Zakona o turizmu.

Molim zastupnike da..

Prije svega predlažem, predlažem da Skupština po Nacrtu Zakona o izmjenama i dopunama Zakona o turizmu donese sljedeći Zaključak:

1. Utvrđuje se Nacrt Zakona o izmjenama i dopunama Zakona o turizmu.
2. Nacrt Zakona iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, naučne i stručne ustanove, a trajat će 60 dana.
4. Primjedbe, prijedlozi, sugestije i mišljenja na Nacrt učesnici javne rasprave dostavljaju Vladi Kantona Sarajevo, putem Ministarstva privrede Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je da nakon provedene javne rasprave Skupštini Kantona Sarajevo dostaviti Prijedlog Zakona o izmjenama i dopunama Zakona o turizmu, vodeći računa o primjedbama, prijedlozima, sugestijama i mišljenjima kroz Izvještaj o provedenoj javnoj raspravi.
6. Ovaj zaključak stupa na snagu danom donošenja.

Molim zastupnike da pristupe izjašnjavanju o predloženom Zaključku.

Zaključujem raspravu, odnosno zaključujem glasanje.

Za je glasalo 18 zastupnika, protiv i suzdržanih nije bilo. Konstatujem da je Skupština donijela ovaj zaključak.

Prelazimo na tačku 6.

Nacrt Zakona o izmjenama i dopunama Zakona o poticaju razvoja male privrede

Predlažem da Skupština po Nacrtu Zakona o izmjenama i dopunama Zakona o poticaju razvoja male privrede donese sljedeći Zaključak:

1. Utvrđuje se Nacrt Zakona o izmjenama i dopunama Zakona o poticaju razvoja male privrede.
2. Nacrt Zakona iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinicama lokalne samouprave, naučne i stručne ustanove, a trajat će 60 dana.
4. Primjedbe, prijedlozi, sugestije i mišljenja na Nacrt učesnici javne rasprave dostavljaju Vladi Kantona Sarajevo, putem Ministarstva privrede Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je nakon provedene javne rasprave Skupštini Kantona Sarajevo dostaviti Prijedlog Zakona o izmjenama i dopunama Zakona o poticaju razvoja male privrede, vodeći računa o primjedbama, prijedlozima, sugestijama i mišljenjima kroz Izvještaj o provedenoj javnoj raspravi.
6. Ovaj zaključak stupa na snagu danom donošenja.

Zamolio bih zastupnike da se izjasne o pročitanoj zaključku.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijela ovaj zaključak.



Tačka 7 je povučena.

#### **AD-8.**

Molim zastupnike da se izjasne o tački 8.

Prijedlogu odluke o dopunama odluke o preuzimanju prava osnivača Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština donijela ovu odluku.

Prelazimo na tačku 9. je povučena.

Prelazimo na izjašnjenje tačke 10.

Molim zastupnike da se izjasne o Prijedlogu odluke o davanju saglasnost na Program rada Zavoda zdravstvenog osiguranja Kantona Sarajevo za 2025. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijela ovu odluku.

Prelazimo na glasanje tačke 11.

Molim zastupnike da se izjasne o Prijedlog odluke o izmjeni Odluke o preuzimanju prava i obaveze osnivača i usklađivanja organizacije poslovanje Javne ustanove Psihijatrijska bolnica Kantona Sarajevo.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština donijela ovu odluku.

Tačaka 12.

Glasamo o prijedlozima odluka o davanju saglasnosti na programe rada i finansijske planove javnih ustanova iz oblasti zdravstva za 2025. godinu.

S obzirom da znate o čemu se radi, samo ću čitati pod a) ovim redoslijedom onako kako je navedeno u dnevnom redu zbog dugih naziva da ne bi gubili vrijeme.

Molim zastupnike da pristupe, znači glasamo o tački a tačke, odnosno podtački a) tačke 12.

a)

Molim zastupnike da pristupi izjašnjavanju o Prijedlogu Odluke o davanju saglasnosti na Program rada i finansijski plan Javne ustanove Kantona Sarajevo Zavod za zdravstvenu zaštitu studenata Univerziteta u Sarajevu za 2025. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijelo ovu odluku.

Pod b)

Molim zastupnike da pristupi izjašnjavanju Prijedlogu Odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2025. godinu.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština donijela ovu odluku.

Pod c)

Molim zastupnike da pristup izjašnjavaњу o Prijedlogu Odluke o davanju saglasnosti na Program rada i finansijski plan Javne ustanove „Apotheke Sarajevo“ za 2025. godinu.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijela ovu odluku.

Pod d)

Molim zastupnika da pristup izjašnjavaњу o Prijedlogu Odluke o davanju saglasnosti na Plan i Program rada sa finansijskim planom Javne ustanove Zavod za zdravstvenu zaštitu žena i materinstva Kantona Sarajevo za 2025. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovu odluku.

Pod e)

Molim zastupnika da pristup izjašnjavaњу o Prijedlogu Odluke o davanju saglasnosti na Program rada i finansijski plan Javne ustanove Psihijatrijska bolnica Kantona Sarajevo za 2025. godinu.

Opet, pojedini zastupnici ne mogu glasati. Molim službu da otkloni kvar.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijelo ovu odluku.

Pod f)

Molim zastupnike da pristupe izjašnjavaњу o Prijedlogu Odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo Prim.dr. Silva Rizvanbegović za 2025. godinu sa procjenama za 2026. i 2027. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijelo ovu odluku.

Pod g)

Molim zastupnike da pristup izjašnjavaњу o Prijedlogu odluke o davanju saglasnost na Program rada i finansijski plan Javne ustanove Zavod za sportsku medicinu Kantona Sarajevo za 2025. godinu sa projekcijom plana za 2026. i 2027. godinu.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština donijelo ovu odluku.

Pod h)

Molim zastupnik da pristup izjašnjavaњу Prijedlogu Odluke o davanju saglasnosti na Program rada i finansijski plan Javne ustanove Opća bolnica „Prim.dr. Abdulah Nakaš“ za 2025. godinu sa projekcijom za 2026. i 2027. godinu.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

i)

Molim zastupnike da pristupi izjašnjavaњу o Prijedlogu Odluke o davanju saglasnosti na Program rada i finansijski plan Kliničkog centra Univerziteta u Sarajevu za 2025. godinu sa procjenom za 2026. i 2027. godinu.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

Pod j)

Molim zastupnike da pristup izjašnjavanju o Prijedlogu Odluke o davanju saglasnosti na Program rada sa finansijskim planom poslovanja Javne ustanove Zavod za bolesti ovisnosti Kantona Sarajevo za 2025. godinu sa procjenama za 2026. i 2027. godinu.

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

Pod k)

Molim zastupnik da pristupi izvršavanju o Prijedlog Odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2025. godinu sa projekcijom finansijskog poslovanja za 2026. i 2027. godinu

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

Pod l)

Molim zastupnike da pristupi izjašnjavanju o Prijedlog Odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2025. godinu, sa projekcijom za 2026. i 2027. godinu

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

Pod m)

Molim zastupnike da pristup izjašnjavanju o Prijedlogu Odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2025. godinu sa projekcijom finansijskog poslovanja za 2026. i 2027. godinu

Zaključujem glasanje. Za je glasalo 18 zastupnika, protiv i suzdržanih nije bilo.

Konstatujem da je Skupština usvojila ovu odluku.

Prelazimo na Izvještaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2022. godinu Tačka 13.

AD-13.

Molim zastupnike da pristup izjašnjavanju o Izvještaju o poslovanju Kantonalnog javnog preduzeća „Sarajevo-šume“ d.o.o. Sarajevo za 2022. godinu

Zaključujem glasanje. Za je glasalo 15 zastupnika, protiv ništa, suzdržana 2.

Konstatujem da Skupština nije usvojila ovaj izvještaj.

AD-14.

Prelazimo na tačku 14. Izvještaj o poslovanju Kantonalnog javnog preduzeća „Sarajevo-šume“ d.o.o. Sarajevo za 2023. godinu

Molim zastupnike da pristupi izjašnjavanju o Izvještaju o poslovanju Kantonalnog javnog preduzeća „Sarajevo-šume“ d.o.o. Sarajevo za 2023. godinu.

Zaključujem glasanje. Za je glasao 1 zastupnik, protiv 2, suzdržanih 14. Konstatujem da Skupština nije usvojila izvještaj.

Prelazimo na tačku 15.

AD-15.

Molim zastupnike da pristupi izjašnjavanju o Izvještaju o poslovanju Kantonalnog javnog preduzeća „ZOI '84“ Olimpijski centar Sarajevo d.o.o. Sarajevo za 2023. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

AD- 16.

Molim zastupnike da pristup izjašnjavanju o Izvještaju o radu Javne ustanove „Centar za napredne tehnologije u Sarajevu“ za 2022. godinu i Izvještaj o finansijskom poslovanju Javne ustanove „Centar za napredne tehnologije u Sarajevu“ za period od 01.01.2022. do 31.12.2022. godine.

Zaključujem. Glasanje za je glasalo 18 zastupnika, protiv i suzdržanih nije bilo. Konstatuje da je Skupština usvojila ovaj izvještaj.

AD-17.

Molim zastupnike da pristup izjašnjavanju o Izvještaj o radu Javne ustanove „Centar za napredne tehnologije u Sarajevu“ za 2023. godinu i Izvještaj o finansijskom poslovanju Javne ustanove „Centar za napredne tehnologije u Sarajevu“ za period od 01.01. do 31.12.2023. godine

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

AD-18.

Molim zastupnike da pristupe izjašnjavanju o Izvještaju o radu Pravobranilaštva Kantona Sarajevo za 2023. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Prelazimo na tačku 19.

AD-19.

Izvještaj o radu Pravobranilaštva Kantona Sarajevo za 2024. godinu.

Molim zastupnika da pristup izjašnjavanju o ovom Izvještaju. Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Prelazimo na izjašnjenje o tački 20.

AD-20.

Molim zastupnike da pristupe izjašnjanju o Izvještaju o radu i finansijskom poslovanju u Kantonalnog zavoda za pružanje besplatne pravne pomoći za 2023. godinu.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Izjašnjenje o tački 21.

AD-21.

Molim zastupnike da pristup izjašnjanju o Izvještaj o radu i finansijskom poslovanju Kantonalnog zavoda za pružanje besplatne pravne pomoći za 2024. godinu

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Tačka 22.

Molim zastupnike da pristupi izjašnjanju o Izvještaju o snabdjevenosti Kantona Sarajevo lijekovima i sanitetskim materijalom u 2023. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti.

Molim službu da pripremi anketu za izjašnjenje.

Za je glasalo 18 zastupnika, protiv, suzdržanih nije bilo, Konstatujem da je Skupština usvojila ovaj izvještaj.

Prelazimo na izvršenje tačke 23.

Molim zastupnike da pristupe izjašnjanju o Izvještaju o snabdjevenosti Kantona Sarajevo lijekovima i sanitetskim materijalom u 2024. godini sa osvrtom na implementaciju Liste lijekova koji se propisuju i izdaju na teret sredstava obaveznog zdravstvenog osiguranja kroz funkcionisanje Mreže farmaceutske djelatnosti - apoteka, sa prijedlogom mjera i aktivnosti

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Prelazimo na izjašnjenje o tački 24.

Molim zastupnike da pristupi izjašnjanju o Izvještaj o implementaciji Odluke o proširenom obimu prava za korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo za 2023. godinu.

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Tačka 25.

Molim zastupnike da pristupe izjašnjanju o Izvještaju o implementaciji Odluke o proširenom obimu prava za korištenje ortopedskih pomagala, lijekova, medicinsko - sanitetskih sprava i materijala za ratne vojne invalide sa područja Kantona Sarajevo u 2024. godini

Zaključujem glasanje. Za je glasalo 18 zastupnika, protiv i suzdržanih nije bilo. Konstatujem da je Skupština usvojila ovaj izvještaj.

Tačka 26 je povučena.

Obzirom da smo u potpunosti iscrpili današnji dnevni red današnje, 23. Radne sjednice Skupštine Kantona Sarajevo i izjasnili se o svim tačkama koristim priliku da se zahvalim zastupnicima danas koji su prisustvovali čitav dan, raspravljali o svim ovim tačkama i evo ostali do kraja da se izjasnimo. A oni koji su danas sebi dali za pravo da opstrukcijama, populizmom i destrukcijom zaustave rad Skupštine Kantona Sarajevo, oni govore, oni govore sami o sebi, a mi smo im davno kazali možete nas usporiti, ali ne možete zaustaviti ovu većinu Skupštine Kantona Sarajevo i najbolju Vladu Kantona Sarajevo. Hvala vam, prijatno.